


# ETHOONYERYO

## Y'EKEEKHAI EHINICALIWA

 ...othukumana voosiis'ula mwa Nsina n'Apwiya Yesu, ni nuumala ovekela vanci-ene. Nto voosiis'ula, nkivennye oxaka-ene. Kaahixeliwa, ovenya, ni kinoona wira atthu othene annisuwela mwaha wa xeeni yeeyo, naanaano va.

<sup>2</sup> Miyo kaahiphia owaani, voosiisu uwo, ahiiso ohiyu umosa, nto namwaattamanani aka aarimweemela vaniyatani, owo ni mwan'awe mwaamuthiyana. Amwaar'awe anfurumeera musaala w'oyara oxipiritali. Tivo owo aahikhalana e—ekopo mmatatani, yoorakama so, ni yoohimya ekhaani vaavo, ekhulula, ni etthu ekhaani yaahimya wira, “Pwaapu Branham ntoko, kookupali, ntoko iwoora 3:43 wala 4:43, Otuupuru mahiku yeettaka 11.” Nto, iparentesi suulupale vathi vaya, yaahimya wira, “Muhuuluvala ovikana sinuupuwelaanyu.” Tivo kihaana ihakhi vootthara ikano vano wira kimumule vakhani-tho voosiisu. Eyo ekeekhai, Munna Wright, okathi nyuwo—okathi munkhalaanyu pwaapu?

<sup>3</sup> Ni siiso kinoona wira eyo mwa enamuna emosa ennivivaha exariya, nto, Munna Kidd, voosiis'ula, mwaha w'ohikhala keemenle okathi murwiiyaanyu okhuma Ohio. Vekeekhai kinoona ntoko miyaakha soophiyaka muloko voowunnuwa, woona waka, nnya, nuumala yeeyo. Masi, ntoko nyuwo othene sinsuwelaanyu wira kookhalana mwaamusulu vale, oophiyaka ikhiilu tthaaru wala tthaaru ni nuusu, etthu siiso, mwaana ootepaxa onanara kitonko aka omoona. Eniiriwa, “Owo aalante apwaapu awe.” Tivo...Ni miyo koon paahi otthu aaronwaawe, weiwo Billy aaronwaawe.

<sup>4</sup> Siiso, nsana ohiyu, kirwaaka munvireloni, nuumala owaattaka atelefooni, kaahikumana ni axirikha oororomeleya a oGeorgia ni mukerehere, ni hiyo othene naari vale naawehaka axikhaani awo. Vano awo t'ophwanelasiwa. Vano, awo paahi ti...Miyo kweekwe kaanoonaka etthu ntoko, “Billy, munnoova wira munoowunta, moosuwela. Awo t'oyevaxa.” Ni kookupali wira aari Munna Beeler muthiyana iirale...Miyo kaanuupuwelaka...Ni owo aanuupuwelaka siiso, masi, ohoolo waya, owo khusuwela wira awo khaninteya vookhweyaxa. Tivo, miyo kinuupuwela wira ti siiso.

<sup>5</sup> Nsana oxekuwa kaahikhalana mureerelo w'okhala emosa wa itthoko sa munn'ihu va a mukereja, etthoko ya mwan'awe muthiyana; ni kinoona wira ni owo ori vaava mukereja, weiwo awo jaarinaaya elyelo ekhaani ya othapelala miyaakha sa Munna

Neville. Ni owo oovira ekhomo ekina ya imiilya nsana. Nto siiso hiyo ninimwiirela Munna Neville, “Otthapela miyaakha w’otteeliha murima w’ekeekhai,” khula mmosa a hiyo, okhala wira owo munna mmosa ooreera murima saana. Ni, vekeekhai, owo oovira miyaakha miloko miili ni mithanu, vakhani paahi, vano nto ntoko miyo. Nto siiso hiyo nooviriha, emaara yaneili. Eyo ti . . . Vano eyo orowa okhala mutokweene, mwaarowaka oviriha ekhomo eyo emaara yaneili, moosuwela.

<sup>6</sup> Kinnuupuwela voosiisu Frankie Weber aarwiye-awe va. Vano owo aari namwaattamanani va; mwan’awe mwamuthiyana onkhala weiwo vano. Owo ori oFlorida. Nto Frankie ni miyo naarowaka oxikola hoothe. Nto Frankie khuhela yoovaha ya otthapela wawe miyaakha. Ni kiira kilaleeryaka nto mwa miyaakha miraru wala mixexe. Kimweettiherya Frankie wa Pwiya Yesu. Vano owo khuhela isentaavo miloko miili ni thanu. Kinoona wira kaarina miyaakha miloko miili ni miili. Nto owo khuhela-mo isentaavo miloko miili ni thanu. Miyo khuupuwela, “Oh, wulu, muntthuna okileela wira Frankie Weber orina miyaakha miloko miili ni mithanu? Whish! Wulu, kaanoova okathi onkhalanaaka miloko miili ni mithanu.” Vano kinimwiitthokihira wira kihele-mo miraru, siiso nto, vahilekenle. Tivo khi—khivampisa ovira.

<sup>7</sup> Kaawehaka va ni omoona Munna mulopwana ni Munna muthiyana Kidd mwa miyaakha saya miloko mithanu na miraru ni nlelo arina-ene ikuru, kinnuupuwela, “Pwiya Yesu, mukilevelele mwaha wo wiisinliha, ni miyaakha miloko mithanu ni miili.” Vano awo. . . Nyuwo murina miloko mithanu na miraru, ni Munna Kidd miloko mithanu na miraru ni mmosa. Eyo ekeekhai? Miloko mithanu na miraru ni mmosa. Ni nlelo awo awa mmutekoni. Ni kinimooleelani, eyo enninilipiherya, kahi siiso? Vekeekhai enninilipiherya. Apwiya vekeekhai t’onireerela murima.

<sup>8</sup> Vano, eri etthu emosa paahi yoonanara kinoovaaka, okhala oophwanyaka va voosiisu omosa, nto eyo ti . . . Ti yoowoopiha, enikhala ntoko etthu yoowuuliha muru ohimya. Masi kookhalana apatthani anci-ene anrwa, okhuma ottaiwenexa, erwaaka—erwaaka vamutekoni v’okokhorela.

Miyo nkiniwoona aEvanses va, masi awo arisa vaava nipuro nlo, woona waka. Awo khanihaleelaka hata mmosa. Ni nyuwo moosuwela ikilomo kavi awo aneettihaaya ekaaro khula Ettiminku wira yiiwe olaleeriwa? Ikilomo ikonto piili ni miloko mithanu na mixexe. Awo khakhanle weettaka mukwaha voohivikana itoolare miloko mithanu na mosa ni miloko mithanu na miili khula esumana, wira arwaase okereja, ti yeeyo, okathi awo anrwaaya va ni othene aya, amusi aya, anoorwa nno, oliva.

<sup>9</sup> Vano, kahi yeeyo paahi, masi va ookhala mwamunna mmosa a wAlabama wu, oneettiha erakamelo siiso khula esumana.

Munna . . . Oh, wulu! Munna “Welt”? [Munna mmosa oniira, “West.”—Mol.] West. Miyo . . . Owo onkhala ntoko mmiravo, wa miyo. Owo—owo ti tiithi, ookhalana nikhuru n’anamwane. Masi owo kweekwe onikuupuxerya, owo onooneya okhala mmiravo, owo ni amwaar’awe. Munna West.

<sup>10</sup> Munna mulopwana ni Munna muthiyana Palmer akilaathanse ottuli iwe, a ohitto wu wa oMacon, Georgia.

Ni—ni Munna Ungren muthiyana, awo voolimaleleya anrwaasa va, okhuma oMemphis, Tennessee. Awo arisa vaava voosiis’ula? Miyo—miyo . . . Awo voolimaleleya annikhalaka. Munna Ungren muthiyana ni—ni nikhuru nimosa na oMemphis, wu, Tennessee, ayo, ottuli wu.

Ni aakhala akina. Miyo paahi . . . Awo t’owaatta, wira kiwiiithane. Aмоса-amosa a yaawo, a ohitto wu oKentucky. Akina, oChicago wu. Nto akina t’a oChicago, ni osulu wa oChicago, mukerekhere.

<sup>11</sup> Ettiminku, koosuwela wira aahikhala mulopwana mmosa va okhuma wu oCalifornia, ni owo aarina vakhani wira okhale; aatthuna okoona. Vekeekhai, miyo kaari oovela-vela, nuumala muthukumano. Vano mulopwan’owo khutthika, kihimoonale.

Mukina aarwiye okhuma wu oIllinois, nipuro nlo. Vakhala wira mulopwan’owo ori vaava voosiis’ula, wira ale yaari masa ooreeraxa ni oosivaxa kitonko aka okhuura. Vano owo aahikiruuhela mwaattelo khata wa masa.

Nto mmosa w’axinna a oGeorgia wu, kookupali wira aari yoowo, wala nipuro nlo, aahiruaha nihuta nuulupale na mihokorokho sa nokeera, sowunnuwa so, sa makatamphe ooyeva. Ni, oh, kinoowerya okhuura vekeekhai!

<sup>12</sup> Naanaano va, miyo, tthiri, nkinilya soolya sooreerela mahiku ala, nkinilyaaka okhuma varonwaaya ame aka. Miyo kinaaphavela Apwiya mwaha wa yo—yoowoona esya. Kinilya itthu sooveyaveya paahi, miyo . . . kawerya-ru okhalaxa kihilyaaka; koovukuwa ikhiilu thanu na xexe. Yeeyo ekhanle . . . Vano, nkinthukwa. Miyo nki . . . nnari. Eyo, wira yeeyo paahi, eyo khenivaheriwa wApwiya. Munthuna waavaha Apwiya vooreeraxa murinaanyu. Kahi e . . .

<sup>13</sup> Vaniiraneya omoona Munna Sumner n’akina ottuli iwe nave. Aakhala anci-ene paahi. Miyo . . .

Ntoko, Ettiminku evinre, miyo kaahimya atthu yaa—yaakhanle n’amaama, ni itthu siiso. Vano munna mmosa eekeekhai oororomeleya muthiyana aari vaavale. Miyo kiliyala oromola nsina na muthiyana’owo. Vano, owo aakhanle-ene vaava voosiis’ula, miyo kinniveka muswammaha. Mmosa aya aari Munna Beeler muthiyana, ni mukina aari Munna muthiyana ni Munna Steffy mulopwana. Ni anci-ene! Miyo . . .

14 Nyuwo othene munnikisuwela oratteenexa wira musuwele wira kuhiyo olakela, kaahiromole nsina wala ohinweha mutthu. Moota yaaryaaya oororomeleya othene aya! Ni imaara sikina kaaphwanyaneyaka va, kinoomurormola mutthu onoorwa mmuruni mwaka paahi. Masi miyo. . . Kaairaka eyo, kinihimya nikhuru nothene, atthu othene, moone, ti yooreera saana. Vano nto, atthu othene, oophenteya, wa hiyo. Ni vekeekhai hiyo ninnixukhurela yeeyo.

15 Nto vano, voosiis'ula, ninrowa ophavela waattamela-tho Masu a Muluku. Vano, kaatthuna kihimye nuulumo nla, wira yiiweye saana, wira miyo—miyo nkinrwa mwa hata muthukumano wira kooniwe paahi. Miyo nkinrowa vale wira kihimye paahi, “Ahe, miyo kintthuna khino kaavekele Apwiya wira ekivahe mu—Mutthaka onrowa owooniha atthu oreera saana ni okhuwela.” Hiyo naahikhalana yinci-ene ya yeeyo, masi, ni hiyo ninnittitimiha eyo. Ti yooreera. Munnona? Eyo ti yooreera. Munnona? Masi etthu entthunaaka osuwela, ti, “Pwiya, Nyuwo mweettiherye miyuupuwelo saka mw'etthu enrowa okhala mukhaliheryo w'atthu, enrowa waakhaliha vakhiviruxa ni Muluku, en—en—enrowa owiirela etthu, yo—yo, kahi yowaalipihaxa mwa erooho, masi waalipiha mwa omusuwela ni wiivaha wa Muluku, wira esuwele moota wo okhoota okathi nwanani onrwaawe.”

16 Miyo kaalavula ni munna mmosa muthiyana yoowo okhanle wenna oxekuryaka esumana ela, Munna Palmer. Owo khwira, aatthuna osuwela moota kiwenrye aka okhala elapo ela. Ti, nyuwo pooti orwa va, ni, ayo, khula okathi onrwaaka okhatoni kinikhala muretta kimalakaru ophiya. Ti wooruha iretta saana mukhatoni mu. Hiyo noosuwela eyo. Masi Muluku okkhalana aana anci-ene nno. Nto siiso nimosa wa mahiku awo. . .

17 Miyo kinaaphavela Apwiya vano, wira kiphwanye Mutthaka w'ekeekhai onikhuma wa Muluku. Munnona? Nto miyo, ni mukhaliheryo wa Muluku, miyo kimpavela okhala oolipa mpakha Owo orwa, eyo ti wii mpakha Owo okihimeerya nuulumo. Maana kinoona wira yaahaana okhala. . . Yookhala etthu ehanle okhumelela va, ni kintthuna kisuwele exeeni iyo. Kintthuna kisuwele okhuma wa Muluku, wira kiwerye ohimya wira ti SIISO ANIHIMYA T'APWIYA. Munnona? Vano nto—nto nyuwo munoowerya, nyuwo, atthu, vano munoosuwela wira—nkihiyo miyo. Vano, miyo kintthuna kiphavele opaka siiso, wira, wala, waakhela mutthaka wa Yaawo toko.

18 Okhala wira, Owo ahela—ru Masu Awe mwa—mwa mutthu, ahe, vano kahiyo-tho mutthu; ti Yoowo. Vano mutthu uwo aahimiyaka, mmansawe, weeso khenrowa ophwanyiha etthu khula enamuna. Masi vakhala wira Owo ti, Masu a Apwiya, yakhala mwa mutthu, Awo animwiiraneya, vano nto enookhala—enookhala yoolikana oratta-ene. Ti mwa yeeyo hiyo nirummwale-ahu mBibiliani, mwa ekapiitulu 20 ya Otumererya,

kookupali, Eyo ehimnye wira, ayo, “Nwehe, nto akhala onlavula mwa Nsina n’Apwiya, vano khuhiiraneya, vano muhinwiriyaneyane mutthu uwo.” Munnona? “Masi yalavula vano khwiiiraneya, vano vanreerela mwiiwe,” moone, “okhala wira enkhuma wa Muluku.”

<sup>19</sup> Ti siiso Muluku orinaawe. Owo ookhalana mutthokiheryo Awe wootthara oheliwe mu mBibiliani. Hiyo noosuwela moota wo osoma eyo. Masi sookhala itthu kamosa-kamosa, wa—wa Ekereja ni okathi ni itthu, Owo ohilempe-awe mu mBibiliani, tivo Owo onhela Nsu Nawe mwa mutthu vano awo anoolavula Nenlo ohoolo, moone, olavula Nenlo. Siiso, nto, enamuna yo omulamula mutthu owo ophavela osuwela vakhala wira eniireya ntoko sinihimyaya. Vano, yairaneya vale, vano n’utthikela yiireyaka siiso, ahe, nto noosuwela wira eyo enkhuma w’Apwiya. Vano hiyo—nto hiyo ninniroromela, nto, wira nikhale oolikana wa itthu sinoorwa.

<sup>20</sup> Kintthuna kisome mapuro maili wala mararu mwa Soolempwa voosiis’ula. Ni kintthuna kisome, toko, Muliivuruni mwa Okhuma, ni kookupali wira kapiitulu 4 ya—ya Okhuma, voopacerya.

<sup>21</sup> Nto vano kinoona wira kinoohimya mwiitthokihaka wira nisome Soolempwa iya, khino kinoohimya etthu kintthunaaka woolelani, etthu Apwiya ahenlyaaya vamurimani vaka wira kilavule, voosiis’ula. Miyo nkisuwenle etthu Awo anrowaaya wira ni yeeyo, w’atthu; khino emmulukama mutthu mmosa va, khino mutthu mapuro onaakheliwa ifiita, nipuro nikina. Masi kintthuna kihimye, voosiis’ula . . .

<sup>22</sup> Kinoona wira, Ettiminku evinre voosiisu, kaahilaleerya *Namoona Eekeekhai*. Nto Ettiminku ila voosiisu, Apwiya yatthuna vale, kintthuna kilaleerye *Ethoonyeryo Yekeekhai Ehinicaliwa*.

<sup>23</sup> Miyo . . . Munna Palmer aamukileela, nsana ohiyu, wira Ettiminku ile evinre voosiisu kaalavunle mwaha . . . wala kiirale kaarowa olavula, Ettiminku ila, mwaha wa “Makumano maxexe a Ekereja.” Nto okathi ovolonwe aka nsana ohiyu . . . Voolimaleleya miyo kinoolepa. Etthu . . . Nkisuwenle sinto nyuwo muhaana wira yeeyo wala nnari. Masi kihaana itthu sinci-ene, kinoophavela wuupuwela. Kinikalana etthu, kirinaaka olepa vanipattuusani na epaphelo. Munnona? Nto kiroorowa oweha yeela, ni etthu kaatthunaaka ohimya ni yeeyo khuwaari tthiri makumano maxexe. Miyo kihimnye eyo siiso, vekeekhai. Masi etthu kaatthunaaka ohimya, yaari, “Mikhalelo mixexe sa kuveerunu a Ekereja.” Ni wira kiire yeeyo, kihaana otakanxa sookhumelela sinci-ene vamosa. Nto khino okathi mukina kinookhalana yeeyo. Masi onthuneya okathi woowaatta vakhani ovikana waarinaaka, okathi wo osoma, wira kiphwanye

yeeyo, okhala wira nyuwo muhaana orowa ni okuxa mahiku, ni siiso.

Okhala wira, sothene nyuwo, sothene munsuwelaanyu wira siri mapuro othene. Vano, nintthuna nikhaleke oolipa saana wa itthu iya nihinatthi ohimya. Sihaana okhala soolikana. Okhala wira, hiyo nineemela va, nikhhalaka ni muteko muulupalexa onkhalaniwa mulaponi: murumeyi. Murumeyi, ni oororomeleyaxa ni eekeekhaixa, voolikana, nihaana okhala siiso. Nihaana olipana Muluku wira nikhale vaavo.

Vano, Muliivuruni mwa Okhuma, kapiitulu 4:

*Vano Moise aahaakhula wira, . . . vano, awo khanrowa okikupali, nnakhala khanrowa wiwa nsu naka: okhala wira anrowa ohimya wira, Apwiya khayookhumeleneni.*

*Vano APWIYA yahimuhimeerya wira, Exeeni iyo mmatatani mwanyu? Nto owo khwira, ttotto.*

*Vano awo khwira, Mmurihele vathi. Vano owo aahimurihela vathi, nto khuthatuwa enowa; vano Moise aahitthyawa yeeyo.*

*Vano APWIYA yaahimwiirela Moise, Mookole ntata nanyu, nvare mwiila aya. Vano owo aahookola ntata nawe, khwira, vano khukhala ttotto mmatatani mwawe:*

*Wira awo yaamini wira APWIYA Muluku a axitith'aya, Muluku a Abrahamu, Muluku a Isakhi, ni Muluku a Yakope, ohookhumelelani.*

*Nto APWIYA yaahimwiirela-tho, Muhele vano ntata nanyu vatthirima vanyu. Vano owo aahihela ntata nawe vatthirima vawe: nto vakumihalyawe, ntata nawe naahipakeya maretta noottela ntoko nakhutu.*

*Nto awo khwira, Muhele-tho ntata nanyu vatthirima. Vano owo aahittikiherya-tho ntata nawe vatthirima vawe; vano akumihakaru vatthirima vawe, nto, vo, naahitthikela-tho okhala ntoko erutthu awe ekina.*

*Vano enimwiraneya, awo yaahookupalini, nnakhala wiivelela nsu na ethoonyeryo yoopacerya, animwaamini nsu na ethoonyeryo yookiserya.*

Vannooneya ithoonyeryo piili, ni e . . . khula ethoonyeryo yaahikhalana nsu. Mukihiye kosome-tho eversiikulu 8:

*Vano enimwiraneya, awo yaahookupalini, nnakhala wiivelela nsu na ethoonyeryo yoopacerya, animwaamini nsu na ethoonyeryo yookiserya.*

*Ni enimwiraneya, awo yaahaamini ithoonyeryo iya piili, nnakhala wiivelela nsu nanyu, murike maasi a mmuro, muyeeherye . . . vatthayani voowuuma: vano*

*maasi yaawo murinke-anyu mmuro anoothatuwa  
ekhale ephome vatthayani voowuuma.*

24 Nto vano mwa Yohani Oowaarya, kapiitulu 1 versiikulu 6, ninrowa osoma iversiikulu iya, ahiiso eversiikulu ila. Yohani Oowaarya, kapiitulu 1 versiikulu 6. Ni. . .

*Aahikhala mulopwana mmosa aarummwe ni Muluku,  
yoowo nsina nawe aari Yohani.*

*. . . mulopwana mmosa aarummwe ni Muluku, yoowo  
nsina nawe aari Yohani.*

25 Ni mwa Ezekiyeli 24:24, kaatthuna kikhalihe Yoolempwa ela muhina, olutta ela okhuma Waataana wa Khalayi, mpakha maprofeta, mpakha Waataana Wa Naanaano; wira nyuwo musuwele saana wira ti okhuma okhomoni mpakha okhomoni, opacerya Okhuma, wopaceryani mpakha wookiseryani.

*Siiso Ezekiyeli onimookhalelani ethoonyeryo: sothene  
siinre-awe nyuwo munimwiira: okathi onrowaaya  
okhumelela itthu iya, munoosuwela wira Miyo ka  
Apwiya MULUKU.*

Vano nrowe nuurame miru sahu okathi vakhani paahi ni nttittimiho nimwaattamelaka Yoowo vano mwa enamuna ya mavekelo.

26 Tithi Muluku, hiyo ninrwa mwa Nsina na Muluku a Abrahamu, Isakhi, ni Yakope: Yesu Kristu, naxariya. Hiyo nnoorwa, nisuwelaka wira Owo onooniwa, okhala wira hiyo khaninrwa ntoko mutthu onaammalaru okela mpaani mu, masi nnoorwa voolipa ni waamini, naaminiki wira etthu Owo ohimaly'awe, yeeyo Owo onimwiira. Vano hiyo ninvekela, olelo, Pwiya, wira Nyuwo mmukuxe khula mmosa a hiyo ori wa, okhuma vapulpitu mpakha ottuli wa empa, ovira mapuro othene, ni mutthukule khula murima ni mulyihe masoma wiiwa wahu, wira Masu a Muluku mukumi erwe okhuma Wirimu, voosiis'ula, ni mmwaraxele mmurimani mwahu, wira hiyo niwerye waamini, okathi oniiwaahu Masu a Apwiya ni nisomeliwaahu owaruni wahu voosiisu ula. Ni hiyo ninnooxukhuruni Nyuwo mwaha wa Masu Anyu. Masu Anyu ti Ekeekhai.

27 Nto vano, okathi onoonaaahu iwoora sootakhala sikhuveelaka, oviruwa wothene wa Muluku woothukumanyeya osulu. Ni ti ntoko khula okathi vaamuweryaneya okhala etthu yaarowa okhumelela elapo ela yoonyanyanleni Nyuwo, wira yaamukhala ephutuwelo emosa yuulupale yaarowa okumiha elapo voomalela mmaaphani mwa olumwenku, ni woopopiha ottuli waya, wa elapo yootakhala ekhanle yoothunaxa wira siiso. Ni nisuwelaka wira, ohiya omwaattamela Muluku, awo ankhala ntoko oorowaxa ottaiwene. Nisuwelaka wira Eliivuru ya Wiisuupulula ni epante ni epante mwa Soolempwa soohimya khalayi ene nihiku nla, vano munihaye nikhale

oolopoliwa, Pwiya, nihikhaleke oohicaliwa ni oowummaathi ni ikhove, ntoko saaryaahu. Wira nivenye ni niitathe.

<sup>28</sup> Nikhalane wiiwa saana, olelo, ntoko sihinatoko ahu okhalana khalayi. Mirima sahu sikhale soovihiwa saana, nuumala nihiku nla, okhale mooro oniheliliwa mminepani mwahu onrowa othola elapo ela, Pwiya, ni onamoona mukumi khula nipuro onkhalaahu.

<sup>29</sup> Mwaareerihe aretta ni ooriipiwa murima, ale ari oothoiwa, eriyari ahu ni ota wa eriyari ahu, atthu Anyu, mapuro othene.

<sup>30</sup> Mureerihe Masu Anyu, Pwiya. Mmureerihe murumeyi Anyu, ni arumeyi Anyu aniiwa, wira, hoothe, nikhale ooweettiheriwa osuwelaxa okhumelela Wawe, ntoko sihinatoko aya mwa ekumi ila. Kahi wira kinaavekelela paahi ala ari va, masi ale anrowa wiiwa efiita mulaponi mothene, wira eruuhiwe Mukereja ya Muluku mukumi. Maana hiyo ninnisuwela wira eri enamuna emosa paahi nikhanlyaahu okhalaka mempuru a Ekereja ela, eyo ti ni oyariwa wa Erooho, vano hiyo ninoopatisiwa ni Erooho emosaru mw'Erutthuni emosaru. Miyo kinninkelela, Muluku, khula mmosa a yaawo mulaponi mothene, wira Nyuwo mwaakhele ovuwa Yeenyu. Ni wira hiyo nilokiherye minepa sahu, wira ni okhuwelela omosa mulaponi mothene, hiyo nikhuwele, "Vano, murwe, Pwiya Yesu." Hiyo ninvekela yeela mwa Nsina na Yesu Kristu. Amen.

<sup>31</sup> *Ethoonyeryo Yekeekhai Ehinicaliwa.* Atthu amphavelaka ithoonyeryo, okhuma Farawo mpakha olelo.

Ni Yesu oonihimeerya o—okathi yaarowaaya okhala anamaphavela ithoonyeryo, ni khwira, wira, "Nloko nootakhala, ni nooraruwa naarowa ophavelaka ithoonyeryo. Masi, nnya awo yaamwaakhela ethoonyeryo." Vano nloko nle naari wira naakhele ethoonyeryo ya ohihimuwa; nenlo naarowa okhala nloko nootettheya, nootakhala, ni nloko nooraruwa naarowa ovahiwa ethoonyeryo ya ohihimuwa.

<sup>32</sup> Masi ntoko Yoolempwa ela eniphwanyaneya ohoolo wahu, mwa Ezekiyeli kapiitulu 24 versiikulu 24, profeta ola aahikhalihwiwa ethoonyeryo. Nto eyo ti ethoonyeryo kintthunaaka olavula.

<sup>33</sup> Mulopwan'ola aakhalihwiwe ethoonyeryo wa Isarayeli. Ni epantte ni epantte mwa Soolempwa, Muluku onaarumeelaka maprofeta Awe ntoko ithoonyeryo. Ni awo kweekwe khancaliwaka. Awo khankhalaka ntoko ovara ethoonyeryo eyo. Awo kweekwe amphavelaka ethoonyeryo yoothananiha.

Hata aFarisi a mahiku a Yesu, yiirale, "Munoonihe ethoonyeryo enikhuma Wirimu."

<sup>34</sup> Masi Yesu aahiwaakhula wira awo yaamwaakhela ethoonyeryo. "Nyuwo muhaakhela ethoonyeryo." Khwira, "Munniwerya otaphulela wirimu. Munniwerya oweha



ethoonyeryo eyo. Muniira, 'Wakhala wooxeerya, wooriipela, meelo onookhala mwanankhaya.'

<sup>35</sup> Awo yaawenhe-ru ethoonyeryo, yaamwiira enwehale Yoowo, ni yaamusuwela wira Owo aari ethoonyeryo ya Muluku wa awo; okhala wira olaleeriwa s'oprofeta saya saamwaasa Yoowo saamaliheriwa ohoolo wa maitho aya. Masi nnakhala vo awo yaawehererya ethoonyeryo.

<sup>36</sup> Moota ery'aya yootikiniha atthu wiiraka yeeyo, owehereryaka ethoonyeryo nave ethoonyeryo eryeene ni yaawo, eriyari aya. Vano, Isarayeli aahikela mukhalelo ola.

<sup>37</sup> Ni imaara sikina ehaaxeryo ethoonyeryo eyo erinaaya ovira-mo ti yooxankiha; ehaaxeryo Yesu aavinryaawe-mo, wira ooniherye ethoonyeryo ya Muluku, wira Owo aari Mesiya.

<sup>38</sup> Hiyo ninnoona va, profet'ola mmiravo onitthaniwa Ezekiyeli voohiyererya aahikhala ethoonyeryo, okathi wothene. Moota aaihaxale-awe mmansawe! Nipuro nimosa va hiyo ninnoona vatthu aamaathala-awe opararini wawe woohiyana wa mahiku imiya tthaaru ni miloko mithanu na mixexe. Muluku aaroomuleela wira amukuxe namakotto ni muhusi, ahele vamosa, aapeye, ahele mpararini mwawe, ni arowe ahele vatixoluni, ni ammaathele mpararini mwawe woohiyana, paahi, ahirukununwe, mahiku imiya tthaaru ni miloko mithanu na mixexe. Nkuupuwelani yeeyo. Ni nto khwira, "Murukunuwele opararini wanyu woolopwana mummaatheletho weiwo mahiku miloko mixexe."

<sup>39</sup> Ni Owo oohimya va, "Ethu munoonanyu, Ezekiyeli," khwira, "okhala wira munikuxa sootakhala s'atthu, khula nihiku Miyu kinrowa waalakelaka mwaakha mmosa wa awo." Okhalaka, wira, khula nihiku owo aammaathi-awe vale, eyo yaahimya mwaakha mmosa awo yaarowaaya okhala w'epotthani, ni wira sootakhala saya saamurowa wuupuweliwa wa Muluku, ni Muluku khaarowa wiiwa-tho mavekelo aya.

<sup>40</sup> Masi ehaaxeryo mulopwan'ole aarinaawe ovira-mo, xeeni yaarowaaya othuneyaka yeeyo? Anci-ene anniikohaka, xeeni etthu ntoko eyo yaarowaaya othuneyaka wa mutthu wira. Okhala wira atthu awo khansoma Masu, ni khanvekela. Tivo, Muluku ti muulupalexu, ni Owo onimuruma profeta Awe wira akhale ethoonyeryo. Atthu khansoma. Awo khancaliwa osoma. Ni awo khanrowa ovekelu, okhala wira awo khanreere okhala . . . aakhalana itthu sikina soowiira. Awo khanwerya okuxa okathi wira avekele. Ni Bibilia t'onyoonyiha wa awo. Khorina yoopaka yoophiyerya wa mahiku ala a vano, wala khula nihiku.

<sup>41</sup> Moosuwela, kookupali wira aari Paulo ohimmye wira, "Nyuwo mwa ipaphelo sa Muluku, sinisommwa n'atthu othene." Muluku onaarumeela atthu ntoko ithoonyeryo, wira ooniherye ithoonyeryo Sawe. Ni imaara sinci-ene ethoonyeryo eyo, ni khula okathi, vanci-enexa, voohikhala wira eri n'atthu oothanliwa,

ethoonyeryo eyo khencaliwa ni enimuulumeliwa, otheiwa, woomoliwa.

<sup>42</sup> Ni woonaka wira, hata mwa Waataana wa Khalayi, mahiku a maprofeta, awo yaathokeleliwa okhala atthu oovahuwa muupuwelo. Awo yuupuwela wira maprofeta ale yaari oovahuwa muupuwelo, wira yaahikhala etthu yahaalonke ni muupuwelo aya. Vano awo yaaniwoona orwa okhuma mothakoni ni—ni opaka ithoonyeryo, vano nto khunatthikela-tho mothakoni. Nto awo yaanaatheya, okhala wira awo khayaasuwela Yoolempwa.

<sup>43</sup> Yesu aahaahimeerya aFarisi, emaara emosa, vanaasiwa ohihimuwa. Awo khwira, “Hiyo naahikhalana e...Ikano sinihimya wira munna mmosa akhwa vale amuhiya mwaara awe ohirina—hata aana a yoowo, wira munn’awe amukuxe mwaar’awe amuyarele aana, mulipa-ookhwa awe.” Ni khwira, “Naahikhalana mmosa aarina axinna athanu n’aili. Nto oopacerya aahimukuxa mwaara mmosa, vano owo khukhwa, ahihiyale hata epyo. Vano nto munn’awe khimukuxa, vano owo khukhwa; ni arowaka mpakha aneethanu neili. Nto vookiserya muthiyan’owo khukhwa.” Khwira, “Vano, woohihimuwani,” khwira, “vano, onrowa okhala mwaara awani, wa ale athanu n’aili?”

<sup>44</sup> Oh, miyo okisivela Masu awo! Yesu ohimmye wira, “Nyuwo kweekwe munnivonya, muhisuwelaka Soolempwa nnakhala owerya wa Muluku.” Oh, moota Owo aarowaawe ohimya eyo voowuuma murima olelo vaakhanle wira Owo eemenle va! “Nyuwo okathi wothene munnivonya, muhisuwelaka Soolempwa nnakhala owerya wa Muluku.” Owerya wa Muluku oniiwanana mwa Yoolempwa. “Munnivonya vancipale.”

Vano Owo aahikelela ohoolo ahimyaka wira, “Woohihimuwani khanrowa othelaka nnakhala othelihiwa, masi anrowa okhala ntoko Malaikha.” Owo khohimmye wira awo yaarowa okhala Malaikha, vano, masi awo yaarowa okhala ntoko Malaikha, itthu sa omwilimwana woohikhala mwa yaawo. Awo kxanthela nnakhala othelihana.

<sup>45</sup> Hiyo ninkhala mahiku a elakeyelo, ahiiso, ekhwelo, mahiku a omwene onookhwa. Masi ninoophiya nihiku vakhanlyaya Omwene ohinikhwa onrwa, nto Omwene owo ohinikhwa ti weiwo ale oovuluxiwa anrowaaya okhalaka-wo. Ale avuluxiwe, ni arina. . . Ekumi enihiya erutthu ila, wira etthikele wa Muluku ovahale, enootttika-tho okhuma Mwiri w’Ekumi, nihiku nlo, wira elamulele voohimala.

<sup>46</sup> Moota mmirav’ola, profeta mmiravo, aaivahalyaawe ni ovaha ekumi awe yothene wira akhale ethoonyeryo w’atthu awe, wa ehukhumu awo yaarowaaya waakhela, okhala wira awo yaari ele naarowaahu wiihana “oohicaliwa.” Awo khayaatthuna hat’etthu erina naata ni Muluku. Awo khayaawaaminni maprofeta ale, ni awo yaamwaatheya paahi. Nto, masi, ohiya vo,

khivaacala moota xeeni awo yahaatthunaaya waamini, Muluku aahicaliwa wira awo yaakhele, khula enamuna.

47 Yesapeli khaatthuna okupali wira Akhabi aari pastore awe, masi aari yoowo. Muluku aahicaliwa wira owo aakhele ethoonyeryo, khula enamuna.

Ti siiso elapo ela olelo. Muluku naxariya ni a nneema, ni Masu Awe, khaakhanle ohiyaka etthu, hiyo enoonaahu wira ehanle wiiraneya, ehikhalanne ethoonyeryo nipuro nlo. Owo kweekwe aahikhalana. Vano, nihaana ophavela yeeyo. Ni kookupali wira atthu arina osuwela saana wa Soolempwa annisuwela moota wo oweha.

48 Nowe aari ethoonyeryo nihiku nawe, w'atthu, wa ehukhumu jaarwa. Nowe nihiku nawe aatthokeleliwa okhala namathipelela. Owo aari profeta. Owo aatthokeleliwa okhala mmosa ahaarina muupuwelo wooloka. Ni mulopwan'owo aahittootela, mwaakha ni mwaakha, atekaka ekalawa, okathi wahaakhanle-aya hata naasi elapo ya vathi woohikhala ale yaari mwa anaattuutu. Ni owo aahilopola etthu yaari yootheiha, wa muupuwelo w'erutthu. Owo iirale, "Animoorwa maasi okhuma osulu."

49 Vekeekhai, wira anci-ene yaammwiirela, "Mukoonihe nipuro aryaaya." Siyensiya aamwiira, "Miyoo kinoowerya wooniherya wira khakhanle hata maasi osulu iwe."

Masi, nnakhala vo, vakhala wira Muluku aahimuleela wira jaarowa okhuma osulu, Muluku onookhapelela wira Masu Awe emaliheriwe.

50 Ni nlelo ahikhanle maasi yooneya, nlelo nihaatonko okhala neeku osulu, ehinatoko orupa epula nttoittoi nimoso, khiyaatonko okhala etthu ene eyo ntoko epula, nnakhala vo, okathi wothene, Nowe aatthokiha ekalawa ya epula. Eyo yaari eyooniheryo ekumi wira profet'ola anaamini etthu aahimyaawe, okhala wira owo aaniilokiherya yeeyo.

51 Ni khula mutthu onaamini tthiri etthu onihimyaawe, munimwiilokiherya yeeyo.

52 Kinoowerya weemela vaava, minuutu mmosa paahi. "Wa nihiku na Nowe," ntoko Yesu sihimaly'awe, "siiso onookhala orwa wa Mwaana a mutthu." Vaakhanle wira ikereja, olelo, saanaamini ele sinihimiyaya, iyo saamutthara etthu sinihimiyaya.

53 Naakhanle otekaka sayi ithhontto suulupale sa ipa, ni itoolare imilyawu sene mwa sooteka, ni omwarya vaalupale mitthenkeso ni itthu siiso, ni olaleya wira Kristu onimoorwa okathi p'ukathi? Naakhanle otthikelaka sayi, oweha mithukumano sahu ni wona siivalaanihaka owerya wa Muluku ni sikelaka mwa itthu sa molumwenkuni, ni oruha mukereja ni otakanxa, ni hiyo nitthuniheryaka? Mwaha wa osuweliwa, ni mwaha wa miyuupuwelo sa atthu ni ivirikanelo

sa miromolelo, niphavelaka wunnuwa ovikana mutthenkeso onttharelana, nikhhanle ottharaka sayi ele enlaleyaahu? Ni olumwenku onimoona eyo, awo annisuwela eyo, mpakha etiini ephiyenryaya okhala etthu ya wira paahi mpantte wa eworti khata, wala wira mpantte wa nikhuru na etthu. Etiini. . .

<sup>54</sup> Woopola wa Kristu kuhiyo nikhuru. Kuhiyo wiitakanxa ni etthu. Onkhala musuwelelo mukumi.

<sup>55</sup> Vano, Nowe aakumiherya ele owo aahimyawe. Owo iirale, “Onimoorwa osarya wa ehukhumu wa nloko nla nootakhala. Nto Muluku onoomwaraxela okhuma wirimu, epula, ni Owo onoosamiha elapo yothene.” Ni kahi wira owo paahi iira yeeyo, masi aapaka ephiro ya otthyawa ni aalattulaka atthu wira erwe weiwo. Masi awo khayaamwiiwelela.

<sup>56</sup> Masi, Nowe, ntoko profeta, aari ethoonyeryo wa nloko nle, ethoonyeryo yaalavuliwa vooanara, mulopwana mmosa uupuweleliwa okhala mutthu oovahuwa; atthokihaka etthu, yahaa—yahaakhanle hata eyooniheryo nnakhala nipuro, wala yahaatonko okhala, wira yaamukhalakhala evareliwaka muteko.

Masi ti siiso atthu ankhalaaya ntoko t’anuupuwelaaya olelo. Awo anniwerya wupuwelela ntthyawelo na soomwareya sa ipholovolo. Ntthyawelo na soomwareya sa ipholovolo ninrowa wooreerelani exeeni ohirowaka okhala hata mwiri wala mwala onihala mulaponi?

<sup>57</sup> Hiyo nihaana Ntthyawelo na soomwareya sa ipholovolo, muKristu ohaana. Ntoko sihimaly’aka, Ittiminku vakhani sivinre, wala kuupuwenle-aka nipuro nlo mphironi, “Khanihyo Ntthyawelo na *soomwareya* sa ipholovolo, Ti Ntthyawelo no *omorela muhina*, vaavo nimorelaahu muhina, voowaakuveya, ni murim’ahu wothene, ni munep’ahu wothene, ni muupuweleli ahu wothene, mwa Kristu, Nivuku na Muluku noolipaneya.”

<sup>58</sup> Masi, Nowe, nanvahuwa, oowuupuweleliwa siiso nihiku nle, mwaha wa ololo wo olaleya, ni opaka ethoonyeryo ohoolo w’atthu, aalopolaka, aahilamula olumwenku. “Aahilamula olumwenku, mwaha wo oteka ekalawa,” okathi wahaakhanlyaya maasi wira ephampe-mo. “Owo aahilamula olumwenku,” Bibilia oohimya, aHeperi, kapiitulu 11. “Owo aahilamula olumwenku ni aahoopola etthoko awe, mwaha wo wiilokiherya,” ni okhala ethoonyeryo ya Muluku, wa ihukhumu saarwa sa nihiku nle. Etthu xeeni yoovuwa!

<sup>59</sup> Miyaakha ohoolo waya, yaahirwa ethoonyeryo ekina. Aari Moise, profeta. Eyo yaari ethoonyeryo ya Muluku wa Isarayeli. Awo yaahikhala miyaakha imiya xexe mw’epothhani. Nto Muluku khwaatthokiherya ethoonyeryo, okathi vakhani ehinatthi ovuluxiwa. Ni owo aari ethoonyeryo ya ovuluxiwa wa Isarayeli, ni ethoonyeryo ya ohukhummwa wa Ejitu.

<sup>60</sup> Nowe aari ethoonyeryo ya nvuluxo w'atthu awe, ni ethoonyeryo ya ehukhumu wa olumwenku woopweteya, mulipa-oohaamini. Maasi yaawo yaattin'ye iphumu olumwenku ni osamiha olumwenku yaari enamuna emosa yo omoopola Nowe. Etthu emosa paahi yaawerya omoopola yaari ehukhumu.

Etthu emosa paahi enrowa woopola Ekereja olelo ehukhumu, Muluku ahelaka ehukhumu ni eyookolelo.

Masi Nowe aalaleiye etthu yeeyo. Owo aahikhala ethoonyeryo.

<sup>61</sup> Nto vano Isarayeli, nuuvira miyaakha imiya xexe, awo yaahipacerya wunlela ovuluxiwa. Ni Muluku khoniisuupulula Mmansawe ni wiisooniherya Mmansawe mpakha atthu Awe okhala oolikana wira yaakhele etthu Owo onooniheryawe.

<sup>62</sup> Vano, oh, exeeni yaakhanle ohimmwaka vaavo, vaakhanle wira, moota Muluku ohiyalyaawe elapo ela yoohiwar'etthu! Awo annisuwela oratta-ene. Ixornaale soolaleerya, mapuro ni mapuro ni mapuro. Ithoonyeryo sa Orwa Wawe sookumiheriwa. Nto awo anoothikela ekelelaka ohoolo ntoko wira anoothisuwela. Awo kharina hata etthyawealelo. Hiyo nri wookiseryani.

<sup>63</sup> Muluku onaaveleeliha paahi maprofa Awe okathi atthu ammutthunaaya profeta. Muluku onveleeliha ethoonyeryo Awe atthu yalikana-ru wira yaakhele ethoonyeryo. Masi, etthu ene t'ila, imaara vakhani atthu... Awo aniphiyerya nipuro anthunaaya eyuukhuwelo, wala anthuna etthu, "Munooniherye ethoonyeryo ya Wirimu." Masi okathi Muluku onveleelihaawe ethoonyero, vano awo khantthuna wona. "Tivo ehiipithiheriwa maitho a ale oosuwela ni a miruku, wira yuupululeliwe anamwane anrowa wiixutta." Awo khancala, ethoonyeryo.

<sup>64</sup> Moota Isarayeli waarinaawe osuwela, okathi mwaan'ole ooreerela oyariwaawe, okathi athokonse aya vale khoona ni o—okathi wa miyaakha awo yaakhalaaya, "Atthu anyu anookhala amalapo mwa miyaakha imiya xexe, muttethe wa amalapo, masi nto Miyo kinimwaakumiha." Awo yaahaana wira esuwenle wira okathi waari vakhiviru, ni vamoonalayaaya mwaan'ole ooreerela oyariwa. Yoowo, hata ame awe ni atiithi awe, Amerami ni Yokepeti, yahoovale-aya sooruma sa mwene, ni khimuhela mmurathhini mwemmo ikonya saaryaaya; khiyaavo hata emosa yaawenrye omukhuura. Awo yaahoonasa wira yaahikhala ethoonyeryo, masi awo khayaacanle. Awo khayaalikanne mwaha wa yeeyo.

Muluku aahimuruuha khimuhela mpaani ya mwene mwa Farawo, ni khimuhiya Farawo omulela n'unvaha osoma wothene owo aakhanly'awe ophwanyaka, wira ooniherye (Muluku) moota Owo oniiraawe itthu, vano nto khumukuxa omurowana wiithela wa othakoni, khimuhiya oliyala sothene.

<sup>65</sup> Farawo aammuxuttiha okathi uwo. Muluku aammuxuttiha yoowo. Farawo aahikhalana miyaakha miloko mixexe wira amuxuttihe, vano Muluku khukuxa miyaakha miloko mixexe wira amuxuttihe, omuliyaliha sothene. Oxuttiha wa mutthu; ni oxuttiha wa Muluku.

Farawo aamuxuttiha mwaana wira akhale muhooleli, namuhupi, a anakhotto, mulipa-oowana, wira akhale Farawo mukina aarowa orwa aarowa otthikela omukhalaha Ejitu mapuro a osulu, akuruxaka ilapo sothene sikina ni waaliviha musokho wa Farawo. Masi Muluku aamukuxale amuroihaka wiithela wothakoni, khimukumihya yothene eyo. Ni khumooniha, muhina mwa minuutu mithanu, vamwiiwani waavarela, wira Owo aari Muluku mukumi. Ni khukumihya woova wothene mwa yoowo; khimulikaniha. Owo aari ethoonyeryo.

<sup>66</sup> Muluku ontthuna wira atthu Awe avekeleke. Nto okathi Isarayeli aakhanle-awe oolemela xiwa, mwa mukhalelo mmosa, awo yahaaweryaya okelela-tho ohoolo, okathi aya waahimaliheriwa, ni miritti saari voowaatta ovikana ele yuupuwelaaya, vano awo khupacerya ovekela. Ni atthu vampaceryaya ovekela, nto Muluku onoopacerya wiiwa. Waari okathi wa Masu a Muluku omaliheriwa.

<sup>67</sup> Nto siiso, okathi Amerami ni Yokepiti yoonanse-aya wira waari okathi wa Masu omaliheriwa, awo yaahirowasa onvekela, Muluku. Ni voolimaleleya t'ale anvekela, ti yaawo arina muritti, yaawo anaakhela etthu. T'ale anvekela, anrummwa ni Muluku wira yiire yeeyo.

<sup>68</sup> Hiyo naamulavula voosiis'ula vameesa va olya wa voosiisu okathi waakuvaahu wira nimalihe soowaarikiwa kamosa-kamosa ni siiso, wira niphaye okereja. Yaahikhala etthu yaahimmwe ya mulopwana mmosa aarina, aakhumme va, aatthikenle waavura asikaro vaamanly'awe ovonihiwa kankuru. Miyo khwira, "Wooniha othunku."

<sup>69</sup> Vano nto mmosa khulavula khwira, "Eyo etthu yootepa onanara ekhanle, yo ohiya, waavura asikaro."

<sup>70</sup> Miyo khwira, "Miyo koosuwela. Okhala wira, owo xetwanii." Nto miyo khwira, "Owo—owo xetwanii." Nto miyo khwira, "Vano nyuwo khamunwerya ohiya voohikhala wira owerya wa Muluku ori mwa nyuwo."

Miyo koosuwela sa atthu aili mwa emiravo aka, oowaili aya yaatthuna okhala atthu a Muluku.

Mmosa aya, kimalakaru omweettiherya wa Kristu, owo khupacerya ompattiha sikaro. Owo aanivura imaasu thanu wala thanu na mosa khula nihiku, aamukilaathi paahi ni ompattiha mmosa ni mukina, nihiku nothene. Vano owo khuphavela ompattiha sikaro mukina, nto Etthu emosa khuhimutthuniherya owo wira. Owo khurowa mpakha vafikawuni, ahisuwelaka

wira Soolempwa sinnikhoottiha itthu iyo, khutthukula efikawu khusukhumela emaaasu vafikawuni. Nto eyo khumaliha mwaha.

<sup>71</sup> Vaavo, mutthu mukina aatthuna okhala muKristu, vano owo khwiilipiha vaaweryawe. Owo aahaavekela Apwiya. Owo khwaahiya, isumana piili wala tthaaru. Nto okathi oitthikenly'awe mmansawe, mwa mukhalelo yoowo, khuvahuwa. Vano khwiitthikela, nto aaphwanyaneya vaniyateni wiithela, amanaka nlaatha, ahiisuwelaka. Khutthimakela mpaani, aakuvaka saana, khwaakuxa asikaro awe, khwaavura emaaasu emosa ohinatthi okhuma mpaani ohiyu ule, mmosa ni mukina. Munnona?

<sup>72</sup> Mmosa aarimwiitthaniwa. “Khaavo onwerya orwa wa Miyo ehikhanle wira Atithi Aka anoomuruha, ni othene ale Atithi akivanhe aya animoorwa wa Miyo.” Olopoliwa waahimye exeeni? Waari Ekumi, wa mmosa. Owo aahoona Eyo. Nyuwo khamunwerya woona vahikhanle wira Muluku onimuupulula Eyo. “Erimwiipithiheriwa maitho, a ale oosuwela ni a miruku, khusuwelihiwa anamwane wira awo yiixutte.” Ti yeeyo.

<sup>73</sup> Amerami ni Yokepeti yaahisuwelasa wira waari okathi. Ewoora yaahikhuveela.

<sup>74</sup> Ni kintthuna kihimye ela kilavulaka yeela. “Kahiyo ole onthuna, wala ole onthyyawa; ti Muluku onooniherya omoriwa ikharari.” Ti yeeyo. Ti Muluku.

<sup>75</sup> Tivo, olelo . . . Oh, muhiye ela ekele muhina! Vakhala wira, olelo, Muluku oowiitthanani, nto nyuwo khwiivalaaniha ni itthu sa molumwenkuni, ni owerya woovuwexa wa Muluku ohooreerihani wa itthu iyo, nyuwo mwaahaana okhala mutthu oohakalalaxa okhanle mulaponi. Yaahikhala atthu imilyawu sene yaarowa wira vaakhanle wira yaaniwerya, masi khanwerya. Kahi ya yaawo okhalana. Nla nihiku Ekereja eniitthaneliwaaya ota, ovalaanihiwa. Ti yoovirikana, ni ele yaakhalakaaya. Ayo.

<sup>76</sup> Okathi atthu ampaceryaaya ovekela, okathi Isarayeli aapacenyaaawe onvekela profeta, Muluku aahikhalana profeta. Muluku aahikhalana profeta, okathi wothene, okhala wira Muluku okathi wothene ori nivalo nimosa ohoolo waya. Owo aahikhalana mutthu ootthokihiwa ene, masi Owo aalipelela atthu orowa ovekela, wira atthu athune.

<sup>77</sup> Moota enlikanaaya khaakhanlyaaka ohimyaka ni olelo! Etthu entthunaahu olelo kahi mulipa-oohakalaliha, kahi mulopwana mukina a mutthenkeso muulupale, oniiriha makhuru othene wiitthokiha vamosa. Etthu entthunaahu olelo profeta onveleelihiwa ni Muluku, ni Mutthaka onrowa olamula olumwenku. Muluku onkhalana mutthu, atthu yakhalaru paahi oolikana wa yeeyo. Moosuwela etthu enlavulaaka. Owo ookhalana, khino, ookhalana nipuro nlo molumwenkuni, masi atthu ahaana otthuna eyo. Muluku khonsukhumela itthu vammilo vanyu. Nyuwo muhaana otthuna. “Ooreeriwa t'ale

anvoliwa etala ni ntthona mwaha w'exariya, okhala wira anoovona." Eyo ekeekhai.

<sup>78</sup> Moise vaamanle-awe okupaliwa...Vaamanle-aya atthu, kiireke, osuwela wira awo yaanimutthuna muhooleli, awo yaahipacerya ovekela. Awo yaahipacerya onvekela Muluku wira aaveleeliherye muhooleli, wala mutthu wira aahoolele. Vano Owo aahaaveleeliherya mulopwana mmosa, profeta. Eyo yaari ethoonyeryo Awe. Vano, mutth'ula ahaakhanle profeta, vaakhanle wira owo aaroovenya, khwira, "Miyo ka musuweli a osurtaatu," Isarayeli aahikhalana ehaakhi yo ohimwaamini mulopwan'owo. Okhala wira, Muluku, mwa khula okathi, vohivonya, oniveleeliha profeta. Muhimye emaara emosa mBibiliani otonko awe ovonya. Okathi wothene onnikhala profeta Owo onimurumaawe ni SISO ANIHIMYA T'APWIYA.

<sup>79</sup> Hata Davidi, mwaneene, musuweli muulupalex a osurtaatu Isarayeli otonko awe okhalana, nave, nnakhala vo, Davidi aari profeta. Vekeekhai, owo aari yoowo. Owo aari profeta, Davidi.

<sup>80</sup> Owo aawehererya atthu okhalana otthuna mmurimani mwaya yo omwiiwa profeta ola Owo aarowaawe onveleeliha.

Tthiri, naahikhala nikhuru naahimya wira yaanithuna, yaawo yahaatthuna. Yagooniherya ohoolo waya wira awo khayaari oolikana. Awo waarimwaakhuma murima othene. Ni Bibilia ohimye wira, "Muttitthi wootakanxeya waahirowa ni yaawo." Eyo yaakhumelelinhe exeeni? Yaahiruuha mukattyamiho mothakoni. Ni khula okathi, yookhumelela empakiwaaya. Oh, kaanithuna kaawerya okeliha ela muhina, mu. Khula okathi Muluku onveleelihaawe etthu, yookhala etakiheryo, yoonanara ya mw'erutthuni ya yeeyo, enrowa ni yeeyo. Khula okathi, kweekwe etthu, wira yoothererye; ni eyo enikhala saana n'atthu.

Masi profeta ooloka a Muluku onikhala ni SISO ANIHIMYA T'APWIYA. Owo khonkhalakhala akhumaka mwa Soolempwa iyo vakhalaru wira oveleelihiwe ni Muluku.

<sup>81</sup> Moise aari volikana-ene mwa Yoolempwa. Muluku irale, "Miyo kinimwaakumiha." Owo khimuhimeerya Moise, "Miyo kihoorumani wira nvare muteko." Ni Moise aahikhalana musuwelelo. Owo aahikumana ni Muluku. Owo aarina Masu a Apwiya.

<sup>82</sup> Etthu Muluku onaaveleeliheryaawe maprofeta okhala wira awo aakhalana Masu a Apwiya. Masu a Apwiya anaarweela maprofeta. Nto owo aahikhalane Masu a Apwiya, weeso kahiyo profeta.

<sup>83</sup> Sookhala mitakiheryo sinci-ene sa mw'erutthuni aneererya ohimya wira awo maprofeta, moovirani m'okathi, masi kweekwe annihiya Masu a Apwiya. Masi profeta eekeekhai onkhala volikana mwa Masu. Vano, muhiliyale yohimya eyo. Profeta eekeekhai onikhala ni SISO ANIHIMYA T'APWIYA.



84 Yesu oonilopola mahiku ookiserya etthu yaarowa okhumelela. Masi mu—murumeyi eekeekhai, profeta eekeekhai, khonavonyeke okhala oratta-ene ni SIISO ANIHIMYA T'APWIYA.

85 Moise aahikhala ni Apwiya. Owo aari ethoonyeryo. Owo aari ethoonyeryo ya Isarayeli wira nihiku naya no ovuluxiwa naari vakhiviru, ni owo aari ethoonyeryo ya w'Ejitu, wira nihiku na emalelo aya naari vakhiviru. Okhala wira, awo yaahisamihiwa iwe Ephareya Yokhwa, ohoolo waya, anakhotto othene a Farawo. Awo yaari wookiseryani wa owerya waya w'enatoropa, nto profeta aari ethoonyeryo ya woomalelani.

86 Muupuwele yeeyo, moota Muluku oryaawe muulupale, ni mwa okhweya xeeni Owo onvaraawe muteko. Vekeekhai, vakhala wira oohisoma onniwerya osuwela, oosoma aahaana osuwela. Amen. Vakhala wira ipottha mmalittini a w'Ejitu yaakhattaaya marove yaaniwerya osuwela wira ole aari profeta a Muluku, ni wira okathi waari vakhiviru, khivaatempe empa ya mwene ya Farawo yaarinaaya osuwela? Masi eyo ti enamuna ahinsuwela, eyo t'inamuna anvonya woota, okathi kweekwe.

87 Okathi Moise eemenly'awe, aawehaka mucanelani mmwe, aana ale a Isarayeli eviraka, wa Isarayeli . . . wa Farawo, awo yaari ipottha ni alapwa, wa Moise, awo yaari oothanliwa a Muluku. Bibilia ohimnye, wira, "Moise aathanlale," aahiira ethanlelo awe mwaneene, "ophwanya othanyiwa wa Kristu, okhala muhakhu muulupale ovikana soopuha sa etampi, okhala wira aaniwehererya otthuveliwa." Moise aanisuwela wira awo khayaari anamawolowa marove; ale yaari atthu yaarina natiri.

88 Owo mwaneene, aanisuwela aari pani. Owo khaakhanle waaleelaka. Awo yaahaana osuwela eyo, mmansaya. Owo aanisuwela, mmansawe, moota muteko awe waarowaaya o—ovariwa. Owo aanisuwela wira Muluku aanvenxenrye niwoko nenla, masi owo khaakhanle waaleelaka. Ni okhalaka wira awo yaari oohoona yeela, owo khaatonko wiisuweliha vowooneya, mpakha awo osuwela. Vano, awo yaahoona ethoonyeryo eyo, ni yaahisuwela.

89 Owo iirale, "Miyo kinoonvaha Isarayeli ethoonyeryo. Mmukuxe ttootto ola; mmutatuxe enowa. Awo kharowa wiiwelela eyo, vano muhele ntata nanyu vatthirima vanyu, mukumihe, mwiivonihe mmansinyu maretta, vano awo animwaamini. Vano nto, awo yaahiiwelele eyo, murike maasi a Niilu ohitto iwe, muyeeherye vatthayani voowuuma, nto maasi othene anookhala ephome." Eyo yaari ethoonyeryo ya mulaponi. Atthu anoorowa waamini. Okathi, ale ari oolikana wira yaakhele yeeyo animwaamini yoonaru ethoonyeryo ya Muluku yeetteetaka, masi elapo ehaana okhalana etthu yooovirikana. Tivo, Owo onivaha yothene ethoonyeryo.

<sup>90</sup> Muluku aamurumeenle mutthu, mulopwana mmosa oowiyeyiha, profeta, wira akhale ethooneryo ya woomalelani ya mukhalelo ole wa elapo iwe. Muluku, muniveleelihe mukina. Munivenxerye mukina. Vaakhanle wira atthu a Muluku yaamurowa evekelaka yeeyo, Owo aamunvenxa. Ti, atthu arina okhalanaka muritti uwo. Awo ahaana ovenya. Awo ahaana osuwela. Awo ahaana osuwela nihiku xeeni ninkhalaahu, ni mukhalelo xeeni onnirukurerya, ehinatthi ophiyererya ovenya.

Nyuwo munootthikela mukhalaka ntoko kweekwe siirakaanyu. “Kihaana oteka empa esya mwaakha ola. Kihaana othuma ekaaro yooreeraxa ovikana ya aJone. Kihaana wira *ela*.” Oh, vanci-ene mwa *ela*! Nyuwo mwaasuwelaka, wira khivancala. . . Eyo teri saana. Masi muhaana osuwela, munna, wira etthu yothene ela enoopweteya.

Yesu ohimnye wira, “Muhimoove ole onwerya wiiva erutthu,” ekapwitthi ya aatomu ya Ruusiya. Muhimoove ole aarowa owerya okhaliha erutthu ila ntthupi na vulkawu, muhina mwa minuutu vakhani, “masi mmooveke Ole onwerya okhaliha erutthu iyo siiso ni orihela munepa omooroni.” Ti yeeyo.

<sup>91</sup> Ntoko saalavulaaka ni tothoro mmosa, oxipiritaali okathi ame aka yaari-aya weiwo, owo aalavula mwaha wa moota siyensiya saari-awe muulupale, wira ovare muteko mwa myaha soohiyana-hiyana s’erutthu, ni ohela murette mwemmo, ni woona mwaha wa xeeni yaarowaaya wiiva eropo khata, ni woopola eropo y’ekumi. Miyo khwira, “Ti yoothamaleya. Eyo ti yooreera tu.” Miyo khunwiriyana okathi vakhani. Masi miyo khwira, “Tothoro, eyo ti yooreera. Miyo kinnittitimiha eyo. Ti yooreera saana. Miyo—miyo vekeekhai kinnimuxukhuru Muluku mwaha wa yeeyo. Masi, nwehe, nyuwo munvirihia ekumi anyu yothene mphavelaka ophwanya etthu yoopattuxiwa. Masi xeeni ohikhalaka okathi mmuupuwelaka Taani opattunxe, Taani opanke, Taani okhanle Nampaka a yeeyo? Muluku ti Nampaka a yeeyo.”

Moota okhanlyaawe muulupale Mpattuxa ovikana yoopattuxiwa Owo opanke-awe! Xeeni hiyo waaluxaka vanci-ene yoopattuxiwa, nihimuupuwelaka Mpattuxa Ole opanke erimu ni vathi, ni khupaka erutthu ni ekumi? Owo onniwerya opwetexa khula okathi Owo onttunaawe, okhala wira ti Yawawe.

<sup>92</sup> Ela enkhala etthu yooreeraxa, ovara muteko mw’erutthuni ya mutthu. Hiyo ninnittitimiha eyo. Awo anniwerya othaamiha niitho, mwa mutthu mmosa ohela mwa mukina; okumiha mikhoiyi iye mikhaani, ni okumiha niitho mmwiitheni mwa niitho na mutthu ni ohela mmwiitheni na mutthu mukina, ni mulopwan’owo onoowerya woona ni niitho nenlo. Eyo etthu yooreeraxa.

<sup>93</sup> Yaanikhalaka wira, maama, okathi aarowaawe omuyara mwaana, nto mwa—mwaana khuhinaweryaneya oyariwa, owo aari—owo aapakiwe siiso, wira mwaana khaaweryaneya oyariwa: maama ni mwaana, oowaili, yaamukhwa. Eyo yaari yoolikana. Masi vaanirika wiiwiwa eyo, yaari yoovirikana, khino nnakhala. Masi olelo awo anoowerya omukuxa mai uwo omanle-ene okhalana mukhalelo wo okhalana mwaana, nto vakhala wira e. . . okathi maama nlelo onihalelaawe hata o—okathi wo oyara, owo. . . awo anoowerya omuroiha mai uwo esaala emosa ni onvaha anestesiiya vakhani, ni omukumiha mwaan'owo, okhalana oyara woolikana, omukumiha. Hiyo ninnittitimiha.

<sup>94</sup> Mukileele eyeettihelo emosa. Mweemexe evaavula emosa nno nipuro nlo, mwa eyeettihelo ela ya maasi, mpooma, ni nwehe enkhumelela vavaavulani yuulupale. Eyo enoophutuwa.

Masi, nnya, hiyo pooti othikila mwetto, othikila moonoo, nave, ni mwiiriirya wa Muluku, Owo onochapuxa ephome eyo mwa enamuna ekina, emaara yaneili, ni orukureriha vaavo oviriha ephiro ekina wira oopole ekumi ya mutthu. T'ani onwerya wira yeeyo? Mukileele.

<sup>95</sup> Muthikile mutika, muthikile eliinya yuulupale nno nipuro nlo mmaasini, yaavekhulelaka okhuma vavaavulani. Enrowa wira exeeni? Mweehererye emaara emosa musuwele etthu enikhumelela. Khiyaavo enamuna ekina yo ohapuxa. Awo ahaana osukhuma etthikelihaka vavaavulani.

Muluku ahaapanke ephiro wira ephome ela yiihapuxe mmansaya, naanaanoru, vanthikelaaya vamurimani mwaamukhwa. Khula okathi mwaarowaanyu wookola ekatha anyu, waari okhwa, voowaakuva. Khula okathi mwaarowaanyu wiithikila nipuro nlo, yaamutthukula mutika wala etthu, waamukhala okhwa, voowaakuva. Mwaaithikinle ekatha anyu, mwaamukhwa. Ti yeeyo tu. Eyo yaamusukhuma etthikelakatho vamurimani vanyu. Eyo yaamuwiivani. Masi Muluku. . .

<sup>96</sup> Vano, hiyo ninnuupuwela wira ti yoothamaleya. Hiyo ninuupuwela wira ti yoothamaleya. Ni hiyo ninnittitimiha moota siyensiya sirinaawe, awo anniwerya olutta mitika iyo ni ohiiha ovuuva ephome. Yothene eyo ti yooreera saana. Masi Taani otthokihale yeeyo? Munnona? Hiyo ninniweha soopattuxiwa sothene ni omuliyala Mpattuxa aya. Munnona? Hiyo ninweha itthu s'ephattu, ni oliyala sothene e—etthu ya erooho. Ti yeeyo eniiraahu.

<sup>97</sup> Vano, maprofeta a Muluku, awo ti. . . awo aakhalana Masu Awe. Tivo atthu aniwaamini aya.

Mwaha wa yeeyo Muluku aamuhimenry'awe Moise, Owo oohimya ottuli wu mwa Maphattuwelo, anci-ene, mwa Okhuma, epante ni epante, "Akhala mmosa eriyari anyu, ori a erooho, wala, profeta. . ." "Vano ninrowa osuwela sayi itthu iya?"

Owo khwira, “Owo ahimyaru etthu nto khwiiraneya, khuhimya etthu ekina, khwiiraneya, vano mwaamini.” Munnona? Eyo ethoonyeryo.

<sup>98</sup> Siiso Owo oninvaha Masu Awe, kahi wa ahooleli, kahi anamakhanyererya malamulo, masi maprofeta. Khrushchev kahiyo ethoonyeryo wa olumwenku. Nnari, mulopwana. Hitler khaari ethoonyeryo wa olumwenku. Masi nipuro nlo, epantte iyo, Muluku ookhalana profeta oowiiyeviha onwehererya okathi. Owo ti ethoonyeryo. Owo ti ethoonyeryo enrowa ohukhumu olumwenku ni enrowa woopola Ekereja. Profeta!

<sup>99</sup> Eliya aari ethoonyeryo nihiku nawe, profeta Eliya. Wa e . . .

Owo aari pro- . . . owo aari ethoonyeryo ya Masu a Muluku, ohukhummwa wa Ejitu ni ovuluxiwa wa Isarayeli, awo yaatthunne-ru omwaamini yoowo.

<sup>100</sup> Nihiku nle na etampi na Eliya, okathi Isarayeli othene aamuhiyale-awe Muluku, awo yaarootthikela mutampini. Awo yaarooliyala nlamulo. Awo yaarooliyala sa weettiheriwa ni Muluku, ni Yehova muulupale aatthukunle Ephareya Yooxeerya, khwaakumiha wEjitu, ni profeta muulupale ntoko Moise eriyari aya. Awo yaahiliyala eyo.

Hiyo ninooliyala eyo. Nyuwo aMetotista munoomuliyala John Wesley. Nyuwo aLuteraano munoomuliyala Martinho Lutero. Nyuwo aPatista munoomuliyala John Smith. Anci-ene a hiyo ninoomuliyala Charles Finney, muulupalexa a awo othene.

<sup>101</sup> Ennihimmwa wira ipursento miloko mithanu na mixexe ni thanu na piili w’ale oorukunxa murima a Finney yaahiisiinanela. Ipursento miloko mithanu na miili ni thanu a Moody yaahitthikela ottuli muhina mwa mwaakha mmosa. Ni a Wesley, nikhuru na a osantu, yaanitthikela ottuli voohihyererya. Masi Finney aarina ipursento miloko mithanu na mixexe ni thanu na piili. Mmiravo mmosa, mukhaani, oohivaala, a ntari aarowa mpakha vapulpitu ni oweha muthukumano, *saale*, nto atthu yaanihileya, okhala wira owo aahikhala vatakwarikhwani nihiku nimoso mpakha Erooho Yoowaarya omukuxa voomalela. Owo aahiira. Owo aari ethoonyeryo ya emalelo, miyaakha soophiyaka imiya piili sivinre, wa muhakalaliho ole muulupale Wesley n’akina yaarinasaaya, ni olamuliwa waarwa.

<sup>102</sup> Owo aari ethoonyeryo, nloko nle na etampi. Ni moota Eliya aaweryaawe weemela vale, oororomela ni oohittikinyeya, mekhaawe, hata mutthu ni yoowo, masi owo aari ethoonyeryo ya Muluku.

Anamukuttho akina othene yaahirowa ni Akhabi, ephiro ya vano. Awo yaahikhala a vano mwa nloko nle. Masi moota Akhabi mutokweene, ahiiso, Akhabi mutokweene, ni yoophwanya awe yothene yuulupale, ni eyo yaahiruua ekereja yothene muhina mwa Katoli- . . . , ahiiso, kahi Ekatolika, masi ntoko etthu emosaru, mw’amuluku eethiru. Yahaaphiiha

nipuro yahakhanle-aya oolipa. Akina yaamuwerya okokhorela enamuna *ela*, ni otaphuwa paahi, “Nyuwo pooti wira ethu p’itthu muntthunaanyu.” Ni yaahikela enamuna yeeyo ya mukhalelo.

<sup>103</sup> Ni moota Eliya eemenly’awe vale, oolipa, ni SIISO ANIHIMYA T’APWIYA. O Muluku, munivahe alopwana siiso. Owo khoova omuhimeerya Yesapeli mwaha wa mukhalelo awe. Owo khaamoova Akhabi. Owo khoova wira aahivonya. Owo aari ni ominyala, khurowa mpakha w’Akhabi, khwira, “Nnakhala okame khummora mpakha miyo kirume.” Amen.

<sup>104</sup> Owo aari exeenii? Ethoonyeryo wa nloko nle na etampi. Isarayeli aahoona? Nnari. Awo yaammutheya, yaahimunyemula.

Owo aahihimya wira yaamukhala eyuumu, wira waamukhala—waamukhala oxanka, etala, okhwa mwaha w’etala. Ni owo aahilaleerya voolipa, oryeene mekhaawe, ni SIISO ANIHIMYA T’APWIYA. Khwira, “Pwiya, awo aawiiva othene a ekeekhai. Awo aawiiva othene aya. Miyo ka mmosa paahi kihanle, okhanle ni Masu Anyu.” Mulattu ene waari mwaha wa xeeni? Masu a Muluku. Eliya aatthuna okhala ni Masu. Owo aari profeta eekeekhai.

<sup>105</sup> Maprofeta akina yaahihimya, “Oh, ahe, khenvirikanaxa. Yehova khancaliwa, moosuwela.”

Yehova onncaliwa. Ahaana okhala Masu Awe. Ni Eliya aahikhala oolipa mwa Masu awo, ni SIISO ANIHIMYA T’APWIYA. Muluku aahinvaha esiiri yaamukhaani, nihiku nimosa. Owo iirale, “Kookhalana ikonto thanu na piili, Eliya, yeeyo nyuwo mukhanlyanyu namoona, va. Awo kharina ominyala woophiyerya wira arwe ni ovekela yeela. Awo animwiipitha mutakhwani. Masi, nlelo, mmurimani mwaya, awo arumeyi Aka. Awo khamukokhorenele Pahali. Awo annoova wira eyo. Masi, miyo kinoovahani ethoonyeryo, ni nyuwo mwa ethoonyeryo. Mukhale vale, mukhale mwa Masu Aka. Miyo kinimookhapelelani. Mwaavahe ethoonyeryo.” Aleluya!

Muluku, muniveleelihe ethu siiso, enrowa okhala ethoonyeryo ya Masu a Muluku. Ni khula natiri Muluku ompanke-awe olupiheriwe mwa mutthu yoowo, okhala wira owo ethoonyeryo, ethoonyeryo eliyaliwe.

<sup>106</sup> Oh, awo yuupuwela wira, okhala wira Akhabi aari mwene muulupale ni ilapo sothene saanimoova, wira eyo yaari yoohiphiyerya. Masi Eliya aari ethoonyeryo ya Masu. Owo ti profeta eekeekhai, ethoonyeryo ya Masu. Vano owo aryeene ethoonyeryo ya Masu, awo khiyaamwaaminni. Awo khiyaamutekela ethu.

<sup>107</sup> Owo aari ethoonyeryo wa naamukhweli, okathi Muluku aamurumme awe okhuma oMwaako Karmelo, vasulu va...osulu wa muro Kerithi. Khimuruma okhuruwa vale, vaamanly’awe olyihiwa ni anakhuku, ni muro wuumalyaaya.

Owo aahirowa owannyawe naamukhweli ula. Nipuro xeeni na mulaleyi orowa! Masi owo aaronwe iwe okhala wira Muluku aaroomuruma wira arowe.

Masi Owo khurowa iwe, khwira, “Miyo kiroomuruma wira oolyiheni.”

<sup>108</sup> Owo aahaana wira okhanle ethoonyeryo. Owo aahaana wira okhanle ethoonyeryo. Okathi, owo aari-awe vate vale, aarina otthu woophiyerya opaka mukatthe mmosa, nto owo ni mwan’awe akhuurase. Murinki woophiyerya. . . Ni makhura oophiyerya mmurinkini, wira akhatte, wira avirihe ni yeela. Owo khwira, “Miyo kiri vate va kittottaka itakwarikhwa piili.”

<sup>109</sup> Voosiisu ule wovooapiha, wooviha, ni wooviheriha okathi mutokweene mmosa aakhala ntoko wiitho wookhuneeleya ni manri, maihi oottweelela emorelaka ottuli wawe, aaronwaawe iwe, ni muru awe wa ntari waaryaka, khuphiteerya vamukhora, khwira, “Mukiruuhele maasi vakhani kiwurye,” ni khwira, “ohiya vo, mukiruuhele otthu vakhani mmatatani mwanyu, mukatthe.”

<sup>110</sup> Owo khwira, “Miyo nkirina otthu oniphiyerya. Miyo kiri vate va vano, kinttotta itakwarikha piili, wira kipake mukatthe mwaamukhaani wa mwan’aka. Kirina paahi woophiyerya opaka mmosa wa owo ni miyo. Ninrowa olya nikhweeke.”

<sup>111</sup> Owo khwira, “Muhoove, maana, SIISO ANIHIMYA T’APWIYA.” Owo ti mutthu ommutthunaahu. Khiirale nnari, “Vano, *khino* enimwiiraneya, murokor’aka. Eyo *enoowerya* wiiraneya. Nkisuwenle.” Nnari, nnari. Eliya aahikupali. “SIISO ANIHIMYA T’APWIYA. Mwaapu uwo khunrowa ohaleela, nnakhala murinki ule khunrowa wuuma, mpakha nihiku Muluku onveleelihaawe epula mulaponi.” Amen. Eyo eri vo. Eyo yaahaana wira ekhanle ethoonyeryo yoophiyerya wa yoowo.

<sup>112</sup> Owo onthoonyerya ekereja olelo. Nuumala Eliya okhala ni yoowo okathi vakhani. . . Owo aahikhalana mwammiravo. Owo aahiwereiwa. Eretta awe yaari yootakhala mpakha vahaakhanlyaaya ephumu mwa yoowo. Owo khukhwa. Vano owo iirale xeeni? Ekereja yaahooni ithoonyeryo iyo. Masi, exeeni, vamaalakaruru okhumelela ehasara, owo onthuna wootherya ekereja mwaha wa yeeyo. Owo aathuna omotherya Eliya. Owo khwira, “Nyuwo mutthu a Muluku, vano nyuwo muhoorwa va okuupuxerya itampi saka ni okumiha ekumi ya mwan’aka.”

<sup>113</sup> Eliya khimukuxa mwaana, khurowa mpakha okatthi owo aarupaawe-wo, khumpweha voollini vawe yoowo, khimummaathela, khwira, “Pwiya Muluku!” Aleluya! “Muttekihe munepa wa mmiravo ola.” Nto mwaana khuvenya.

<sup>114</sup> Owo khumuruuha vathi. Muthiyan’ole khunweha mwaana, vano nto khunweha owo, vano aahisuwela wira yaahikhala etthu vale. Owo khwira, “Mwa yeela miyo koosuwela wira Masu a Muluku ari mwaano mwanyu.” Amen. Owo aari ethoonyeryo

wa naamukhweli ule. Okathi woonaly'awe owerya wa Muluku, Ole onkhaliha mukumi wala onwerya wiiva, omuhihimuxa mwan'awe aakhwiye, owo khwira, "Mwa yeela koosuwela wira nyuwo mwa mutthu a Muluku." Owo aahisuwela.

Ilapo olelo saamutheya eyo, ntoko saatheiyeye-aya okathi ule. Awo khayaaminni. Masi muthiyan'ole aahisuwela wira yaahikhala etthu yoovirikana. Eyo yaari ethoonyeryo iwe, ntoko owo saaryaawe ethoonyeryo, wira amuhihimuxe mwan'awe. Maprofeta ale okathi wothene ithoonyeryo sa Muluku.

<sup>115</sup> Okathi Eliya nto aalattunle-awe mooniheryo, khwira, "Muluku akhala Muluku, mmurumeele Yoowo. Vakhala wira Payaali ti muluku, mmurumeele yoowo."

Khinaaweryaneya okhala nihiku nooreeraxa wa Eliya olelo? Ipoliitika sakhala muluku, murumeeleke seiyo. Exeeni erinaahu mpoliitikani? Exeeni hiyo eniiraahu? Hiyo khanrina hat'etthu woohikhala nikuttha na soohononeya. Hiyo khanrina hat'etthu.

Masi oonipweteyya khula, ntoko khula mpatthani nrinaahu, mulaponi. Nno, esumana evinre, saanipweteyya ilapo piili wala tthaaru sikelaka mukomunismuni. Hiyo ninaaliviha athu mpoosito ni okuxa musurukhu aya, ni oveleeliha iwe wira alyihiwe athu ale anrowa orukunuwela okumunisimuni emalaka-ru okhala oolipa. Eyo enamirima miili. Eyo ekeekhaii.

<sup>116</sup> Hiyo ninihimya okhala aKristu. Nrowe nikhaleke ntoko aKristu, nto, kahi mwaha wo waavaha soolya ni itthu iyo siiso. Eyo erina vakhaanixa e—eyo e . . . Mutthu khata orina murima wooreera onimwiira eyo. Eyo etiini. Iwo kuhiyo woopowa.

Athu anci-ene ankhallana etiini ni woopowa sootakanxeya. Etiini waalyiha anaamukhweli ni oohaawa, ni sikina. Eyo etiinii. Masi woopowa Oyariwa vasya, okhala ooyariwa vasya. Eyo ti yoovirikana. Etiini, Mmaka etiinii. Sookhala itiini sinci-ene.

<sup>117</sup> Vano, oMwaako Karmelo, nihiku nle okathi aalattunle-awe wira okhale mooniheryo, nto owo khumwiithana Akhabi ni anamakuttho ikonto sene yiira mpante wa mpaani m'okokhorela mwa miromolelo saya, owo khuwiithana osulu oMwaako Karmelo, khwira, "Nwele nno. Mukumane ni miyo osulu nno. Kinooxintta nikhuru nothene." Owo iirale exeeni? Owo aarina SIISO ANIHIMYA T'APWIYA. Owo khoova. Owo khwira, "Munvahe mwaanyompe. Mmwiihane Pahali. Muluku onaakhula ni mooro akhale Muluku."

<sup>118</sup> Vano, nihiku nothene, mpakha . . . okhuma voosiisu mpakha nuumala olya ohiyu, awo yaamutupha valtaari. Yaamwiithikila ni mavaka. Yaamukhuwela. Yaamunyakula. Eliya aamweetta nno ni nno, khwira, "Mukhuwelele mwiilipihaka vakhani. Khino owo aahirowa mukwaha wo omiserya, wala etthu. Owo aahikhuma arowelaka etthu, wala, etthu ekina."

Tthiri, owo aarina SIISO ANIHIMYA T'APWIYA. Owo aahisiveleliwa. Owo aarina Masu a Muluku.

Munna, murokor'aka, exeeni-tho entthuneya wa mutthu woohikhala natiri a Muluku? Muluku ohimye wira Owo aamwiira. Ntoko Abrahamu. Owo aanaamini wira Muluku aaniwerya opaka etthu Owo aahimyyawe. Owo aanisuwela wira Muluku aaniwerya wira, okhala wira Muluku aahimyye siiso.

<sup>119</sup> Vano owo—vano owo khuwiihana wira awele vale. Nto tivo awo yaahiithikila ni mavaka, ni yaahinyakula ni okhuwela nihiku nothene, mpakha okathi wa mukuttho wa makaaripi. Vano, Eliya, nkawehani moota iiraly'awe. Etthu yoopacerya owo iiraly'awe waari opirikixela maluku muloko ni maili vamosa.

Muluku kahiyo ookawanyeya. Miromolelo sinnikawanya ikereja, masi kahi Muluku.

Mmosa iirale, “Nyuwo mwa muKristu?”

<sup>120</sup> “Miyo ka muPatista.” Tivo eyo khenivikana ohimya wira mwa ekuluwe.

<sup>121</sup> Oniira, “Miyo—miyo ka Mmetotista.” Ahe, eyo kehiyo hat'etthu woohikhala ekuluwe, emaara ekina, wa Muluku.

<sup>122</sup> Miyo kiniira, “Nyuwo mwa muKristu?” Okhala muKristu, muhaana okhala ntoko Kristu, omakiha oMuluku mwa nyuwo, ni Erooho Yoowaarya, ntoko yaamoraly'aya Nihiku na Pentekosite. Kahi wuukhuwa, masi kinihimya Pentekosite eekeekhai. Munnona? Ekeekhai.

<sup>123</sup> “Miyo ka muPentekosite. Miyo ka Unisista. Miyo ka—miyo ka a oraaru. Miyo ka . . .” Oh, wulu! Eyo kahi yoovikana ohimya wira mwaari etthu ekina. Khenihimya etthu wa Muluku. Eyo ennikawa.

<sup>124</sup> Eyo t'ile yaakhumelenle iwe eriyari y'anamukuttho ale. Masi Eliya aahipirikixela maluku ala muloko ni maili vamosa, wira ooniherye wira Muluku ti Muluku mmosa vasulu va othene aya, khupirikixela vamosa.

<sup>125</sup> Tivo, vatakanxale-awe siiso, owo aahimwiiva mwaanyompe khimuhela vasulu va altaari, vasulu va ikhuni. Owo khwira, “Vano, wira nikupali wira khokhanle othepya mwa yeela, murowe mwakiruuhele mino muloko ni miili sa maasi.” Ni vekeekhai owo aahisariha maasi ikhuni iye. Oh, Aleluya! Owo aathuna wooniherya wira Muluku aari Muluku. Mwaha, wa xeeni? Owo aarina SIISO ANIHIMYA T'APWIYA. Owo aari profeta. Owo aahikhalana Masu a Muluku.

<sup>126</sup> Tivo awo yaahi—awo nihiku nle, awo yaahimyaka wira anoowoomolani mukereja, awo animwiira *ela*, *ekina*, vakhala wira moopatisiwa mwa Nsina na Yesu, ni itthu iya sothene soohiyana-hiyana siiso: ethiru. Ti SIISO ANIHIMYA T'APWIYA.



127 Mutthu oophenteya, ohiyu uwo, aahilavula ni miyo, khurwa khukipweherya miyoono sawe, nto khwira, "Munna Branham," khwira, "Kintthuna kookoheni etthu emosa." Khwira, "Vaakhanle wira mwaamusakaleliha vakhani, etthu ila nyuwo munihimy'anyu."

Miyo khwira, "Exeeni?"

Khwira, "Opatiiso ola wothene." Khwira, "Ikereja s'oChicago ni mapuro othene sinnootthunani vanci-ene, masi awo annoova nyuwo ohimya yeeyo."

128 Miyo khwira, "Vekeekhai, miyo kinoohimya. Vekeekhai, kinoohimya."

Khwira, "Ahe, eyo t'itthu emosa paahi awo arinaaya nthowa ni nyuwo."

129 Miyo khwira, "Vano awo kharina nthowa ni miyo. Nkihiyo miyo Ole ohimye Yeeyo. Muluku t'ohimye Eyo. Miyo kinnimutharamula khula mmosa a awo wira arwe ooniherye wira Eyo ti yoovonyeya." Munnona?

130 Khwira, "Ahe, moone, nyuwo—nyuwo mwaahaana okupali ni okhaliha opatthana."

Eyo etthu emosaru awo yaatthunaaya wira owo aire. Amen. Muluku khonsakaleliha. Nnari, mulopwana. Owo khonsakaleliha.

Owo khwira—owo khwira, "Vano, Munna Branham, kintthuna kookoheni etthu emosa. Nlaikha n'Apwiya naahi. . . ." Khwira, "Hiyo othene ninnaamini Nlaikha n'Apwiya. Nlaikha n'Apwiya nihoohimeeryani Yeela?"

131 Miyo khwira, "Nkincala ele Nlaikha n'Apwiya naarowaaya ohimya. Nlo nakhalaru, Nlaikha n'Apwiya, Nlo ninooohimya Yeeyo. Masi Nlo naahimye-ru etthu yoovirikana, Nlo khinaarowa okhala Nlaikha n'Apwiya." Miyo khwira, "Hata wira Nlaikha xeeni, wala etthu p'itthu ekina yaarowa ohimya, Paulo ohimye wira, 'Hata Nlaikha ninkhuma Wirimu ninoolaleeryani ehapari ekina, nitakhaliwe.'"

132 Malaikha ni othene, etthu ya erutthu yoowiisoona, olavula sa Malaikha. Joseph Smith, Brigham Young, ni ittharelo sothene soohiyana-hiyana, sa Ativentista ni sothene sikina, awo annoona inamuna sothene sa itthu siiso, masi kweekwe ti yoovirikana ni Masu.

133 Masi, Muluku onoolipiherya Masu Awe. Awo Masu Awe. Miyo khwira, "Awo Masu a Apwiya. Vekeekhai. Sothene kitonko aka osuwela kixuttihiwe ni Yaawo. Miyo nkinaroweke osemiariyu wala exikola. Eyo enkhuma wa Yaawo." Masi miyo khwira, "Hata wira yaari yoovirikana. . . Yaakhanle-ru yoovirikana ni Yeeyo, miyo nkaarowa owaamini Yaawo. Okhala wira, awo Masu a Muluku, t'opacerya. Itthu sothene sikina ti soowoothiwa." Masu a Muluku, mukhale ni Yaawo.

<sup>134</sup> Tivo, Eliya, vama linhe-awe, owo aahinaaniha saana ikhuni iye, ni mino muloko ni miili sa maasi. Khuyeeherya vasulu va vaavale. Owo khukhuma vale, voo maaleleya paahi ntoko saawery'awe okhala. Mwaha wa xeeni? Muluku khokhanle woothaka. Muluku aaroomuleela. Owo khwira, "Pwiya Muluku a Abrahamu, Isakhi, ni a Isarayeli, muhiye esuweliwe olelo wira Nyuwo mwa Muluku, ni miyo ka murumeyi Anyu. Ni miyo kiirale ela ntoko okiruma Wanyu, okhala wira eyo ti SIISO ANIHIMYA T'APWIYA. Miyo kiirale ela okhala wira Nyuwo murookileela wira kiire, okhala wira ti voolikana ni Masu Anyu. Muhiye esuweliwe vano wira Nyuwo mwa Muluku."

Nto Mooro w'Apwiya waahimora, khupaha mukuttho, ikhuni soosarihiwa maasi, khulata maluku, ni sothene sikina, ni khukumiha sothene. Vano Isarayeli khuvekela, ikonto thanu na piili, "Muluku akhale Muluku."

<sup>135</sup> Eliya, moota vanreeraaya woona erutthu ile ekhaani yoowuuluvala, yoowooneya otteettheya, yoowootta yoosareya mannyaari, ekopo ele ekhaani mmatatani mwawe, murinki mukhani wa makhura mpararini mwawe, nipattuusa na esapala ya epwittipwitthi aivitikelenle. Vano, aamuheliwa mukalapoose olelo aakhumenle-ru mphironi; masi anoohiwa athiyana waawara akaputtula; masi vekeekhai awo khiyaarowa wira yeeyo, moone, *siiso*, ekhume.

<sup>136</sup> Vano, nto, masi va awo on-...va owo onkhuruwa, iwe, vamwaako, vakoponi va. Vano, Mwaako Karmelo khanihiyo nikhani—nipuro nikhani nihinkhaliwa nimphwanyaneya eriyari ya mothakoni. Owo mwaako muulupale. Onrowa, ntoko woothetemana so, onrowa mpakha vasulu, ni onweha ophareya. Ni Eliya ni Gehazi yaahitthara ephiro yothene mpakha, osulu. Vano Eliya khwiipopheya ni wiitho vale, khupacerya onvekela Muluku, ni ettuli awe orukunuwenle Onkela nsuwa, orukunuwenle nsuwa. Miyaakha miraru ni miyeeri mithanu na mosa, hata okame khuwaamonre. Owo khumuhimeerya Gehazi, "Murowe nwehe moone khama munnoona etthu, neeku vasulu va ephareya."

Eemenle-ene vamwaako va, awehaka epantte *ele*, khwira, "Nkinoona etthu."

<sup>137</sup> Owo aahikhala vaavale. "Muluku, vakhala wira atthu ala aarukunxa murima, vakhala wira atthu ala aathikela wa Nyuwo, vakhala wira awo aalikana wira yihuluxe ethiru ila yothene ni otthikela Masu Anyu, vano Nyuwo mwa Muluku, wira mwaakhule Masu Anyu."

<sup>138</sup> Mukihiye kihimye etthu emosaru olelo. Mukuxe miromolelo iya mpwanyulase, muliyale evirikanelo ya miromolelo iya, mwaahiye atthu atthikele Masu a Muluku, muliinya mwa othikila. Miyo kinoowooniheryani wira ookhala Muluku nlelo onwerya waakhula ni Mooro.

139 Mwaahiye atthu envekele Muluku. Muhiye...?...evekele mwaha wa mutthu. Mwaahiye atthu envekele profeta. Muluku onoomuhela vanlakani. Miyo kinnitharamula ilapo wira yeeyo. Wiipopheya wiitho wanyu ni onvekela Muluku, wira anveleelihe nvuluxa, nto nwehe etthu eniiraneya. Mwiire okathi mmosa paahi, Muluku onimwaakhula. Muluku okathi wothene onnaakhula.

140 Khukokhora khwira, "Muluku, mutthuniherye okhale olelo. Atthu ala yaahitoko woovirikanyani. Atthu ala t'okawanyeya mwa inamuna sothene sa miromolelo iwe. Masi, olelo, Nyuwo muhiisooniherya Mmansinyu. Nyuwo mwa Muluku. Nto atthu khwira, 'Mmurihele Pahali.' Ni miyo koowiwa anamukuttho ale ikonto sene. Awo khakhanle mphironi vano, Pwiya. Ikhottiheryo sothene soomala, ikhottiheryo saanivalaaniha."

Mmetotista aanitthuna orwa okokhorela ni muPatista; muPatista aanitthuna orwa ni aPentekosite; ole a ekeekhai mmurimani vathi vale, ale ikonto thanu na piili oororomeleya. Masi awo khanwerya wira. Awo yaira vale, animoomoliwa mukereja mwaya. Akina wa awo khancaliwa. Awo annoorwa, khula enamuna. Ti yeeyo.

141 Masi mwaahiye awo epwanyule othanyana iwe yiiraane, yiire, "Hiyo ninooliyala iyaaminelo iya sothene ni akatikeesi, ni itthu sothene hiyo ninsomaahu. Nrowe nitthikele Masu a Apwiya." Nwehe etthu enrowa okhumelela nto. Muluku onimwaavenxerya profeta, Owo vekeekhai onimwiira, eyo enimwaaruuhela Eyo naanaanoru, yakhala-ru oolikana wira yaakhele Yeeyo. Yoopacerya, awo ahaana ovekela. Muluku onoolipelela.

142 Kahi yootikiniha wira Muluku ontthuna wira atthu akhalane mpante mwa yeeyo? Okathi Yesu owehalyaawe ematta, Owo iirale, "Ipyo soottokottha. Anamuteko ari vakhani. Munvekele Pwiya a ematta," aari Yoowo. "Mukivekele Miyo, wira kaaveleelihe anamuteko mmatta Mwaka." Ti mpante khata murinaanyu ovara. Muluku onlapelela Ekereja Awe onvekela Yoowo. Owo kweekwe onniiraka ela. Muluku onoolipelela olelo atthu ovekela wira murumeyi Awe akele mmutekoni. Nto murumeyi khokhanle okelaka mmutekoni mpakha atthu avekele.

143 Isarayeli khaawenrye wira etthu vale, ni ithoonyeryo ni mitikiniho, mpakha awo wiipopheya wiitho waya evekelaka ovahiwa nvuluxa. Muluku aahikhalana Nvuluxa Awe. Muluku aahikhalana profeta aakhala iwe mothakoni, aahimukhaliha weiwo miyaakha miloko mixexe, alipelelaka wira awo yiireherye, wira elompe. Masi okathi yiirehenrye-aya khupacerya ovekela, vano Muluku aahinveleeliha nvuluxa.

Muluku onimwiira etthu emosaru olelo, atthu yathukumana-ru paahi, epacerya ovekela. Vaareera.

<sup>144</sup> Owo aari ethoonyeryo wa maprofeta ale oowootha ni wa Akhabi, wira owo aari murumeyi a Muluku. Owo aari profeta a Muluku. Vano, owo nave-tho aari ethoonyeryo wa Isarayeli, wira aaniwerya otthuka erimu wala otthukula erimu, okathi owo aatthunaawe. Vekeekhai aari yoowo.

Mukileele mmosa onwerya otthuka erimu, mukoonihe mmosa onwerya otthukula erimu, woohikhala Muluku. Ni Masu a Muluku, ahiiso, Masu a Muluku ari ni maprofeta.

<sup>145</sup> Mikaya, ethoonyeryo wa Yehosafati. Mikaya aari ethoonyeryo wa Yehosafati, wira Muluku onnikhala ni profeta eekeekhai.

<sup>146</sup> Vano nwehe. Owo aahikhalana maprofeta imiya xexe, Akhabi aahikhalana, nto owo khuwiitthana maprofeta ale imiya xexe. Nto ni mwiiwanano mmosa awo khumuhimeerya. Ni nakhala vo, muhina mmurimani mmwe mwa Yehosafati, mutthu a Muluku, owo aahisuwela wira yaahikhala etthu yahaalonke. Owo aahisuwela wira yaahikhala etthu yahaalonke. Owo khwira, “Nyuwo khamurina-tho mukina?”

<sup>147</sup> “Vamanlyaya imiya xexe weemela vale?” Owo khwira, “Ala othene maprofeta, maprofeta a Yehova.” Vo ti vari a—aMetotista, aPatista, maPrespiteriyano, a Omosa, oh, wulu, wulu, a Oraaru, ni othene oohiyana-hiyana. “Nookhalana awo othene va, ni ni mwiiwanano mmosa awo anihimya wira ela elapo yuulupalexa ekhanle. Hiyo khanrina hat’etthu yo woova.” Ntoko mwammiravo oopaka muturi omahiye, moosuwela, oovaka vale. Muhivela-vele ni yeeyo.

Khwira, “Masi khamurina-tho mukina?”

Khwira, “Oh, ayo, ookhala mukina nno, masi,” khwira, “Miyi kinnimunyokha.” Munnona? Khwira, “Owo kweekwe onihimya itthu sootakhala elapo ela. Owo kweekwe onihimya etthu yootakhala enrowa onikhumelela.”

<sup>148</sup> Yehosafati khwira, “Kaani—kaanitthuna kimwiiwe.” Oh, ayo!

Owo aari exeeni? Ethoonyeryo. Voohicala mitthenkeso mikavi wala miromolelo, Muluku nlelo ookhalana profeta onkhala ni Masu.

<sup>149</sup> Yehosafati aahisuwela wira Akhabi aahilamuliwa, okhala wira profeta eekeekhai, Eliya, aakhanle ethoonyeryo wa maloko, aahihimya, “Alapwa anoolata ephome anyu, orwa va.” Ti yeeyo. Owo aanisuwela wira Yesapeli n’uwo yaaniphwanela waaphwanya sookhumela. Owo aanisuwela wira yaaniphwanela. Munnona?

<sup>150</sup> Nto Mikaya, Mikaya khwira... Awo—awo khimurweela khwira, “Vano, kinimooleelani, mwaatthunaka okela munlokoni nikina, kinimooleelani etthu yo wira. Nyuwo mwaakhulele paahi wira alaleyi ala othene aakhalana exariya. Munnona?”

Mmuleele, 'Mukeleleke ohoolo nwele.'" Ni khwira, "Nyuwo mwaakhulele paahi." Khwira, "Kinimooleelani enrowaahu wira. Ninoopaka. . . Hiyo ninimoona wira mukele mmutthenkesoni mwahu, mwaira-ru yeeyo paahi, moone, nyuwo mwaisakaleliha paahi mwa itthu kamosa-kamosa iya va nyuwo munihimyaanyu. Nyuwo moonihe paahi, murowe, mwiiraane ni yaawo, mukelele ohoolo ni yaawo." Hah-ha! Mwaamuwerya omutthokelela profeta eekeekhai a Muluku aihuluxaka Masu a Muluku? Mwaamuwerya?

"Ahe," athu ala khwira, "masi, hiyo naahikhalana yoowoona," maprofeta ala imiya xexe. "Hiyo noosuwela. Hiyo na maprofeta. Hiyo noosuwela, okhala wira hiyo na maprofeta."

<sup>151</sup> Mikaya khwira, "Miyo nkinihoverya wira mwaahikhalana yoowoona. Miyo nkinihoverya hata vakhani, wira mwaahikhalana, yoowoona, masi khelikanne ni Masu awo." Amen. Khwira, "Ni miyo kihoona, yoowoona." Amen. Oh, ikharari! Owo aari ethoonyeryo. Owo aari ethoonyeryo. Owo khwira, "Miyo kihoona yoowoona, nto koomoona Isarayeli, ntoko ipwittipwitthi, soomwaramwareya vamwaako, sihirina makhampusi."

Nto mulipa-oowehexaxa ola muulupale, pixipu, khuwela khummana owanoni. Khwira, "Erooho ya Muluku eronwe yayi okathi Eyo ekikhumalyaaya?"

<sup>152</sup> Owo khwira, "Munimoona okathi onrowaanyu okhala mukhatteya. Munimoona."

Owo, Akhabi khwira, "Mmuhele mmiravo owo mukalapooso. Mmulyihe mukatthe wa moohaawani, ni munvahe maasi a moohaawani, wira awurye." Khwira, "Katthika vale ni murettele," khwira, "vano miyo kinoomukhapelela."

<sup>153</sup> Mikaya mutokweene eemenle vale ni SIISO ANIHIMYA T'APWIYA. Owo khwira, "Nyuwo mwatthikaru weeso, Muluku kholavunle ni miyo." Hum! Ti yeeyo. Owo aari exeeni? Owo aari ethoonyeryo, ntoko maprofeta a Yehova, maprofeta a Muluku, ankhala ni Masu a Muluku.

<sup>154</sup> Nyuwo mookhalana profeta onihimya wira mwaahaana opatisiwa ni ititulu sa "Atithi, Mwaana, Erooho Yoowaarya," ti profeta oowootha. Nyuwo mwaahimya wira ookhala profeta eriyari anyu, oniira, "Ari aMuluku araru," owo profeta oowootha. Khiyaavo hata Yoolempwa ya hata emosa ya yeeyo. Ti yeeyo. Masi profeta eekeekhai a Muluku onookhala ni Masu awo. Ni vakhala wira yoowoona awe ti yoovirikana ni Masu awo, owo kahi profeta eekeekhai a Muluku.

<sup>155</sup> Khinaavo hata nipuro, mBibiliani, mutthu ti mutthu otonko awe opatisiwa ni etiitulu "y'Atithi, Mwaana, Erooho Yoowaarya."

<sup>156</sup> Nkanweheni Paulo, iwe mukhatteya, muYuta mmosa mukhaani ookhoropana ephula, nantari, aaphwanyaneya vale, avirihaka miyaakha miloko miili, mukhatteya ya oRooma. Owo oolepa iwarakha iya. Vano, munuupuwela exeeni wira athiyana alaleyi yaahuupuwela sa Paulo, okathi ohimmyaawe wira, “Athiyana akhaleke oomaala mukereja. Nkinaanatthuniherya awo olavula?” Kinnitthokelela wira yaamwiira aphavenle omukuxa murima.

Exeeni munuupuwelaanyu wira mapixipu ale yaahuupuwela, mapixipu ale, okathi owo ohimaly’awe ithu iya sothene soohiyana-hiyana, “Muhiye etthu *ila va*, ni *ela va*, yothehe *ela, ele*,” Paulo aaleelaka? “T’ani mutth’ula, khula enamuna, mutthu ula omphwanyaneya iwo mukhatteya?” Masi owo aahikumana ni Yesu. Owo aanisuwela etthu aahimyaawe.

Ni mwa nikhuru nenlo, nuumala okhwa wa Paulo, vookiserya khupakiwa, mwa nikhuru nenlo na mapixipu ni ale arina okhulupale, mpakha Muthukumano w’oNicea, nto eyo khupaka ekereja Katolika, ahiyaka Masu a Muluku. Vaavo khukhumelela “Tithi, Mwaana, Erooho Yoowaarya.” Miyo kinnimutharamula mutthu ti mutthu, khula nipuro, khula elapo, wira ooniherye voovirikana.

<sup>157</sup> SIISO ANIHIMYA T’APWIYA. Opatiiso erumeeliwaka etiitulu ya “Tithi, Mwaana, Erooho Yoowaarya” ti yoowoothiwa. SIISO ANIHIMYA T’APWIYA. Miyo kinnimuruma khula mmosa a nyuwo, va wala mufiitani, ohipatisiwe mwa Nsina na “Yesu Kristu,” wira apatisiwe-tho mwa Nsina na Yesu Kristu.

<sup>158</sup> Paulo, mwa Miteko, 5:9, ahiiso, 19:5, iirale, “Muhaakhela Erooho Yoowaarya okhuma okathi mwaaminni anyu?”

Awo khwira, “Hiyo khanisuwela wira yookhala Erooho Yoowaarya.”

Khwira, “Vano mpatisiwe mwa xeeni?”

<sup>159</sup> Awo khwira, “Hiyo noopatisiwa,” masi kahi mwa opatiiso w’oKristu.

“Tithi, Mwaana, ni Erooho Yoowaarya” kuhiyo opatiiso w’oKristu. Khaavo muKristu otonko opatisiwa siiso, mBibiliani wala mwa miyaakha imiya sene nuumala Bibilia. Eyo eyaaminelo y’eKatolika, ni kuhiyo Mwixuttiho w’oKristu. Mukoonihe mBibiliani. Eyo e—eyo ethepyelo. Owo muteko w’axetwani.

Nkinihimya wira atthu apatisiwe siiso ti enamuna yeeyo. Muluku ohaana atthu anci-ene iwo ahinsuwela wira ti yoovirikana ni yeeyo.

<sup>160</sup> Masi, okathi woophiya, nihaana otthikela Masu vakhala wira ninwehererya wira Muluku avare muteko nihiku nla ntoko Owo siiralyaawe okathi ule.

<sup>161</sup> Miyo kaahaaleela ame aka okathi waakhwaaya, ehinatthi okhwa. Miyo khwira, “Maama, okathi okhanle-aka muKristu, ntoko mwammiravo, miyo kaahipacerya ophavela ni othokosa. Miyo kaahisuwela wira aahikhala Muluku mmosa, mwa soowoona nyuwo munsuwelaanyu, ni itthu sikhumelenle mwa ekumi yothene.” Miyo khwira, “Vano miyo kiphwanya wira ekereja Katolika yaahimya wira, ‘Hiyo na ekereja. Khivanvirikana hata vakhani etthu Bibilia enihimyaawe. Hiyo ninnaamini wira Eyo eri saana, masi, hiyo na ekereja. Ele hiyo enihimyaahu, Muluku onnitthuka Wirimu.’ Vano siiso, nto, awo aniira eyo enamuna *ela*. Eyo erutthu emosa. aLuteraano khuhimya wira, ‘Awo aavonya. Hiyo ninaamini iyo enamuna *ela*.’ aPatista aniira, ‘Othene aya aavonya. Hiyo ninaamini enamuna *ela*.’ Ni sookhala irutthu imiya sene seiyo.”

Vano, vaarowa oweryaneya sayi okhalana waamini? T’uvi w’awo orina exariya? Eri Etthu emosa ekeekhai. Miyo nkaasuwenle Eyo nto.

<sup>162</sup> Miyo khwira, “Maama, miyo kitthikela mBibiliani kisuwela moota arummwa ale oopacerya, muthinto xeeni wa ekereja awo yaarinaaya, moota yiixuttihaaya, ni itthu awo yiiranseaya. Miyo kiirale voolikana ntoko awo siiralyaaya, ntoko Bibilia sihimalyaawe, ni miyo kikkhalanne sookhumela imosaru.” Amen. Muswammaha nuulumo nlo, masi o—olawiha epudi onkhala olya yeeyo. Eyo ekeekhai. Kaarina sookhumela imosaru awo yaarinasaaya. Ayo.

<sup>163</sup> Vano, khivanweryaneya nyuwo okhalaha nrromelo mwa etthu erina inamuna imiya thanu na xexe soovirikana, so orowa epantte *ela* ni epantte *ele*.

Vano miyo kisuwela, mBibiliani, wira Yesu oohimya, Mwaneene, “Akhala mutthu onrowa okumiha Nuulumo nimosa, wala orukunxa, Muliivuruni mu; khula mutthu onrowa waacererya Mmo, wala okumiha etthu Mmo; yoowo onookumihiwa, mpantte awe Muliivuruni mw’Ekumi.” Ehooniherya wira aahikkhalana nsina nawe mmwe, vekeekhai, masi ninookumihiwa. Oh!

<sup>164</sup> Nihaana otthikela Masu ala. “Erimu n’ilapo ya vathi sinoovira, masi Masu Aka khankhalakhala evonyaka.” Ayo, mulopwana. “Moolumo othene a mutthu akhale owootha. Awaka akhale ekeekhai,” ohimnye ti Yesu. Nrowe nikhale ni Masu. Ayo. Oh, wulu! Ayo.

<sup>165</sup> Yehosafati aanisuwela wira Muluku onnimusuka profeta eekeekhai, oororomeleya onkhala ni Masu Awe nave ohinrowa osakaleliha. Nnari, mulopwana.

<sup>166</sup> Owo aahikhala oratta-ene ni Yeeyo. Imiya xexe anvirikanyaka, ni soolaleerya saya, nave. Masi yawawe yaari Masu a Muluku, ni ethoonyeryo emosaru ni itthu.

Ni miyo kinihimya, olelo, etthu entthunaahu olelo mutthu, profeta, onvenya eriyari ahu, onrowa okhala ni Masu a Muluku voohicala etthu mutthu mukina onihimyaawe, wala etthu p'itthu muromolelo onihimyaaya.

<sup>167</sup> Mikaya khaarina mukhaliheryo. Moise khaarina mukhaliheryo. Nowe khaarina mukhaliheryo. Hata mmosa aya, paahi, khankhalanasaka mukhaliheryo. Othene ankhala oowaavirikanya. Masi awo ithoonyeryo mahiku ootakhala Muluku ahinatthi oveleeliha ehukhumu. Ni Muluku onnisuka Masu Awe ni onthuna wira Masu Awe asukiweke n'atthu Awe. Attotopeliwe Apwija.

Vano, nirowaka woomalihani, mwa minuutu vakhani paahi vano. Vano nwiriyane oratteene.

<sup>168</sup> “Aahikhala mulopwana mmosa aarummwe ni Muluku yoowo nsina nawe aari Yohani,” profeta ethoonyeryo. Yesu ahinatthi orwa mulaponi, wira aihimye Mmansawe, Owo aamurumme profeta Awe ohoolo Wawe. Owo aahiira? Owo aamurumme profeta, Eliya a Waataana Wa Khalayi, aalaleeriwe wira orwe mwa owerya wa Eliya a Waataana Wa Khalayi. Owo aahaana okhala profeta ethoonyeryo wira Yesu aamoorwa, wira aamukhala Mesiya aarowa orwa.

<sup>169</sup> Vano Yohani aahikhuma mothakoni, owo aari ethoonyeryo wira Mesiya aari mphironi Mwawe. Yohani vakhumelenlyawe, Isarayeli aahaana wira osuwenleene, mwaha wa maprofeta aya.

Ti vaavo atthu anivonyaaya-vo. Awo khaniwaamini maprofeta aya. Awo khaniwaamini. “Hiyo khinnaamini wira ele Petru ohimalyaawe wira yaari oratta-ene, Nihiku na Pentekosite.” Awo khanaamini wira eyo ekeekhaii. Awo khanaamini etthu Paulo ohimmyaawe, etthu emosaru Petru iiraly'awe. Khwira, “Nakhala Nlaikha ninkhuma Wirimu nilaleyaka masu makina, nitakhaliwe.” Awo khanaamini eyo. Munnona? Awo khanaamini.

Ni awo khayaawaaminni maprofeta aya. Vaakhanle wira yaahisuwela wira, awo yaamusuwela wira Yesaya aahihimya, “Ninookhala nsu nimosa na ole onikhuwela mothakoni, ninrowa olokiha ephiro ohoolo w'Apwija.” Awo yaahaana wira esuwenle. Owo aari profeta, mukhulupale a maprofeta. Owo aahaahimeerya, masi awo khayaaminni. Nnari, nnari. Owo iirale, “Ookhala Mesiya onoorwa.”

<sup>170</sup> Mulopwan'ola aari mutthu aarummwe ni Muluku. Oh, axinna! Owo khaarina anammutthara. Muluku aahinvaha anammutthara, nikoto naamukhaani, siiso Owo saamwiireny'awe Eliya. Muluku aahinvaha anammutthara awe. Owo khaaphwannye eyo mmutthenkesoni mwa poliitika. Owo aahilaleya Masu, aahikhala mwa Masu a Muluku, vano Muluku khunvaha nikoto naamukhaani. Eliya aahikhala mwa Masu a Muluku. Muluku khunvaha nikoto naamukhaani.



171 Mulopwan'ola khaarina mukhaliheryo. Owo khaarina anammutthara, hata mukhaliheryo, khaaira mpanthe wa hata muromolelo, khaavekela etthu ni khoova etthu. Owo aari Yohani. Mwaha wa xeeni? Owo aari mutthu aaveleelihiwe okhuma wa Muluku. Mwaha wa yeeyo owo aakhalaawe oolipa. Owo aari Eliya aaphwanyaneya vale, wira owooniherye atthu wira Mesiya aamoorwa. Owo iirale, "Miyu ka nsu na ole onikhuwela mothakoni, ntoko sinihimyaawe profeta Yesaya. Mwiilokiherye wira mukumane n'Apwiya."

172 aFarisi ale ni aSatukhi yaakhalaka vale ni onyakulihana mwaha wa ikasako saya ni itthu. Vaavo okathi yaanyakulihanaaya ni waakhulana mwaha wa yeeyo, eriyari aya vaavale aahirwa Mesiya, eettaka.

173 Yohani khwira, "Mmoone, Owo ori vale." Aleluya! Munwehe. Owo aahimusuweliha. "Ole ori vale. Owo eemenle eriyari anyu naanaano va."

Okathi ene yoowo, erimu yaahikukutteya. Yesu khukela mmaasini. Ni Yohani aahikhalela onamoona, oonaka Erooho ya Muluku, ntoko epompa, ekhuruwaka. Nsu nikhuwelaka, "Ola Mwan'Aka onimphentexaaka mwa Yoola Miyu onnikisivela okhala." Oh, wulu, wulu!

174 Yohani khwira, "Vano kihaana ovukuwa. Owo onimwaacerereya." Oh, profeta xeeni, ethoonyeryo ya Isarayeli! Ayo, mulopwana.

175 Owo aari mutthu aaveleelihiwe okhuma wa Muluku, anaamwi atithi awe yaari namukuttho. Oh, ayo. Atithi awe, Zakariya, yaari namukuttho. Masi nyuwo mooweha? Muluku khaamuhiyale profet'ole otakanxana ni mitthenkeso saya. Atithi awe yaammukuxa emuroihe exikola ya teyoloxiyya, muromolelo muulupale *Khata-khata*, yaammukhaliha murumeyi ooreerela, moosuwela, ni omuxuttiha othene ni yaamunvaha itthu sothene ahaarinaawe okhalanaka. Masi Muluku khaarowa ohiya munep'awe oravihiwa itthu. Munniiwa saana? Owo khaakhanle omuhiyaka mulopwan'ole otakanxeya ni mitthenkeso. Owo khaaira mpantha wa hata mmosa, hata ettharelo, aFarisi, aSatukhi, wala aHeroti, wala enakhaleru etthu p'itthu. Muluku khaarowa otthuniherya eyo.

176 Owo aarina eyareliwu yootikiniha. Owo aari mwaana ootikiniha. Owo aari profeta. Atithi awe yaari namukuttho, masi Owo khaarowa omuhiya owo otakanxeya ni anamirima miili aya othene, itiini sa eFarisi ni itthu siiso. Exeeni Owo iiralyaawe? Owo aaroomukuxa khimuroiha okuluttuni ni khumwiixuttiha mothakoni.

177 Wiixuttihiwa xeeni! Amen. Owo aahimwiixuttiha ni musuwelelo. Eyo ti yoomalela oreera, omusuwela Muluku. Okathi owo okhumale-awe, owo aanisuwela oratteene ole waari muteko awe. Muluku aahilipiherya muteko owo.

Owo aalipihenrye yayi eyo? Omuro. Vano, nyuwo mwaaweryaka okhaliha piili ni piili okhala xexe. Munnona? Omuro!

Khwira, “Miyu ka nsu na ole onikhuwela mothakoni, ‘Mulokiherye ephiro ya Apwiya, mookolele ephiro Aya.’”

<sup>178</sup> Yohani, mutthu aaveleelihiwe okhuma wa Muluku. Muluku khaarowa omuhiya owo oravihiwa yeela. Owo aamuxuttinhe mothakoni, ni Muluku. Owo aamuxuttinhe kahi muxikola mwaya, kahi mwa teyoloxiyya aya. Owo aairale-ru, aamukhala othene ooxuttihwa itthu ntoko wira ole aarowa okhuma muxikola olelo, inamuna sothene sa ixikola. Kahi maPrespiteriyaano paahi, aPatista ni aMetotista, masi ixikola sa aPentekosite, soonanara vamosaru, khula emosa wa ixikola iyo sa teyoloxiyya, sinaakumiha iwe. Oh!

<sup>179</sup> Orwa wawe, yaahihimya Erooho, ya Yesaya. Orwa wawe, orwa wa Yohani, waahihimmwa mwa Yoolempwa. Yesaya 40:3 iirale, “Kinoomuruma namitthaka Aka ohoolo Waka, alokiherye ephiro,” ahiiso, owo aari Malakhiya 3. Khwira. . . Malakhiya 3 ohimye wira Owo aamurowa omuruma namitthaka Awe ohoolo Wawe. Profeta, profeta ookiserya, aahilavula sa yoowo. Etthu yookiserya yaalavuliwe ya yoowo. Muupuwele, Eliivuru yookiserya ya Waataana Wa Khalayi yaalavunle wira Eliya aamoorwa wa aana a Isarayeli ohinatthi wooniheriwa Mesiya.

<sup>180</sup> Moolikana? Eliivuru yookiserya mBibiliani, Wiisuupulula, enninooiherya wira onookhala otthika wa yoowo mahiku ookiserya, wa ekereja y’Amalapo, ethoonyeryo. Moota anivonyaaya woona yeeyo! Owo oolaleeriwa orwa-tho, okathi vakhani ohinatthi Orwa wuulupale ni waneili w’Apwiya. Mwa Mala- . . . Mwa Malakhiya kapiitulu 4, mwa Wiisuupulula nave, kapiitulu 3, enninihimeerya wira owo onookhala vaava mahiku ookiserya. Mmosaru yoowo, onrowa weemela v’ephakani mwaha wa athu, ni nikoto naamukhaani Muluku onrowaawe onvaha, owo onimoorwa mahiku ookiserya. Muluku ohimye siiso. Owo onrowa okhala ethoonyeryo wa nloko nla n’Amalapo, wira okathi aya khuwaavo-tho.

<sup>181</sup> Ni, muupuwele, okathi owo onkhumelelaawe vanlakani, okathi ori vakhiviru. Nrowe nivekele wira Muluku onveleelihe. Okathi ori vakhiviru.

<sup>182</sup> Muteko awe omalakaruru, Mesiya aahiisooniherya Mmansawe. Omalakaruru mutthu ula muulupale onrowa orwa mahiku ookiserya, omaliha muteko awe, Mesiya onimwiisooniherya Mmansawe. Enrowa okhala siiso. Okathi ori vakhiviru, tivo vanreerela nivekele. Vanreerela mpacerye ovekela.

<sup>183</sup> Ethoonyeryo Awe yoovahiwa ni Muluku okathi ula enoowooniherya ele owo okhanly’awe. Athu othene anoosuwela. Muluku onoolipiherya. Owo onimooniherya ithoonyeryo ni mitkiniho shinatoko aya wiiriwa mulaponi, ni yoowo. Miyu

nkinihimya othukumelasa, ottikinyeya, ni olavula ilavulelo. Owo onrowa otthika ni Masu a Muluku, ntoko mulopwan'ola saarinaawe. Mwaha wa xeeni? Owo aahilaleeriwa orwa, mwa Malakhiya 4 ni Wiisuupulula 3, tivo owo onimoorwa. Khiyaavo etthu enrowa omweemexa; owo onimoorwa. Amen. Owo onookhala vaava. Amen. Mwaahiye atthu yipopheye wiitho waya olelo ni epacerye onvekela Muluku, nto nwehe etthu enkhumela. Munoomoona owo okhumelela mwa owerya. Ayo, mulopwana.

<sup>184</sup> Voolikana ni Yoolepwa, Mutthaka awe wa ethoonyeryo onrowa okhala "orukunxa." Enrowa okhala yawawe. . . Ninrowa osuwela wira owo xeeni? Ninrowa osuwela sayi wira ti mutthu ene?

<sup>185</sup> Moosuwela, Isarayeli aahikoha yeeyo em meta emosa, mwa Otumererya, kapiitulu 20 . . . versiikulu 20, kookupali wira ti yeeyo. Owo iirale, "Ninrowa osuwela sayi wira ola ti mutthu eekeekhai?"

Ninsuwela sayi hiyo? Muluku onninihimeerya wira ninoomusuwela. Owo onrowa wira exeeni? "Owo onrowa orukunxaka mirima s'ana otthikela Mutthaka woopacerya wa pentekosite wopaceryani." Oh, wulu!

<sup>186</sup> Ethoonyeryo emosa ehincaliwa, ethoonyeryo y'ekeekhai, ni awo anoovonya wona. Awo kweewe annivonya.

<sup>187</sup> Otthikela Ekereja y'ekeekhai, Mutthaka w'ekeekhai! Owo onrowa okhala meekhaawe avirikanyaka muromolelo, oolipa ni oohova, ni SIISO ANIHIMYA T'APWIYA. Owo khonrowa wiisakaleliha ni hata muromolelo. Owo khonrowa okhalana naata ni hata mmosa; khonrowa okhala oovara murima ni hata mutthu. Owo onrowa okhala volukama mwa Masu, SIISO ANIHIMYA T'APWIYA. Muluku onoolipiherya muteko awe ni ithoonyeryo ni mitikiniho, soowuupulula suulupale sa Masu, owuupululelaka atthu. Nihiku xeeni niri vakhiviru! Ntoko . . . Owo onookhala oolipa ntoko Petru ni Yohani siiranse aya, ntoko, Nihiku na Pentekosite.

Nuumala Pentekosite, awo yakhalanse aya oosareya Erooho Yoowaarya, oopatisiwa vale, awo yaahikhalasa opwaro iwe wa oSineetriyu. Awo yaaheemelasa vale ni ominyala wothene yaaweryasaaya okhala-no. Okathi, awo yaahimmyaya wira, "Hiyo ninnookhoottiheryani wiixuttiha-tho, mwa Nsina na Yesu."

<sup>188</sup> Owo iirale, "Ti ya exariya owiiwelelani nyuwo, wala Muluku? Mutthokelele yeenyu-ru." Oohisuwela etthu, oohisoma. Amen. Awo yaari maprofeta. Awo yaari maprofeta ootkittheliwa a Muluku. Awo yaari ithoonyeryo sa Erooho Yoowaarya. Awo yaari maprofeta. Awo yaanisuwela.

<sup>189</sup> Awo yaarisa ntoko Yohani. Awo yaahikhalasa iwe oPentekositeni ni yaahiphwanyasa etthu.

Awo khayaarisa ntoko alaleyi ahu anci-ene olelo, oothipelela, oowiihimya, yiihelanaka wa mutthenkeso xeeni muulupale orinaahu, akavi nrinaahu mwa makhuru ahu maalupale. “Hiyo niniikhaliha ntoko mutthenkeso muulupale. Hiyo ninnivara muteko muulupale w’omisiyonaariyu.” Oh, ikharari! “Oh, hiyo nirina atthu oowaattaxa waavikana othene akina.” Exeeni iyo? Owo nvarelo murima wa poliitika. Miyo kintthuna wira nwiriyane oratta-ene, minuutu miili, miraru sintharelana. Nvarelo murima wa poliitika.

<sup>190</sup> Vekeekhai miyo koohimya etthu, minuutu vakhani sivinre, nyuwo moosuwela etthu enihimyaaka. Ethoonyeryo enlaleeriwa. Miyo nkikwannyale eyo, koohiyenryeni yeenyu. Munnona? Ahe, kahi nyuwo va paahi, masi ale anrowa wiiwa. Eyo ti yawinyu. Mwiire etthu entthunaanyu ni yeeyo. Nvekele, nto munwehe Muluku weetteetta vanlakani. Munwehe Owo omaliherya Masu Awe. Owo onoolipelela.

<sup>191</sup> Okathi ikapwitthi s’atomu, ni atthu animoova; ni ePentaakonu, awo khansuwela etthu yo wira; ni ithoonyeryo sootikiniha osulu, sa itisku sinvava, ni itthu sothene Muluku ohimmyaawe khalayi ene: Ola okathi wa Eliya yoowo, (owo ori nipuro nlo), wira okhumelele vanlakani.

<sup>192</sup> Mwaahiye atthu, muhiye nikoto nlo naamukhaani, ale ahanle Muluku onrowaawe onvaha, mwaahiye awo vakhani ahanle anrowa onvekela Muluku, nto nwehe etthu eniiraneya. Onookhala mooniheryo wa mulaponi. Onookhala owerya awo ahinatoko aya wona khalayi. Mulattu ene okhala wira, okathi ula, onrowa okhala vaxiye-ene w’awo nto. Mikhora sinoowaliwa. Tivo, muupuwele, hiyo nri okathi wa woomalelani. Nvekele.

<sup>193</sup> Nkawehani olelo etthu hiyo nnihanaahu orumeyi. Exeeni hiyo erinaahu? Vano, kimalihaka, kintthuna kihimye ela. Exeeni hiyo erinaahu? Hiyo khanirina hat’etthu. Amosa-amosa w’ahooleli ahu aalupale, anamalaleya ahu aalupalexa; mmosa w’anamalaleya ahu ehapari aalupale iirale, “Kaweryaru waaphwanya ipursento muloko w’atthu aka oorukunxa murima oolipa, mwaakha mmosa, kinookhala ooxukhuru vanci-ene.” Nave, hata okathi wa khalayixa onvikana Finney, aarina ipursento miloko mithanu na mixexe ni thanu na piili a yaawo.

Paulo aahikhalana imiya imaara imiya, imiya ni imiya sene. Mmosa aamoopowa, nto, owo aakhala oosareya, munna, vaarowaawe omuhimeerya mutthu mukina; owo aamuhimeerya mutthu mukina; ni owo aamuhimeerya mutthu mukina; khuphiyerya imilyawu sene. Mwaha wa xeeni? Awo yaahikhalana etthu. Awo yaari mwa Masu.

<sup>194</sup> Olelo, hiyo ninuupuwela paahi mittitthi suulupale. Exeeni iyo? Owo mutthenkeso wa poliitika. Narwa vale, namalaleya muulupale arwaaru mpooma, exeeni enrwa voopacerya?

Nikhuru n'atthu. Vakhala-ru wira aMetotista othene, aPatista, maPrespiteriyaano, othene aya, awo yakhalanaru mphwanyeryo mukhani, awo, "Owo pooti olaleya *ela* paahi, ni ohilaleyeke *ele*, ni ahilaleyeke *ela*, masi pooti olaleya *ele*," murina exeeni?

<sup>195</sup> Nto awo anoorkhuma vale, athiyana. Miyo kinaahimya aPentekosite. Athiyana anoovolowa mmwe, anoorowa waltaari, ankhala axonttelaka.

<sup>196</sup> Miyo okathi wothene kinnikhala oovirikanya wiitthana waltaari. Vanreerela kihimye tu. Miyo nkiniwaamini awo. Khiyaavo ethhu ene eyo mBibiliani. Vanweryaneya sayi mutthu orwa vahikhanle wira Muluku onoomwiitthana? Khimwaarowa owerya omukhoottiha. Khivantthuneya wiitthana hat'etthu. Muluku oomwiitthana. Wiitthana waltaari muupuwelo wa Metotista. Ti yeeyo. Wiitthana wa waltaari, awo animwaavara, aniira, "Yohani, moosuwela, ame anyu akhwiye khalayi."

<sup>197</sup> "Ooh-ooh-ooh, ayo, munna, ooh-ooh!" Iwo kuhiyo orukunxa murima.

<sup>198</sup> Nno, ohiyu vakhani ovinre, hiyo naahikhalana wooniheriwa oLouisville, wa muthiyana mmosa aaruuhiwe mukaxawuni, khummaathi vattattaponi va ekaafirika ya akapwitthi. "Atthu imiya," khwira, "mutthyawele waltaari." Ehapari yooreera kuhiyo woova. Kuhiyo moonelo wo okhupanyerya. Onkhala orukunxa murima w'okupali.

<sup>199</sup> Nkawehani mmithukumanoni iya, anamalaleya ala aalupale, ni hata mwa muteko aka mukhaani wo wiiyeviha, kiihikumihaka. Imaara sikina onnikuula muru, okhuma. Ti yeeyo. Hiyo niniira-ni? Ninoovenya ni wiitthana waltaari ni okupaliha. Axiruusi axikhaani anoorowa vale, ni othene anyamunyaka exuwinka, wira, "Munnona? Munnona? Kinrowa. Uh-huh." Athiyana ala anoorowa vale, ni maihi oometthiwa ni wiittho woopintariwa, aPentekosite, n'uvolowa, n'ukhuma, ni wira awo aalavula ilavulelo. Ni ohihiya maihi aya wunnuwa, nave nlelo aniira ethhu emosaru awo yiirakaaya. Nyuwo munikileela wira iwo orukunxa murima? Iwo oveehiwa wa Muluku. Bibilia ohimye wira, "Eyo etampii ni otakhaliwa awo ometthaka maihi aya." Onwerya sayi muthiyana ni maihi oometthiwa omulamula muthiyana orina soowootta wiittho wawe? Vanreerela wiiwa naanaanoru. Ewoora yoophiya, eniheliwaaya epaso vamutathaarini va mwiri. Ni khula mwiri ohinrowa wiima muhokorokho wooreera onimuhiwa.

<sup>200</sup> Mulattu ene xeeni? Yaahivonyeya, okhala wira alaleyi ahu a vano, yaawo aniihaniwa siiso, mittitthi suulupale soowaakanyerya, mitthenkeso khasinsuwela-tho sa Muluku onvikana Otentoote sinsuwelaawe sa ohiyu wa wEjitu, vaasiwaka. Awo anoorowa iwe. . .

<sup>201</sup> Ankhi atthu ale oPentekositeni yaawenle iwe khwira, "Vano, Yesu ooniruma wira niwele nno ni nikhale mpakha naakhele

owerya wa Wirimu. Vano, axinna, hiyo nookhala nno, mahiku mathanu na maxexe. Nrowe nikupali yeeyo, ni waamini. Vano, hiyo nookhalana Erooho Yoowaarya. Ninookhuma, okhala wira nookhala nno. Hiyo nihiira ele Yesu onihimery'awe wira niire"? Kiwaarowa okhala hata musuwelelo.

<sup>202</sup> Mukihiye kooleleni etthu. Koosuwela wira ela eri mufiitani, nnakhala vo, enimoorwa. Nwiriyaane. Miyo kinrowa woolelani etthu. Ti yoowuliha muru. Atthu yeereryaka o...Miyo nkinatoko waamini wira Erooho Yoowaarya waari "othukumela." Miyo nkinatoko waamini wira Erooho Yoowaarya yaari "eyooniheryo y'olavula ilavulelo, wala wunla, wala onyakula." Iyo miyoonelo so wuukhuwa. Kookupali wira Erooho Yoowaarya enniwerya wira yeeyo. Masi Erooho Yoowaarya onkhala omakiha oMuluku. Miyo kinnaamini nikhuru nuulupale n'atthu anihimya okhalana Erooho Yoowaarya, khansuwela hat'etthu ya Yeeyo. Mutthu onikumana ni Muluku.

<sup>203</sup> Moota, Nihiku na Pentekosite, awo yaahimya... Vano, ntoko aPatista olelo, aPrespiteriyaano n'aMetotista, miyo kinookoha, "Nyuwu munnaamini wira mookhalana e...?"

<sup>204</sup> "Oh, ayo, hiyo ninnikupali Yeeyo, ni waamini." Ni waamini, hat'etthu. Kahi Yeeyo.

<sup>205</sup> Owo moonelo, nyuwu onnoosivelani woona otupweela wa nsuwa, nto munimweemela n'uweha nsuwa otupweela, ni wunla, ni maithori emoraka, owo kahi Muluku, iwo wuukhuwa, wa etthu eri mwa nyuwu. Munooosuwela ya mutthu onwereiwa, wala mutthu onookhwa, munookhuwela ni wunla. Owo kahi Muluku. Iwo wuukhuwa wa mutthu. Moota Muluku. . .

<sup>206</sup> Miyo kinniwoonaka atthu mmuseweni a poola, okhala ootteeleliwa murima mpakha ankukumaaya ni iyano saya, sothene sikina. Muhikileele.

Hiyo ninniphavela muhakalaliho, woopowa. Ni aPentekosite anoorowa iwo, ni waakhaliha atthu, ni waakhaliha atthu oothanana, ni waaleela wira, "Awo yaalavulaka ilavulelo, ahaakhela Erooho Yoowaarya." Ni akina aya ankhala makhalelo a khula enamuna, nuumala yeeyo.

Nwiriyaane, munna. Nihiku na Pentekosite, khayaari siiso. Awo khalipaneke hata ilavulelo wala etthu p'itthu. Okathi awo yaarisaaaya iwe, yeemenle-ene nipuro nimoso, ni mwiiwanano mmosa, Muluku aahikhuruwa, vekeekhai, eriyari aya. Awo yaahoono, vasulu va khula mmosa, malumi a Mooro, ntoko sa, yiithomeiye vamuru vaya. Muluku aari vaavale. Khiwaari, "Mukupali ni waamini, wala eyuukhuwelo khata." Awo yaahisareya Erooho Yoowaarya, vano khukhuma khupacerya olavula ilavulelo. Masi, yoopacerya, awo yaahikumana ni Muluku.

Owo t'ori mulattu olelo. Atthu animuukhuleya ni otannyeya, eyuukhuwelo, ni kehiyo Erooho Yoowaarya. Erooho Yoowaarya enkhala omakiha oMuluku. Masu anyu ti Masu Awe. Kinimooleelani, etthu entthunaahu olelo, ti wiitthaniwa.

<sup>207</sup> Atthu anookela, athiyana siiso, anookela, olavula ilavulelo, n'ukhuma. Nto nyuwo munoorowa mapuro aya weiwo arinaaya ikereja saya . . .

<sup>208</sup> Kaanithuna Billy aakilaanthe va. Kinoomalaru waakhela ewarakha ya wu nipuro nlo, nihiku nlo, vaavo muthiyana mmosa iiraly'awe, "Miyo kiniira mpantte, wa muulupale. . ." mutthenkeso muulupalexa wa aPentekosite, mutthenkeso muulupale wa Oraaru. Awo khwira, "Athiyana ahu othene, Munna Branham, othene annimettha maihi. Miyo kaarina maihi oorakama ooriipa." Owo khwira, "Miyo kweekwe yaanikisivela, okhala wira kaanaamini wira yaari a Apwiya." Khwira, "Miyo nkinatoko wootta itthu wiitho. Ekerej'ahu enniixuttiha wira eyo etthu ya khalayi." Khwira, "Awo anikileela wira, okathi waarinaaka maihi aka oovilikeihiwa mukopwe, ottuli, yiiraka, 'Nkawehani, nyuwo murina epenewu yoophutuwa ottuli,' ni sothene siiso. Yiiraka, 'Nyuwo munikuxa epenewu—epenewu yoophutuwa waakohi wa muru anyu.'" Ni khwira, "Vookiserya, aiy'aka khwira, 'Muhinimethela-ni maihi anyu mukhala ntoko akina?'"

Vano kookhalana ewarakha entthikela wa yoowo.

Owo khwira, "Ti siiso? Miyo kihiiwa emosa wa ifiita sanyu, wira opatiiso w'oKristu onkhala mwa Nsina na Yesu Kristu." Vano, moosuwela etthu onrowaawe waakhela. Khamunsuwela? Owo khwira, "Mukileele, Munna Branham. Miyo koovoliwa etala. Kintthuna kisuwele kiirale-aka."

<sup>209</sup> Miyo kinrowa ohimya, "Wuuliha muru aiy'anyu awo ootthikela ottuli. Ni nikhuru nlo nootakhala munthukumanananyu, mukhume eriyari aya." Khweeli. Muluku khokhanle orukunuwaka. Okathi Muluku onihimyawe etthu, Owo onihimya yeeyo. Miyo nkincala alaleyi akavi ootthikela ottuli antthuna wiisakaleliha, wira ekhalane mutthenkeso muulupale wala nikhuru. Hiyo ninaatthuna anamaruaha woopowa. Alopwana ankuxa mweemeryo ni waahiya axaar'aya wira siiso, miyo kinkhalana nrromelo mukhaani wa musuwelelo aya wo okhala muKristu. Khweeli. Murukunxe murima, wala mpweteye! Wulu, Muluku aka!

<sup>210</sup> Ankela siiso, aniitakanxa ikereja, ikereja sa Pentekosite, anootthika nave nnakhala khanrukunuwa; enkhala etthu emosaru, khanvirikana hata vakhani. Oh, ikharari! Exeeni iyo? maYesapeli a vano. Ori muthiyana mmosa paahi mBibiliani aatonko opintari wiitho wawe, ni Muluku aamukhalinhe yoolya ya alapwa. maYesapeli a vano yaapurulaka maAkhabi aya iwo yaavanre mmukalani, khula mwamulopwana ookenyeya

onimuhiya mwaar'awe wira siiso, anaawara akaputtula n'itthu siiso, n'ukhumela nno mphironi ni anwara ivistiitu sinkhala ntoko sootita erutthu ntoko esalsiixa sootita erutthu siiso. Ni orowa...Miyo nkinihimya eyo ntoko eperwa. Nla khanihiyo nipuro na eperwa. Ala Masu a Muluku. Eyo ekeekhai. Ekeekhai. Orowa mphironi, awanre, evistiitu yootita, hata ohinweryaawe weetta. Vano, mulopwana mmosa onoohimya etthu mwaha wa yoowo, nto nyuwo muntthuna waakhulana ni yoowo. Vantthuneya nyuwo opwakuliwa, ti yeeyo, mwaha wo omuhiya owo wira. Eyo enooniherya etthu mpakaniwaanyu. Eyo ekeekhai voolikana.

<sup>211</sup> Etthu entthunaahu Ehapari yooreera. Muluku, mmuvenxe mutthu vanlakani tthiri ontthikela Mmasuni. Muluku ohimnye wira hata kehiyo etthu yoophwanelela muthiyana orwa okereja ni ovekela ni maihi oometthiwa. Ni muthiyana ommettha maihi awe, ti...mulopwana ookhalana ehaakhi vooreerela yo omwalana ni yoowo. Owo muthiyana oohittittimiheya. Bibilia ohimnye siiso. Owo t'ohittittimiheya wa aiy'awe. Owo khino khonsuwela eyo. Khula muthiyana oninwara kaputtula t'ohittittimiheya. Khino owo khonsuwela. Muhano, miyo nkimphavela woosikulihani. Kimphavela owoopolani okhuma vantthiyani va mooro, ni omooroni. Murukunxe murima!

<sup>212</sup> "Ahe," nyuwo muniira, "Miyo kihaakhela Erooho Yoowaarya." Nto khunaira siiso, ni Muluku akhalaka mwa nyuwo, Muluku yoowo oohimnye wira muhiireke?

<sup>213</sup> "Ahe," nyuwo muniira, "Miyo koolavula ilavulelo." Miyo kinniwoonaka axetwani olavula ilavulelo. Miyo kinniwoonaka, wAfrika, owurya ephome munikarakasani na muru wa mutthu, ni olavula ilavulelo ni ovekala mwa nsina na xetwani. Miyo kootoko okhala mmaxaaxani mwa akhwiri ni anamirette, mwemmo awo yaalavulaaya ilavulelo n'utaphulela. Kinnoonaka ilaapi opwehiwa vameesa n'ulepa mattaava oohisuweliwa, vano mulopwana orwa, n'utaphulela. Yaari ekeekhai. Muhikileele sa ilavulelo. Hiyo khanireerane sa yeeyo vano.

Nlelo, kinnaamini wira Muluku ookhalana elavulelo yoohisuweliwa. Kinnaamini wira Muluku onnilavula ilavulelo soohisuweliwa, masi muhiroromeleke yeeyo. Paulo oohimya, "Hata kaamulavula ilavulelo s'atthu ni Malaikha, nave kihirina Erooho Yoowaarya, nlelo nkihiyo etthu. Hata kiweryaka othamiha miyaako..."

<sup>214</sup> Atthu anci-ene aneererya ohimya wira, "Oh, *ola* mutthu muulupale a Muluku. Nyuwo mwaahaana wona miiriiry a suulupale." Vano, axetwani annivoniha...

Axetwani annikhuma n'upaka itthu siiso. Miyo kinnaasuwela akhwiri ankhuma, ni itthu siiso, ookhalana eventaali aivitikelenle *siiso*. Anhela musurukhu mmwe.





yaamurowa wira yeeyo mahiku ookiserya. Vekeekhai. Tivo, awo ari vo.

222 Masi anihimya wira aakhalana profeta vapulpitu, onoova Masu a Muluku. Kahi. . .Owo onnoova muthukumano.

Nrowe nivekele wira Muluku aniveleelihe Waarya iwo wa mahiku ookiserya, Waarya iwe wa makaaripi, aniveleeliherye ole Owo omulaihenryawe onveleeliherya, Ekereja yoothanliwa, onrowa waahimeerya ele ekhanle Ekeekhai, wira ekhale mwa Masu a Muluku. Mwaahiye maYesapeli ni a mAkhaba, nto eyo enimwaavalaaniha. Eyo ekeekhaii voolikana.

223 Muupuwele athiyana yaapaceryaka wira siiso. Vano mutthike vakhani paahi, awo yapacerya-ru omettha maihi aya ni wira siiso. Athiyana yapacerya wira siiso, okathi yoowo ni ehuhu yeeyo Eliya mahiku ookiserya orinaawe okhumelela vanlakani ni ethoonyeryo ya woomalelani wa okathi, ni ethoonyeryo ya woomalelani wa okathi ntoko saary'aya mahiku a Lothi. Munnona? Ethoonyeryo ya woomalelani wa okathi; athiyana yaapaceryaka wira siiso. Awo aniira siiso vano. Owo okathi yoowo Eliya orinaawe okhumelela vanlakani, otholaka ni aitthanaka, apwapwelaka ni apwanyulaka, khweeli, ni ethoonyeryo ya Muluku ottuli wawe, okelelaka ohoolo. Owo khonrowa wiihana hata nikhuru nuulupale vano. Bibilia ohimnye wira, "Muhoove, nikoto naamukhaani, Atith'inyu ohaasivela woovahani Omwene." Eyo ekeekhaii. Eyo ekeekhaii voolikana.

224 Owo ohaana okhoottiwa ni atthu othene ohiya nikoto nikhaani, maana owo ori ntoko Eliya ni awawe imiya thanu na piili, ni Yohani ni nikoto nawe naamukhaani. Ayo.

225 Munnoona vamphwannyaneyahu olelo? Nihaana otthikela oPentekositeni oopacerya. Nihaana otthikela itthu sa Muluku. Nihaana otthikela. Munna mulopwana, muthiyana, muhoothiwe mwa musuwelelo anyu. Hiyo ni—hiyo ninlipelela okathi yoowo.

226 Muhikuxeke paahi, "Miyo—miyo kinwehererya wira ti siiso. Kinnaamini, ni waamini miyo kinnikupali ela." Muhiire yeeyo. Mukumane ni Muluku, niitho nniitho, ni mukhale oosareya Erooho, vano nto nwehe etthu enkhumelela. Nto erooho eyo mwa nyuwo yakhala yoovirikana ni Masu ala, vano nyuwo muhiye erooho eyo. Murowe mwaakhele e. . .Nvekele wira Muluku oovaheni Erooho Awe, nto.

227 Erooho ela yavenya-ru nihiku nookiserya, Eyo enrowa okhala olopoliwa w'ale, ale akhanle oowootha. Munnona? Okhala wira, Yohani iirale, "Nihuupuweleke mwa hiyo wira hiyo. . .wira nyuwo 'mookhalana Abrahamu ntoko tiithi ahu.'" Hiyo nookhalana e. . .Hiyo na. . .

"Hiyo, axitith'ihu yaari aMetotista, aPatista, maPrespiteriyaano, wala aPentekosite." Mihuupuweleke

ohimya wira, nyuwo, “Muluku,” ni nyuwo mwa aana a Abrahamu, tthiri Muluku onniwerya ni maluku ala waavenxa aana a Abrahamu. Muhuupuweleke wira okhala wira mwa muPentekosite, wira munoorowa olewiwa. Nnakhala tu. Muluku onniwerya ni maluku ala otatuxa akhale aana a Abrahamu. Eyo ekeekhaii voolikana. Ayo, mulopwana.

228 Mulavule Masu a Muluku paahi, mwa ekeekhai ya nihiku nookiserya. Oprofeta awe ti . . .

229 Xontte, mukihye kitthikele va minuutu mmosa paahi, mukihye kiwooniheni moota nikhanlyahu osuwelaka. Miyo kookhalana Soolempwa sinci-ene silempwe va. Miyo kaahimya Seiyo paahi. Miyo kintthuna koosomeleni emosa. Okhuma, nrowe, toko, nrowe nikuxe. . . Nrowe nikuxe Otumererya, kapiitulu 18, nto ninoophwanya, minuutu mmosa paahi. Siiso paahi, nihinatthi omaliha va, wira kiweryeke woosomelani Yoolempwa ela nyuwo. Mwa Otumererya, kapiitulu 18, vaareera, nto nrowe noone vano. Versiikulu 20 ya kapiitulu 18, Otumererya, 20:

*Masi profeta, onrowa waakanyerya olavula nuulumo nimos a mwa nsina naka, kihimurumale- aka olaleya, wala onrowa olavula mwa nsina na amuluku akina (oowaatta), profeta owo onimookhwa.*

Eyo ekeekhaii. Ookhwa muroohoni. Vaareera. “Munepa ontheka, owo onimookhwa.” Hiyo nirina Muluku mmosa, kahi “aMuluku.”

*Vano nyuwo mwahimya mmurimani mwanu, Ninrowa osuwela sayi nuulumo Apwiya arinaaya. . . ahilavunle-aya?*

“Ninrowa osuwela sayi? Anookhala anci-ene a yaawo, ninrowa osuwela sayi? Ola onihimya *ele*, mukina onihimya *ela*. Ahe, mmosa onihimya *ela*, ni mukina ohimye *ele*, ni sikina.” Vano nwehe. Hiyo noosuwela.

*Profeta alavula mwa nsina n'APWIYA, vano khuhikhumelela, nnakhala khuhiiraneya, eyo t'itthu APWIYA ahilavunle-aya, masi profeta owo olavunle ni wiittotopa: muhimoove.*

230 Vakhala wira Muluku khohimye, vano muhoove. Eyo—khiva mulattu, mukeleleke ohoolo paahi muliyale. Munnona?

231 Vano nkawehani etthu eniiwaahu olelo. Waamini w'Arummwa, eyaaminelo ya Metotista, eyaaminelo y'aPatista, eyaaminelo ya aPentekosite, eyaaminelo, eyaaminelo. Eyaaminelo exeeni? Emphwanyiya yayi? Miyo kinnimutharamula mutthu ti mutthu wira akoonihe Waamini w'Arummwa mBibiliani. Miyo kinnaamini wira khekhanle etthu iyo.

Vakhala wira arummwa yaahikhalana eyaaminelo yaatonko aya ovarelela, ela eri va: “Murukunxe murima khula mmosa a nyuwo, mpatisiwe mwa Nsina na Yesu Kristu wira muleveleliwe itampi sanyu, nto munimwaakhela yoovaha ya Erooho Yoowaarya. Okhala wira natiri t’awinyu.”

Khamunoono vatthu varyaahu, apatthani? Niri mmukhaleloni wowoopiha. Exeeni iyo? Ethoonyeryo y’ekeekhai ehinicaliwa.

<sup>232</sup> Vano, nyuwo mw’alopwana n’athiyana, anci-ene a nyuwo, ni nyuwo mwa aana a Muluku. Muhiyelele. Muupuwele wira nihaana okhalana itthu iya. Sihaana wiiraneya nihiku nla, woora yoola onkhalaahu vano. Ola ti woora, okathi vakhani ohinatthi Orwa wa Mesiya, ohaana okhala olaleeriwa onkhuma wa Muluku.

Mukihye koosomeleni yeeyo. Nrowe nitthikele mwa Malakhiya. T’okiserya a Waataana wa Khalayi, ni nwiriyane etthu Owo onihimyaawe va mwa Malakhiya. Vano hiyo nri. . . Nwiriyane ela okathi vakhani paahi.

Vano, mwaweha vale, Malakhiya 3, ahimyaaka moota Yesu ohimyaawe orwa wa Yohani:

*Moone, Miyo kinoomuruma namitthaka aka, wira alokiherye ephiro ohoolo waka: nave Apwiya, yaawo munaaphavelanyu, animoorwa naanaanoru mpaani mwaya, nlaikha na waataana, munthunanyu: moone, nnimoorwa, anihimya t’APWIYA a anakhotto.*

<sup>233</sup> Owo aari Yohani, alaleeryaka orwa wa Yesu. Vano Owo khurwa mpaani m’okokhorela, voolikana yeeyo Owo aahimya’awe, Namitthaka a waataana, Nlaikha naari ni. . . mothakoni ni a—n’awiixutti, ahiiso ni Isarayeli. Munnaamini wira Owo aari Namitthaka yoowo? Ahe Owo iirale, “Miyo kikhumme wa Muluku, ni kinrowa wa Muluku.”

<sup>234</sup> Vano, Paulo aavaheriwe-ni eretta? Wira emuhaaxeke.

Vaamanle-awe Yesu okhwa, khuvithiwa, khuhihimuwa; nuvira okathi munci-ene, Paulo aahikumana ni Yoowo, niitho niitho, arowaka oTamasiku. (Owo khwira, “Miyo kikhumme wa Muluku, ni khurwa wa Muluku.”) Paulo khuweha osulu. Waahikhala Waarya wuulupale vale, Nripu nenle na Mooro. Moosuwela etthu enihimyaaka? Nripu na Mooro nenlo. Ni Paulo aalavula ni Yoowo, ni Owo aanimwaakhula Paulo. Athu khiyaamwiiwale Owo. Awo khiyaamwiiwale Owo. Masi Paulo aahimwiiwa. Owo khwira, “Saulo, Saulo, munikilupatthelani?”

Owo khwira, “Nyuwu mw’Ani, Pwiya?”

<sup>235</sup> Owo khwira, “Miyo ka Yesu. Vano nvenye murowe mpakha ephiro eniitthaniwa Yoowookowa. Weiwo munooleeliwa. Miyo kihaana profeta onrowa ophiya weiwe wira ooleleni etthu yo wira, moone. Ni moota wo. . .”

<sup>236</sup> Paulo aahikhuruwa, khupatisiwa, khwaavekela Apwiya, khwaakhela Erooho Yoowaarya.

Nto Paulo khwira, “Kaahikhalana eretta ya veerutthuni, kivahiwaaka, xetwani, namitthaka a xetwani, *onikimana*,” eyo eri ntoko, “omana ni omana.” Owo aamukhala saana, vano ni omphwaya, ommana-tho. Khwira, “Kaahaavekela Apwiya ikwaha tthaaru, wira ekumihe mwa miyo, masi Apwiya khwira, ‘Paulo, mahala Aka annoophiyeryani.’” Nto khwira, “Wira kiihiittotope vasulu. . . waatta wa muupululo.”

Owo aahikhalana, muupululo, onvikana Petru, Yakopo, Yohani, wala khula mmosa a yaawo. Owo aamoonale vaamanle-awe orowa khino sivinre iyaakha piili, wala soovikana, eemeenene Munripuni na Mooroo, alavulaka ni yoowo. Moota eryaaya yuulupale olelo, iyaakha ikonto piili, nave Owo nlelo mukumii! Amen.

<sup>237</sup> Khwira, “Kaahivahiwa, wira kiihiittotope, kiiraka, ‘Vano, munna, miyo kiri vasulu va nyuwo othene. Munnona? Miyo—miyo koomoona Owo vamanle-awe ohihimuwa mw’alipaookhwa, ni koolavula ni Yoowo. Miyo ka. . .’ Wira kiihiittotope vasulu vale, yaahikhala etthu kivahiwaaka, wira ekikhalihe-ke oowiiyeviha.” Ayo.

<sup>238</sup> Owo aari ole aahimeenrye wira epatisiwe-tho, emaara ekina, mwa Nsina na Yesu. Khwira, “Nakhala Nlaikha ninkhuma Wirimu. . .”

<sup>239</sup> Owo khwira, “Miyo nkironwe mmaxikolani mwaya, nipuro pi nipuro saaryaaya.” Khwira, “Miyo nkaaronwe oYerusalemu naanaanoru, ni nnakhala mwa miyaakha muloko ni mixexe.” Khwira, “Miyo kaaronwe wEjitu, wAsiya iwe.” Vano owo aahaakoha Apwiya, aari weiwe miyaakha soophiyaka miraru, asomaka Waataana Wa Khalayi, khoona yothene eyo olikana. Vahokolonwaawe, mwa miyaakha muloko ni mixexe ohoolo waya, khukumana ni Petru n’akina, ni aarina Ehapari yooreera emosaru yeeyo, aapatinse enamuna emosaru, ni iirale etthu emosaru. Amen. Owo aahisuwela wira yaari ekeekhaii. Ayo, mulopwana.

<sup>240</sup> Munwiriyaane Malakhiya vano, va, Malakhiya 3. Vano, vaakhanle wira mwaamuwerya, mukihye koolakiheryeni yeela nyuwo. Kinnaamini. . . nrowe nimukhunle voomaaleleya vano Matewu kapiitulu 11, noone sinto miyo. . . Khino kinoowerya miyo pooti ovonya, kinoona wira koophwanya, Khino kihaana oweha toko wira koone. Matewu 11. Nrowe noone. Nipacerye va:

*Vano vaahiraneya wira, Yesu omalihakaru waavaha miixuttiho sawe awiixutti awe muloko ni aili, owo aahivenya arowaka wiixuttiha ni olaleya mpooma mwaya.*

Nto. . . Vano okathi Yohani. . . aahiiwa wira owo aari. . . mukhatteya miteko sa Kristu, aari. . .

*mukhatteya aahiwa miteko sa Kristu, owo aahaaruma  
awixutti awe aili,*

*Omukoha wira, Ti nyuwo ole aarowa orwa, wala  
nimulipeleleke mukina?*

Maitho a xawawe a Yohani yaahikhala oottiyeliwa mukhatteya. Munnona?

*Yesu ahiwaakhula wira, Murowe . . . mwamuleele-tho  
Yohani itthu iya nyuwo . . . siniwanyu ni sinoonanyu:*

“Yohani profetaa. Nto owo o—owo onimwiiwa yeela, wira ti etthu eniiraneya, owo onosuwela Miyo k’ani.” Munnona? Owo khwira:

*Yahoono annoona, . . . alipa-oorakala anneetta,  
anamaretta annireerihiwa . . . yahiiwa anniiwa, ni  
alipa-ookhwa annihimuxiwa, . . .*

“Ni miromolelo sothene siri vamosa”? Eyo khenihimya siiso, ennihimya? Nnari. Khenihimya. Eyo ehimmye wira:

*. . . alipa-oorakala, vano anneetta, anamaretta  
annireerihiwa, . . . yahiiwa anniiwa, ni alipa-ookhwa  
annihimuxiwa ni alipa-oohaawa annilaleeriwa  
ehapari yooreera.*

Vo ti vari ekanyero. Nwehe:

*Nto varonwe-aya . . .*

*Ooreeriwa t’ule, ole ohi . . . ohinikihoverya.*

Vano nwehe: “Ooreeriwa t’ule ohinikihoverya Miyo,” mwa moolumo makina, wala, “oohinuuliwa muru mwaha wa Miyo. Ooreeriwa t’ule ohinrowa wuuliwa muru mwaha wa Miyo.” Munnona?

*. . . varonwe-aya, Yesu aahipacerya olavula ni  
atthu mwaha wa Yohani, Mwaaronwe woona exeeni  
woothakoni?*

Nkanweheni profet’ola vano:

*. . . Mwaaronwe woona exeeni woothakoni? Mutathi  
onttikinyiwa ni ettheke?*

Kahi Yohani. Oh, nnari. “Nyuwu nloko na inowa soowootoha,” owo aahiirela miromolelo iye, “t’ani oolenleni wira mutthyaweke oviruwa onrwa? Muhipacerye wira, ‘Hiyo nniira mpantte wa *ela* ni *ele*, okhala wira Muluku onniwerya otatuxa maluku ala ekhale aana.” Oh, munna, khuwaari mutathi onttikinyiwa ni ettheke, ni yoowo.

*. . . Mutathi onttikinyiwa ni ettheke?*

*Wala mwaaronwe woona exeeni? Mutthu owanre  
ikuwo sooreerexa? (Orina opatili ikuwo sawe imara piili  
wala tthaaru olaleyaka?) muupuwele, ale anwara ikuwo  
sooreerexa, ankhala itthoko sa mamwene.*

Ti arumeyi ankhuma ni waapehari anamwane, moosuwela, ni—ni anaatheliha amiravo, ni—ni anrowa oxikola ni olavula vooratta-vo, ni, nyuwo moosuwela, itthu sothene iya sookenyeya. Munnona? Munnona? Owo khommurukunxa xoowa a orere miili ohoolo wa ekhotto. “Mwaaronwe woona exeeni, mmiravo ntoko siiso?” Owo aari. . . Owo onimwaakoha.

*Masi nyuwo mwaaronwe woona. . .exeeni? Profeta?*  
(Nwiriyaneyane.) *ayo, ni Miyo kinooleelani wira, oonvikana profeta.*

Ayo, mulopwana. Owo aari exeeni? Khwira, “Owo aari oonvikana profeta?” Owo aari profeta, *vaalupale*. Owo aari namitthaka a okathi ule.

*. . .mwaaronwe woona. . .exeeni? Profeta? ayo, Miyo kinooleelani wira, oonvikana profeta.*

*Tthiri ola toole, . . .ole olempuwe wira, Moone, miyo kinoomuruma namitthaka aka ohoolo waka, . . .wira alokiherye ephiro ohoolo waka.*

Nkawehani va mwa Malakhiya 3. “Moone, Miyo kinoomuruma namitthaka Aka ohoolo Waka.”

<sup>241</sup> Nwehe. Vano, Malakhiya 4, mukihye kisome ela. Owo onnoorwa-tho.

*. . .vekeekhai, nnoophiya nihiku, ninrowa opatta ntoko mooro wa muttukutthani; nto othene ale oowiittotopa, ayo, . . .*

<sup>242</sup> Eyo olelo. Miyo kinneetta mphironi n’uwoona atthu ala. Nyuwo pooti olavula n’awo, vano awo anootheya, woonyemulani. Miyo kinnuupuwela, “Exeeni iyo?”

Nihiku nlo, kaamweetta, epannte ya mmuttheereni nno. Miyo kaalavula n’atthu amosa-amosa, nto awo khwira paahi, “Oh,” khurawa.

Etthu emosa khukiirela, “Awo malaxi a aatomu, naanaano anookhala ettuurwa yoomwaramwareya mutthayani. Mwaahiye. Nyuwo moohimya muupuwelo anyu. Mwiilikanyihe ni mukhume va.” Aleluya! Nkaakhanle oohimyaka yeeyo, woona waka. “Mwiilikanyihe. Mwiitthuke muyuununi mwanyu. Miyo kinoowiitthanani.” Mwaha wa yeeyo enliplelelaaka.

*Tthiri, vekeekhai, nnoophiya nihiku, ninrowa opatta ntoko mooro; ayo, othene ale oowiittotopa, . . .ni othene anira sootakhala, anrowa okhala ntoko ikokhola: . . .*

Vekeekhai ti yeeyo enrowa okhala. Exeeni enkhumelela okathi yuulupale. . .akina wa nyuwo alimi; okathi mooro muulupale omphiyaaya mmatta wa etriku, ahanle-ene makayawaya paahi? Owo onikhaliha yoowaataleleya, ni ittuurwa ottuli. Ti yeeyo enrowaawe wira, okathi owo, onrowaawe ophiyerya.

. . . *nihiku nlo nnoophiya ninrowa waapaha, anihimya t'APWIYA a anakhotto, khaninrowa ohiya nnakhala mutathaari wala erintta.*

Khenrowa ohala etthu ya yaawo.

*Vano nyuwo munoova nsina naka ninoophattuwa nsuwa na exariya ni ovoniha mmapuphani mwaya; . . . nyuwo munookhuma, ni munootthapa ntoko amwaanyompe munsisini. (Eyo eMileeniyu.)*

*Ni nyuwo munimwaanyakela ootakhala; okhala wira anrowa okhala ettuurwa vathi va inawu sanyu nihiku nle kinrowaaka wira yeela, anihimya t'APWIYA a anakhotto.*

Akhumaka, oMileeniyu. "Ittuurwa sa atakhali."

*Muupuwele . . . ikano sa Moise murumeyi aka, seiyo simurumme-aka . . . Horepe, wa atthu othene a Isarayeli, ntoko sooruma ni malamulo.*

Vano, nwiriyane oratteene vano.

*Moone, Miyo kinimoorumihelani profeta Eliya nihinatthi ophiya nihiku nle nuulupale ni noowoopiha na APWIYA:*

<sup>243</sup> Vano, owo khaakhanle okhalaka Yohani. Khakhanle, okhala wira olumwenku waamwiira opwetexiwe nto. Masi va Owo oohimya, mwa Matewu 3, wira Owo onimuruma namitthaka ooholo Wawe. Ni Yesu iirale, "Owo ti Eliya aatthuna orwa, wira alokhiherye ephiro ooholo Waka."

"Masi kapwitthi ola a aatomu ohinatthi oruma, Miyo kinimoorumihelani profeta Eliya."

*Vano owo onoorukunxa mirima s'axitiithi wa aana ni mirima s'ana w'axitiithi, wira kihirwe kipwetexa elapo ni matakhalaho.*

<sup>244</sup> Aahilaleerya, nihiku nla.

Masi vano nyuwo muniira, "Oh, Eliya ole, aari wira okhale Yohani." Namitthaka a waataana aari Yohani, vekeekhai. Eyo ekeekhaii voolikana. Yesu ohimnye siiso, ni yoolipiherya eyo va, "Owo ti yoole kimuhimnye aka." Masi, moone, khaakhanle okhalaka Eliya aarowa orwa. Munnona? Khivaaweryaneya okhala. Okhala wira, moone, aakhanle yoowo, vano elaleeryo yaahivonyeya; elapo khiyaapwetexiwe ottuli wu. Munnona? "Masi nihinatthi ophiya nihiku nle nuulupale ni noowoopiha n'Apwiya, Miyo kinimoorumihelani Eliya. Nto owo onooelokoxa," nkawehani orwa wawe woopacerya, "mirima s'axitiithi w'anamwane." Ti yeeyo owo iiraly'awe, toko, aaruuhale mutthaka wa okathi wa naanaano, orwa wa Kristu vano, aakuxaka axitiithi ortotookisa a khalayi okhuma



waamini iwo ortotookisa, waakeliha mowaaminini wa naanaano waamanle oyariwa.

Vano owo aarwaaka emaara yaneili, “Ni mirima sa aana otthikela w’axitiithi apentekosite, Mutthaka woopacerya.”

<sup>245</sup> Vano nrowe nisuwelihe va mwa Wiisuupulula 3, nto munimoona-tho vaavo vo. Tivo, ennilaleeriwa. Hiyo nri woomalelani wa okathi, munn’aka. Eyo ekeekhai.

<sup>246</sup> Ntoko maprofeta imiya xexe oonvirikanya Mikaya, awo aniira wira hiyo na...Hiyo nri nihiku nenlo nookiserya, hiyo noosuwela. Profeta oowootha, onooniherya ithoonyeryo soowootha, wiitakanxa miromolelo. Awo aniira, “Murwe mwiitakanihe. Nrowe nitakanxe. Nyuwo murwe mwiitakanihe ekereja ahu. Muruuhe omempuru anyu. Hiyo n’otthukuwa voosiis’ula wira nyuwo muthaamihe omempuru anyu ekereja *ele* muruuhe *ela*.” Oh, ethiru. Omempuru anyu onooreerelani exeeni? Mwaahikhalane yoorithi ya Wirimu, muliyale. Maprofeta oowootha animooniherya ithoonyeryo soowootha.

<sup>247</sup> Masi, nwehe, maprofeta eekeekhai, awo anookhala ni Masu a Muluku. Ithoonyeryo s’eekeekhai sinooruhela Masu a Muluku eekeekhai Ekereja y’eekeekhai, ni Ekereja y’eekeekhai enimwaakhela Masu ni otthapa mwaha wa Yaawo. Okathi nikoto naamukhaani, ninrowa ovahiwa mahiku ookiserya, nenlo ninrowa okhala ale oohala a Amalapo, anrowa okuxiwa.

<sup>248</sup> Okathi Yesu orwiiyaawe, khiyaakhanle—khiyaakhanle woohikhala vakhaanixa vale yaaminni. Nikhuru naamukhaani na Yohani naari nenlo naaminni. Yesu khuweettiherya okhuma vaavale mpakha ooholo, khwaakhalaha awiixutti khukelela ooholo. Okathi Eliya...

<sup>249</sup> Okathi opwetexa orwiiye-aya, varwiiye-aya okathi wa Nowe, owo aari ethoonyeryo, ni owo aahaakeliha atthu mukalawani. Eliya varwiiye-awe, owo aahaakumiha atthu mweetapanyeyelo yaaryaaya-mo. Yohani varwiiye-awe... Maprofeta othene yaari ethoonyeryo, ethoonyeryo, ithoonyeryo, ethoonyeryo.

Ni Owo oonilaiherya ethoonyeryo nihiku nookiserya. Mahiku ookiserya yaamukhala ethoonyeryo. Eyo ethoonyeryo ehinicaliwa. Atthu khanoona. Awo anoovira paahi vasulu vaya, n’uhiya orowa. Munna mulopwana, muthiyana, muhiitakanihe ekereja. Mukihiye kihimye ela, kimalihaka vano.

<sup>250</sup> Vakhala wira mwaarina musuwelelo mmosa wa eyuukhuwelo paahi, moonelo mmosa, muhilipane yeeyo. Muhilipane. Wa nyuwo atthu. Nyuwo mwa...Miyo kinlavula n’atthu. Miyo kihiiwa otthittiwa ikaravatooro ottuli iwe, okathi ene yoowo. Miyo kinlavula vano ni Ekereja. Munnona? Nwiriyan, nyuwo muhi...

<sup>251</sup> Miyo kinnihimya itthu sinci-ene iyo imaara sikina, siiso, wira atthu mmuttettheni ottaiwene...Ekhale ni Muluku. Mulipelele ethoonyeryo anyu y'ekeekhai. Munimoona eyo. Eyo enrowa okhala yothene mwa nyuwo, masi atthu imilyawu sene anoorowa ovira ela ni khanrowa wona.

Okathi Yesu orwiiye-awe, awo khiyaamusuwenle Owo.

Awo khiyaamusuwenle Eliya. Nyuwo moosuwela etthu yaahimye-aya okathi Eliya owenle-we? Awo khiyaaminni ethiru ile. Awo yiirale, "Eyo ethiru." Anamwane weiwe wene epooma yeele, owo aakhalaawe...aakhalaawe-wo, olaleya-wo, aapakale-awe ithoonyeryo ni mitikiniho elapo ene yeele, vaphiyale-aya elopolelo, "Hiyo khaninwerya omphwanya Eliya; Apwiya aroomukuxa muyuupuruni," awo yaarootheya etthu ntoko eyo.

<sup>252</sup> Va khurwa Eliya...Elisewu, ni ithoonyeryo imosaru mwa yoowo, ethoonyeryo ya Kristu ni Ekereja Awe. Va onoorwa Eliya, sa...Elisewu, ithoonyeryo imosaru Eliya aarinaawe, arwaaka, airaka yeeyo voolikana, hata anamwane yaahimutthara owo khwira, "Mutokweene nantari, muhiwelenle-ni ntoko Eliya?" Munnoona etthu yaakhumelenle ana aya oohittitimiha?

Olelo awo anootheya n'veehea. Muhivela-vele, munna, ehukhumu emphwanyaneya osulu naanaano va. Yoolempwa wiitho wa khula mutthu a wAmerika. Ti yeeyo. Ehukhumu emphwanyaneya osulu, oviruwa wothene wa Muluku Oowerya sothene.

<sup>253</sup> [Nipuro vahiiitthu mufiitani—Mol.] "Oowaanyokha ale ooreera murima; yooneyaka ntoko atthu oothunku, masi ekhootaka owerya waya nave: awo muheettaneke."

<sup>254</sup> Muhikuxeke moonelo. Muhikuxeke wuukhuwa. Muhikuxeke etthu p'itthu mpakha mukumane ni Muluku, niitho nniitho, nto muhiye Erooho ya Muluku ekele mwa nyuwo. Owo onoosariha murima anyu ni munepa ni owerya, n'uphenta, ni ovihiwa.

<sup>255</sup> Muluku, mukikhaliherye kiphwanye opuro aka, nipuro nlo mahiku anoorwa, vaavo kikhale mpakha koone vari mweettelo aka wootharelana.

<sup>256</sup> Hiyo noolipelela okathi munci-ene. Koolipelela okathi munci-ene. Kinnuupuwela kithikilaka malaxi vaniyateni vaka wiithela iwe. Okathi otenke-aka empa ela nno, Apwiya khukiithana. Amwaar'aka yaahinla okhala wira awo khayaatthuna waahiya amey'aya. Khwira, "Khino awo khayaarowa okhapeleliwa."

Nto miyo kuupuwela, "Ni miyo kookhalana amaama, oowuuluvala."

257 Miyo kaaphwanyaneya vale, nihiku nimosa, kithikilaka malaxi. Miyo khukilaathi. Voowiiweyaxa saana, Nsu nimosa khurwa, khwira, “Mwiivalaanihe, nto Miyo kinimooreerihani.”

Miyo khwira, “Pwiya Muluku, mukikhalihe oohakalala wenno. Nkoonani etthu erinaaka ovilela.”

258 Itthu iyo sothene soomala vano. Maama Broy ori Movuwani; Maama Branham, nave.

“Ori vayi mweettelo aka, Pwiya?”

259 Ehukhumu enoorowa ophiya elapo ela, nihiku nlo. Sookhala ilapo sikina siihiwale Ehapari yooreera. Aakhala mapuro.

260 Etthu p'itthu eniiraanyu, muhiliyale moolumo aka. Muhiire! Omuhiya nankura ola, Muluku akuxe ekaneta ya yuuma akhomakele mmurimani mwanu, wira muhiliyale. Muhiliyale eyo! SIISO ANIHIMYA T'APWIYA: Mutthikele wa Muluku, ni murima anyu wothene, mutthike. Muhilipe ni eyuukhuwelo, moonelo, wala etthu p'itthu. Mumphavele Muluku ni sothene siri mwa nyuwo, mpakha etthu ewiireni, wira mutthune wiilokiherya, mutthune okhala ooreera murima, wira mmooveke Muluku, nyuwo—nyuwo mutthuneke okhala oratta-ene, mwiire yeeyo. Muhiliyale eyo, okhala wira niri woomalelani wa okathi. Vano, muupuwele, hiyo nri woomalelani wa okathi.

261 Nto muupuwele ela, kimalihaka, wira nivekele, minuutu mmosa, muhiliyale, mukiwe, tapernakulu! Nto vakhala wira efiita ela nlelo enookaravari, okiwe, olumwenku, wala nipuro enrowaaya: Enookhumelela ethoonyeryo, ethoonyeryo y'ekeekhai; khino yookhumelela nave enoohicaliwa, ethoonyeryo y'ekeekhai Muluku onvahakaawe kweekwe, ehinicaliwa.

Nivekele.

262 Yesu a oNasareti, ntoko Nsu nle nuulupale naalavunle-aya nihiku nle, isumana vakhani sivinre, keemenle-ene waattamela, okathi waaviraaka vasulu va nttoro nle, vamwirini, nto Eroho ele yaakhurunwe eviraka murinttani khwira, “Yesu a Waataana Wa Naanaano ti Yehova a wa Khalayi.” O Muluku, mwa Mwala yoola miyo kinnilipa. Itthaya sothene sikina mithaaka sinkomowa. Itthaya sothene sikina mithaaka sinkomowa.

263 Mwa miyaakha soophiyaka miloko miraru, Pwiya, miyo kinnikhuwelelaka, mw'ekhato ela va, Mutthaka ole, miyo nkisunse hata epolekaata emosa Vaavo, vaavo vapacenrye-aka, Mutthu mmosaru yoowo, etthu emosaru; kiwiiitthanaka atthu wira atthike, kahi etannyeyelo, masi ni musuwelelo wo okumana ni Muluku ni oyariwa ni Eroho Awe. Oh, exeeni enrowa ohala woohikhala ehukhumu? Ale anikhoota Mutthaka owo, Pwiya, khiyaavo hat'etthu ehanle.

264 Nyuwo munnilipiheryaka Masu Anyu, wira mooniherye ithoonyeryo sa nihiku nookiserya, ni wooniherya voohivonyeya, wira Nyuwo mwa Muluku, ni wira hiyo niri va. Hata naawiiwaka

anamalaleya aalupale mulaponi olelo, othene ekhuwelelaka. Ni epooma yuulupale ya elapo ahu, ni ilapo sikina sithoonyaka, ni—ni woova omoraka. Nto hiyo naawiiwaka axilopwana ala aalupale, oFransa, ahimyaka wira musika woopacerya onrowa omorela oLouisville, Kentucky, mwa imiilya imiya sene onoonyaanya elapo. O Muluku, awo yaahikhalana okathi wo wiiwa, masi khuhitthuna.

<sup>265</sup> Ipaphelo sa ihapari, sooleela sa ikereja, etelevisawu, raatiyu, sinnilaleeryaka yeela. Khinaavo ntthyawelo. Vano, Pwiya, Nyuwo moohimya, “Othene ale Atithi akivahaly’aya animoorwa, ni khaavo onwerya orwa ehikhanle wira Atithi anoomuruuha toko.”

<sup>266</sup> Vano, Tithi, miyo kiniivekelela nivekelo nla mmansaka. Miyo kiri va, kikhalaka mulopwana mmosa mutokweene vano, ni nkisuwenle mahiku makavi nihalanne-ahu, Pwiya. Khino hiyo khanrina olelo. Masi etthu p’itthu ehanle, Pwiya, ni ehanle mwa ekumi aka, O Muluku, vanniweryaneya Nyuwo okuxa ni wira etthu ni yeeyo, wa ovuwa Wanyu?

<sup>267</sup> Miyo kiniivekelela yoomi toko, Pwiya, wira Nyuwo mukivahe otthuna Wanyu. Otthuna Wanyu wiireye, Pwiya, onakhaleru ovi. Kintthuna wira ehimmwe nihiku nle karwaaru okumana ni Nyuwo, “Muhiira saana.” Yakhala yuulupale, wala ekhaani, etthu p’itthu eri mmurimani Mwanyu muulupale wa ekumi aka, Pwiya, miyo kiri va.

<sup>268</sup> Nveelelihe Nlaikha ni nikhala na mooro ni mukukutthe iyano sahu ni munireerihe, Pwiya, maana etthu yuulupale yookiserya ehanle omana elapo. Munihiye nikhale nsu ninkhuwela mothakoni mwa etampi, “Mwiilokihe wira mukumane ni Muluku.”

<sup>269</sup> Ekerej’ela yaamukhaani, atthu ala anoorwa, nihiku ti nihiku, ni aneettiha ikaaro ikilomo imiya sene, O Ohinimala ni oophenteya, ni ohinkhalakhala oliyalaka muteko, Muluku a Abrahamu, Isakhi, ni Yakope, Ole omuhihimunxe Yesu mw’alipa-ookhwa, nto vano Owo onikilaathi moonoo woolopwana wa Omwene Wirimu-rimu, Muluku akhalaka mw’erutthuni, mwaareerihe atthu ala Miyo kinaareerihaaka mwa Nsina Nanyu. Wira awo okathi wothene yuupuweleke ni esuwele wira yookhala ethoonyeryo, ethoonyeryo ya woomalelani. Kinvekela wira Nyuwo mwaavahe, ni mwaakhalihe oowaakuxa akina: omutekoni waya, khula nipuro ankhalaya, munloothoni mwa iphiro, muntumihiwa kasoliina, wala khula nipuro nikhale okhalaka, wira emukhalele onamoonaa mwaarumase, mutthu a leethi. Enakhaleru etthu p’itthu, Pwiya, yakhala etthu enaalopola vamurimani vaya, awo akhale namoonaa. Wira awo akhaleke makhalelo ooreera murima ni ooreerihiwa mpakha anrowaaya okhala ipaphelo soolempwa sinsommwa n’atthu othene.

270 Muluku, mwaareerihe athiyana ahu. O Muluku, kinvekela wira mwaatthuniherye erapihe wiitho waya, ale ahirapinhe, akumihe...soowootta iyo sa Yesapeli mwa yaawo. Awo akhalane ominyala wa aKristu, ni Erooho ya Muluku mwa yaawo, voophiyerya, wira esuwele wira khivaatthuneya owara ikuwo iye soonanara sinwaraaya. Ahiye maihi aya yinnuwe, ntoko ahano. Maana yoolempwa mBibiliani, "Yooreerexa vamaithoni v'Apwiya ti erintta yaamukhaani enrowa otthyawa soonanara iya sothene sinkhumelela mahiku ookiserya. Enrowa okhala yoottittimiheya vamaithoni va Muluku," ntoko profeta sihimaly'awe khalayi ene. Muluku, munivahe yeeyo.

271 Khiyaavo-tho ekhanle-aka wiiraka. Miyo kinnikhuwelaka nsu naka, mwa mwaakha ti mwaakha, Pwiya. Ni voohikhala wira Nyuwo munimweetteetta vano, khiyaavo etthu ekhanly'aka wiiraka. Miyo kinvekela wira, Nyuwo mweetteette. Ni miyo koosuwela wira Nyuwo munimwiira, okhala wira Nyuwo moolaiherya Mmasuni Mwanyu. Ni ti vaavo miyo onkhalaakavo. Miyo kinwerya ohimya onamoona paahi, Pwiya. Ni khaavo onwerya orwa ehikhanle wira Nyuwo munoomuruuha; ni othene ale Atithi yaavahalyaya animoorwa. Miyo kookhalana nrromelo yoowo, wira Masu Anyu anoorkhapelela. Munireerihe, Pwiya.

272 Ni yaakhanle-ene va ale anlpa ni moonelo paahi, khino awo arookhuwela, awo, khino aakhalana Erooho Yoowaarya, wala...Hiyo khanaarowa waakoha eyo, Pwiya, okhala wira ninniwoonaka atthu ammuttikha mphira, onyakula. Ninniwoonaka atthu ni orukuneya wa molumwenkuni, enyakulaka. Hiyo ninniwoonaka awo otteeliwa murima mpakha awo wunla, vapuwani, yiinaka, ni itthu iyo sothene. Eyo khamuhiyo Nyuwo, Muluku.

273 Masi okumana ni Nyuwo ni olavula ni Nyuwo, ni Nyuwo waakhula, ti yeeyo hiyo entthunaahu, Pwiya. Oh, kinoovekelani Nyuwo, Muluku, wira minuutu ene yoola, Nyuwo nveleelihe Erooho Yoowaarya ele mpaani, nipuro nla naamukhaani, noowiiyeviha. Khanivo hata nipuro nimphwanela wira Owo arwe. Masi miyo kinnivekela, Muluku, wira, mwa enamuna Anyu yeenyu, wira Nyuwo munveleelihe Owo naanaano muhina vapuwani. Aaminihe minepa.

274 Ntoko sihimaly'aka okathi vakhani ovinre, Pwiya, khino Nyuwo moohela nluku nookwattula mphironi mwa mutthu, mwaha wo wiithana nno wa waltaari, mwaavekelaka ni waakhanyererya atthu wira arwe. Ni naatthikaka mwaakha ontharelana, ninaaphwanya vaara vaili mwaana a omooroni ovikana saari-aya wopaceryani. Vanweryaneya sayi awo orwa Nyuwo muhaakupalinhe ni owooniherya, Erooho Yoowaarya yuulupale?

275 Nto miyo kinoovekelani Nyuwo, Pwiya Muluku, vakhala wira mulopwan'ole natampi wala muthiyana, mmiravo wala

mwali, ori mpaani mu voosiis'ula, wira Erooho Yoowaarya erwe ni owerya iwe wo okupaliha mpakha maithori emore wiitho waya ni emorele mmunepani mwaya, Pwiya, wira muhina mmurimani mwaya awo amwaamini ni emukupali Kristu. Munivahe, Pwiya. Awo khanrowa omutthuna hata altaari. Munepa aya onrowa okhala altaari aya. Munivahe, Pwiya. Vano awo arwe ni murima wothene wa Nyuwo, ni yiire, "Miyo vano kintthuna opatisiwa mwa Nsina na Yesu Kristu wira kileveleliwe itampi seiyo kittharunwe-aka." Munivahe, Pwiya. Mwaasarihe ni Erooho Yoowaarya.

<sup>276</sup> Munivahe anamalaleya mulaponi olelo, kahi ale ankupaliha ni opurula, ni waakhaliha aana a muromolelo. Muluku, mwiivenxerye Yeenyu aana amosa-amosa. Nwiirihe atthu, Pwiya, wira avekele. Miyo kinuupuwela owannyawe Kornelio. Yiira ehinatoko Omwiira mmalapo khalayi, masi awo yaamutthuka ni olompa. Nto okathi mulopwana ole a Muluku, profeta ole, aari-awe vale, "Vano owo alavulaka moolumo ala, Erooho Yoowaarya yaahaakhuruwela ale yaaiwa Masu." Muluku, munivahe muthinto owo wa muthukumano. "Petru alavulaka moolumo ala." O Muluku, awo yaahilikana. Awo yaamulipelela. Awo yaari anaxariya. Awo khayaakhanle paahi "alipelelaka," awo "yaamulipelela mpakha."

<sup>277</sup> Arummwa ale yaahilipelela mpakha Muluku orwa eriyari aya, ni awo yaahiwerya omoona ni olavula ni Yoowo. Awo yaahikhuma ni mirima saapanhe olumwenku mpakha waarikeya. Awo yaarisa oolipa, ni yaahikhalasa eriyari ya mapuro khino yooniherya wira miru saya saamuthikiliwa. Awo khwira, "Vannireerela hiyo owiwelelani nyuwo, wala mitthenkeso sanyu, wala nyuwo atthu a muromolelo? Ahiiso, nihaana omwiwelela Muluku? Mutthokelele yeenyu." Nto naanaanoru, emalaka-ru ohiwa, yaahirowasa-tho olaleya Nsina na Yesu Kristu. O Muluku, munivahe—munivahe yeeyo, Pwiya.

<sup>278</sup> Munvenxe ola Nyuwo munnihimeeryanyu mwa Soolempwa, hiyo. Mmuttikitthele, Pwiya. Miyo kininkelela yoowo. Munveleelihe, Pwiya. O Muluku, mirima sahu sovoliwa etala sinimunla. Munveleelihe, Pwiya, wira aatthikelihe-tho atthu Waamini w'axitiithi, onrowa waakumiha wa amwaatteepepa ala a miromolelo, okela mmusuweleloni w'eekekhai ni Muluku, ntoko awo siirale-aya oPentekositeni, ekereja y'eekekhai-tho, evarrelaka, ni Mutthaka mmosaru, Waamini omosaru, Mwixuttiho mmosaru, Bibilia mmosaru, Muluku mmosaru ni ethoonyeryo mmosaru. Munivenxerye profeta, Pwiya.

<sup>279</sup> Mwaavonihe aretta eriyari ahu olelo, Pwiya. Aakhala ale va ari oothoiwa. Miyo kinnaavekelela, Tithi. Miyo nkireere olekela voosiisu ula, ni aakhala ale akilaanthe va.

Ohiyu umosa, murummwa Paulo aalaleyaaawe ohiyu wothene, mmiravo mmosa aahimora vampani khwiisiiva. Owo khurupa. Owo khaatthunne, masi owo—owo aahirupa. Vano owo aaroomora, nto ekumi awe khumala. Vano murummwa aahivekela, nto ekumi khumutthikela-tho yoowo.

<sup>280</sup> O Pwiya Muluku, aakhala anci-ene va amorenle mw'ereṭṭani. Ni niwehereryaka vanci-ene ovikana okathi woolaiha ekereja, aakhala ale anwereiwa. O Muluku, muhiye owerya iwo, ele—Eroho Yoowaarya ele enrwa mmansaya Munripuni na Mooro, Yeeyo eniihimya Mmansaya ni eniisuweliha ntoko Ole okhanle-awe ni hiyo ninnaamini Yeeyo, muhiye Eyo emukhupaarele khula mutthu mwa olelo. Yaavonihe areṭṭa. Esarihe ni Eroho. Evahe ovuluxiwa mwa khula enamuna, Pwiya, hiyo onttunaahu. Mponowele mirima sahu ni waamini, Muluku, ni waamini ohinikhwa, ni waamini ohiniisakaleliha wira hiyo nirina SIISO ANIHIMYA T'APWIYA. Munivahe, Pwiya.

<sup>281</sup> Awo atthu Anyu, Mutthaka Anyu, Masu Anyu, arumeyi Anyu. Nto xetwani khorina owerya mwa hiyo. Owo khonwerya hata onipwetexa empa ela yakurumuwa vale. “Okhala wira emp'ela ya vathi yakurumuwa vale, nookhalana emosa ennilipelela.” Owo khonwerya oniiriha yootakhala, maana itthu sothene sikhlanle nwanani ahu ti nwanani Anyu, maana hiyo na Awinyu. Hiyo noothummwa ni ehisapo, ya Ephome yooreeraxa ya Yesu.

Tivo, nyuwo axetwani mwaatthukale atthu ala ni eretta, miyo kinnoorumani, mwa Nsina na Yesu Kristu, wira mukhumase mwa khula mmosa a yaawo. Ntoko murumeyi a Muluku, kihimyaka Masu ala okhala Ekeekhai, nyuwo mwaahiye. Nyuwo khamurina hata ihakhi. Itthu sothene mutonko anyu ohimya okhalana, sookhwelihiwa oKalvario. Vano nyuwo khamunwerya-tho waavarelela.

<sup>282</sup> Vano, Muluku, munvahe khula mulopwana ni muthiyana, mmiravo wala mwaaruusi mu, waamini wira aamini yeeyo. Masu aalavuliwa. “Mwaireraru mwaako ola, ‘Othaame-vo,’ muhihoveryaka mmurimani mwanyu.” “Mavekelo a waamini anoowoopola areṭṭa.” “Nyuwo munookhalana envekelaanyu.” Hiyo noosuwela eyo. Hiyo nookhalana nrromelo yoowo mwa Muluku. Nakhalanaru waamini mwa enamuna khata, Muluku onkhala mwa hiyo, hiyo ninnaamini yeeyo. Ni miyo koosuwela wira ti siiso, Pwiya. Tivo, munivahe, olelo, wa eretta ni woopowa. Wala, kinaamwi kihimye-ene, wala kaahaana ohimya, woopowa toko vano nto eretta. Munivahe, Pwiya, okhala wira munepa t'okhanle wa ehisapo yuulupalex a ovikana erutthu.

<sup>283</sup> Masi ale, imaara sikina, munepa aya onnoopowa, nto erutthu ila ya khalayi nlelo ti ya Satana, ni owo onnisuwela

wira owo onookuxa woomalelani wa okathi. Owo ononyanya ni onoothikela oveleliha mpakha mw'axiitthu a vathayani opureleya akelaka muhina mwaya ni okhuura. Masi owo khonkhalakhala akwanyaka munep'owo, maana owo muhakhu wooreerexa wa Muluku. Ni mwa ekumi yeeyo, ntoko ntaakhuru, owo ommutthikela Muluku Yoowo ovahale; onookhumelela ehuhu ekina, ni erutthu esya Satana ohinweryaawe okwanyanya. Hata wuuluvala wala etthu p'itthu ekina ehinkhalakhala eweryaka okwanyanya. Enrowa okhala erutthu yoovuwihwiwa. Hiyo ninwehererya yeeyo, Pwiya. Mwaareerihe atthu Anyu vano. Awo t'Awinyu. Ni miyo kinaavahererya mmatatani mw'Anyu. Kinvekela yeela mwa Nsina na Yesu.

[Munna Neville onoolopola—Mol.] Ovuwa! Attottopeliwe. . .  
[Munna mukina onoolopola.]

<sup>284</sup> Awo kahi masu aka. Awo Masu Awe. Oh, etthu entthunaahu, okathi ula—okathi ula onkhalaahu! Khamunsuwela, apatthani, wira Muluku khonrwa wa atthu aalupale oosuwanyeya? Owo onkhala eriyari y'ale oowiiyeviha, itthu, sikhaani soowiiyeviha. Khino khamunsuwela etthu eniiraneya naanaano va, etthu eneetteetta mpaani mu, exeeni eneetteetta eriyari y'atthu ala naanaano va.

<sup>285</sup> Mwaha wa xeeni Erooho yaahimnye-aya, toko, “Kihinatthi wira etthu p'itthu,” ni Munna Higginbotham, “nwehe Mutthak'ola, maana miyo kooruuhwa Yoowo,” *etthu emosa wala ekina* siiso, “wira koolopoleni mwaha wa etthu ila enoorwa”? Nkawehani etthu ekhumelenle.

<sup>286</sup> Itthu kamosa-kamosa, Soolempwa kilempe-aka va, hata nkikwanyale, kiroosusa voomalela Seiyo. Miyo keettiheriwe vale ni Erooho Yoowaarya. Munnona? Soolempwa kamosa-kamosa, miyo hata nkikwanyale. Miyo kiroosusa paahi kikela mw'etthu ekina, voomalela. Imaara kamosa-kamosa, kaaniwa etthu jaarwa, kaamurukunxa khuphwanya vatthu vaaryaaya. Erooho elavulaka mwa khula epantte vano.

<sup>287</sup> Oh, atthu, mukhale a nneema, mukhale naxariya. Muheererye olipa va. . .Moone, nyuwo—nyuwo munlipelela etthu yuulupale ni yoowaarya.

Okathi, maprofeta othene, hata Davidi aahimnye-awe wira “Orwa w'Apwiya, wira, khula mwaako waamurowa oruuheliwa vathi, ni i—ni mapuro oowaataleleya yaamurowa ovenxiwa.” Khwira, “Miyaako saamutupha ntoko ipwittipwitthi sikhaani, ni mataakhuru othene yaampoopa ikuphi.” Ahe, atthu yuupuwela wira eyo jaarowa okhala exeeni, okathi e. . .Yesu orwiiyaawe?

Eyo yaaphiyenrye okhala exeeni? Mulaleyi mmosa mutokweene oowiiyeviha, ahaasomme. Miyaakha mithanu na mixexe, aaronwe mothakoni, kahi wira axuttihiwe ni mutthu, masi wira a—axuttihiwe ni Muluku. Khukhuma, khukhala ni esapala y'epwittipwitthi aivitikelenleene, ni manri



owiitho wawe wothene, manri othene owo, ni maihi emorelaka muxikoni mwawe. Akhalaka mothakoni, akhuuraka ipalaka, iyo isoope, isoope ni oravo, okathi waakhalaawe mothakoni. Nto khurwa, khweemela vamaroveni mukerekhere mwa muro, khulaleerya orwa wa Mesiya. Nto Mesiya khukhuruwela, Mutthu oowiiyeviha eriyari y'atthu, khupatisiwa. Ni maprofeta othene ahimnye wira eyo ti emosa wa ithu suulupalexa sitonko okhumelela, ni yaari yeeyo. Munnona?

<sup>288</sup> Enlipeleliwa etthu yuulupale, etthu enaarya, wira yiiraneye. Munnona? Erooho Yoowaarya khenaarya. Eyo enoovihaha. Waarya ti wa molumwenkuni. Ovihaha ti wa Muluku.

Nviihihe mwa miyo, Pwiya, ti mavekelo aka. Mukiyevihe. Mukikuxe, mukuupe ni mukipake. Erooho ya Muluku mukumi, mweetteette ni ikuru isya mwa miyo. Mukuupe, mukipake. Mukikhalihe Awinyu, Pwiya. Mukikuxe paahi.

<sup>289</sup> Miyo koosuwela tu wira Erooho ya Kristu enimweetteetta mpaani mu voosiisu ula. Muluku onrowa olamula olumwenku ori vaava naanaano va, voolikana ntoko seemenlyaaka vapulpitu va. Onnikhalaka olipiheriwa omosa, miili, miraru sa yeeyo, ya Masu, vekeekhai yeeyo Bibilia ohimnyaawe. Nyuwo muhiwa owaleya okathi yoowo, nuumala yeeyo? Emosa, piili, ttharu, sothene mwa enamuna ya erooho, ithu sothene mwa enamuna ya Soolempwa. Oh, mutthukule murima anyu ni maiwelo. Oh, okathi xeeni, exeeni yaakhanle wiiraneyaka okathi ula!

<sup>290</sup> Awo yaarisa empa y'osulu, othene ni mwiiwanano mmosa, elipelelaka. "Maana ale anaawehererya Apwiya animwaacererya ikuru saya. Anoowela ni mapupha ntoko murumasi."

<sup>291</sup> Muhiwele iwe paahi ni wira, "Pwiya, kinniiniwa murima mwaha wa itampi saka. Vano miyo kinkupali ni waamini wira kihaakhela Erooho Yoowaarya," ni okhuma.

"Ale anaawehererya Apwiya," isumana, mahiku, etthu p'itthu, "animwaacererya ikuru saya. Awo anoowela ni mapupha a murumasi. Awo anootthyawa ehikhulumuweke. Yeetaka, awo khankhulumuwa. Mukiiixuttihe, Pwiya, mukiixuttihe, Pwiya, olipelela." Waalipelela Apwiya.

<sup>292</sup> Othana n'uhiyu, voohiyererya, Aana aari mpaani moolompa, voohiyererya avekelaka, othana n'uhiyu. Varuhiwaawe Yesu, owo aarwiiye, ahoonaka, mpaani, khweetteetta vale. Muthiyana ahoona khumpweherya matata awe Yoowo khumuttotopela Muluku. Okhala wira, mwa ohoona wawe w'erutthu, muroohoni mwawe, owo eettihiwe ni Erooho, mpakha nipuro Owo eemenly'awe.

<sup>293</sup> Iwe, Simeyoni, anwehereryaka Yoowo, ottuli musaala mwa mavekelo ottuli iwe, aahisuwela wira aahikhalana natiri, ni Erooho Yoowaarya, wira owo khaarowa okhwa; mulopwana mmosa mutokweene, a miyaakha miloko mithanu na miraru,

oohalela ophiya miyaakha miloko mithanu na mixexe. Ni owo aari . . . aahaaleela atthu etthu voothikhuwa, “Nkinrowa okhwa mpakha kimoone Mesiya.” Nto minuutu ene yoowo, Ttuutthu mmosa mwaamukhaani . . .

Owo aari exeeni? Kahi mutthu oosuwanyeya, makwarta othene yeemenle ewiriyana okathi oruhiwaawe Mesiya, aputaputeliwe oomaala ni oosivela, ni ooreera oowunkhela, oowunkhelihiwa ntoko attuutthu anrwa wira evahereriwe. Masi mai mwaamukhaani aalavuliwe vooanara, wiiriwa, “Aahikhalana Mwaana, ohitheliwe vootthariha ikano.” Opatuputeliwe mmattapwattani, ekolope, ekuwo ya ekolope ya emompe aputtaputeliwe Yoowo, avolowaka mpaani, nto atthu othene emuhuluwaka Yoowo.

Masi va khurwa nikhuru nle naamukhaani, nikhuru nle naamukhaani. Aana, ntoko mmosa. Simeyoni, mukina, arwaaka attharaka othataana, ahisuwelaka okathi aarowaawe khurihelela maitho awe mwa Yoowo. Vano khuvexa matata awe khwira, “Pwiya, mmuhiyeke murumeyi Anyu arowe ni murettele vano, voolikana ni Masu Anyu, okhala wira maitho aka anweha woopola Wanyu.” Hum. Munnona? Kahi etthu yuulupale, enaarya. Yoovihaha; enaamwi yaalavuliwe vooanara, yaari ethoonyeryo.

<sup>294</sup> Nto, olelo, ethoonyero enlavuliwa vooanara. Eyo kherina mukhaliheryo. Eyo—Eyo . . . Enlavuliwa vooanara, ni wiitthaniwa itthu sothene. Masi eyo ethoonyeryo ehinicaliwa, ethoonyeryo enlavuliwa vooanara. Bibilia onnilavula sa yeeyo, “Ethoonyeryo, enlavuliwa vooanara.”

<sup>295</sup> Nrowe nuupuwele ela neettaka mukwaha orowa owannyihu. Muhikhalakhale muhiyaka Mutthak’ola okhwela mmurimani mwanyu. Etthu p’itthu eniiraanyu, muhiire. Mutthokelele Yoola, othana n’uhiyu. Ni nvekele, othana n’uhiyu, wira Muluku anvenxe namoona Awe vano. Hiyo noolikana, tthiri kinnaamini, vahilekenle, khonrowa-tho okhala okathi. Hiyo nnoorwa . . .

<sup>296</sup> “Sayi, onrowa okhala liini, Munna Branham?” Nkisuwenle. Khino olelo. Siiso ory’ene meelo. Waahikhale olelo, kinrowa olipelelaka eyo meelo. Ni pooti okhala mwaakha yoola, mwaaahiyu, miyaakha muloko. Khino miyaakha miloko miraru, nkisuwenle onrowa okhala liini. Masi miyo kinihimya wira, okhuma vano mpakha ohoolo, mukhale oolikana khula minuutu.

<sup>297</sup> Ni muhikhale ootteeliwa murima ni etthu voolimalela. Muhiire yeeyo. Muhimumule, othana n’uhiyu, mpakha mulavule ni Muluku. Mwiihuluxe onamathipelela. Muhikhale ootannyeya ni moonelo. Muhiire. Ti yeeyo eniruha itthu soowaatta soolipiheryaxa siniwiiriha atthu woova, moone, mwaha wa onamathipelela woolipiherya. Muhikupali iyo; nnakhala. Mukhale vaavale mpakha mulavule ni Muluku. Mwa sothene, owo munepa anyu, ni ti nyuwo munrowa oviriha Ehimalelo

iwe. Ni mukupali wira khamunvahana ntata paahi ni ohimya eyaaminelo, wala—wala okupali etthu ni waamini. Muhiireke yeeyo. Mulavule ni Muluku. Mmuhiye Muluku alavule ni nyuwo, nto nwehe etthu enookhumelelani. Nwehe sootthuna sanyu ni etthu eniiraneya, vano munoosuwela vakhala wira moolavula ni Muluku wala nnari.

<sup>298</sup> Wa nyuwo mmwaaminni Yoowo voosis'ula. Wa nyuwo, ni miyo—miyo koohimya mwaha wa wiitthana waltaari. Moosuwela moota awo yiirasaaya mBibiliani? "Othene ale yaawaamini Apwiya, othene ale yaawaamini Apwiya yaampatisiwa mwa Nsina na Yesu Kristu wira aleveliwe itampi saya." Vakhala wira khimunatoko...Hiyo khinnakhalaneke wiitthana waltaari. Awo khanatoko waavekela atthu wira erwe. Mwaairaka siiso, munookuxa sothene. Va ori mmiravo mmosa orwiiye waltaari, ononeya ntoko oowiisoona, khukukhora, okhala wira ookhala omweemererinde. Ti voorika vanli o—o—omphwanya emaara ekina. Munnona? Nto xeeni eniiriwa? Sinooruuhiwa sothene mwa yeela. Ni Yesu iirale, "Othene ale Atithi akivanhe-aya animoorwa wa Miyo." Mukhale ni Masu awo. Muluku onimwiira ele enihala. Ti yeeyo. Ti yeeyo. Muluku onimwiira ele enihala.

<sup>299</sup> Muluku ooreeriheni. Kinwehererya owoonani-tho olelo ohiyu, kinninwehererya, khula mmosa a nyuwo onwerya. Miyo koosuwela wira anci-ene a nyuwo muhaana okhala, vate. Miyo kinookhala vaava, olelo ohiyu, wira kimwiiwe munn'aka, wakhala—ru otthuna wa Muluku. Miyo nkinthuna okuxa mitthaka sawe soomiili.

<sup>300</sup> Ni—ni Munna Neville mutthu oosivela a Muluku. Ni koosuwela, koosuwela taani...Kaamwiiwaka olaleya, koosuwela wira enkhuma vamurimani vawe. Koosuwela eyo. Ni Munna Neville, ntoko sihimalyaawe ohiyu uwo, yoohimya ele, khwira wira miyo kaahihimya nuulumo, "Nihiku nlo miyo kinoompatisa mwa Nsina na Yesu." Miyo kimpatisa. Mwaha wa xeeni? Kaahoono exariya ni nneema mwa yoowo. Miyo kaahisuwela wira owo...aawenrye ovahiwaka yoowo, ni kaahoono wira owo...ni owo—owo aawenrye woono Eyo vekeekhai, maitho awe yaamutthukuwa, owo aamwaakhela Ela. Miyo kaanilipelela, ni kaanihimeeryaka ekereja, "Muhivela-vele, mulaleyi ule Mmetotista tthiri onimoorwa." Nto owo ori va olelo, pastore a mutapernakulu, oolipa voolikana mmuttekoni ntoko sinweryaawe okhala, Mmutthakani. Owo onnimwaamini Muluku. Ni koosuwela, kaaiwaka etthu enikhuma wa Munna Neville, koosuwela wira ti yooloka, enkhuma wa Muluku, okhala wira owo ti muthinto yoowo wa mutthu.

<sup>301</sup> Kihiixaatherya matata vamaleesoni vanyu va avekeleliwe. Kiroromelaka wira, khula mmosa a nyuwo muhaakhela eparakha ya Muluku. Kinroromela wira Muluku ori vamurimani vanyu.

<sup>302</sup> Hiyo khani—hiyo khaninrwa va wira—wira naakhele eparakha wa Muluku, vanci-enexa, ntoko sinrwaahu va. Khula nihiku nimmumulaahu ephumu, ninaakhela eparakha wa Muluku. Enrweelaahu va wira, ottharuxiwa, wira othikiliwe, wira siinnuwihawe mirima sahu, ni wira niphaye ohoolo wa Muluku, ni omwaamini Muluku ni murima ahu wothene.

<sup>303</sup> Muupuwele Masu a Apwiya. Ni muhiliyale, ni muhivonye, oweha ethoonyeryo y'ekeekhai eveleelihiwe ni Muluku.

Vano nto kinrowa onvahererya muteko Munna Neville, kimuhiye ahimye etthu p'itthu onthunaawe ohimya.

[Munna Neville oniira, “Vekeekhai, wulu, kinimooleelani, koosuwela wira Muluku oolipiherya etthu naawehereryahu woopaceryani wa muteko. Kaawehaka nummaru na ithoni, voosiis'ula, kinnisuwela wira vaareerela nyuwo okhala vaava, ni vaareerela miyo okhala vaava, ni kaahaana okhala vaava, ni mwaahaana okhala va. Muteko anyu woomaliheriwa voolikana-ene nyuwo vakhala wira munnitthokelela okhala siiso. Erinaanyu voosiis'ula, munoowerya okhalana okhala wira muhaakhela wa Muluku.]

[“Nto naanaanoru ninookhalana muteko w'opatiiso, onthara yeela. Ni Munna Willard Collins onrowa weettiheryaka muteko w'opatiiso, ni nihaana anamwiivaha aili wala oovikana. Ni naanitthuna owoona anamwiivahererya opatiiso emiya mwa Nsina na Yesu Kristu, voosiis'ula.”]

Amen!

[“Olakela wooniherya waamini wanyu mwa enamuna yowoonihereya. Waamini kuhiyo muteko. Waamini, onlavuliwa, kuhiyo wooreera. Masi waamini, onooniheriwa, ti yooruma ya Bibilia.”]

Amen! Eyo ekeekhai.

[“Mwaha wo wiiwelela, waamini onniwerya wooniheriwa. Muluku anvahе khula mutthu, voosiis'ula, ori va, onoona okhala oolikana wira aire siiso, murweeke. Ela yakhala, ela yakhala yoohiya vakhani ele nyuwo mutthokihale-anyu, wala khino mwaahikhalana mulaihano wo opaka naanaanoru, wala etthu, mwawerya vale wunteiha, ni mutthara mwiirelo ola wo wiiwelela, kinnaamini ntoko munn'inyu oowiiyeviha mwa Kristu, ni ntoko namuteko vamosa ni profeta a Muluku, kookupali wira yaamukhala—yaamukhala ethanlelo anyu yooreeraxa, wira ethanlelo yeeyo vano.”]

Muluku anivahе!

[“Ni avaherye wira nyuwo murwe, mukuxe opuro anyu eriyari y'akina anrowa opatisiwa, wira mukhale muhina mwa nummeru nenla, mukhalaka mpantte wa nikoto naamukhaani. Oh, ti yooreera, kahi siiso? okhala mmosa Awawe, ni okhala

voolikana ni Masu Awe. Nivenye hiyo othene, niilikanyihaka wira nilaxeryane.]

[“Ettiminku enrwa, Munna Branham onootthikela okhalatho ni hiyo. Nrowe nuupuwele muhupi owo. Owo ohimye wira onookhala vaava olelo ohiyu, masi owo khaahimye wira onoolaleerya. Khula enamuna, yootthuna aka ti, kweekwe, wira owo alaleye. Ni khivantthuneya woova mwaha wa ethu enuupuwelaaka wa yeeyo. Otthuna waka ti w'ekeekhaixa, kisuwelaka wira Mutthaka ni wi—wiitthana, muteko owo orinaawe, ti otthuna wuulupale wa nihiku nla nookiserya. Miyo kinnivaha opuro, khula okathi.]

[“Miyo kinoohimya ela ohoolo w'atthu ni yoowo: Miyo, kinnivaha opuro vootthapa, khula okathi, mwa khula muteko, wa Mutthaka ola muulupalexa kinaamini aka, okhala wira Muluku oolavula mwa hiyo aili, voosiis'ula, ohimya ethoonyeryo ya yeela. Ni koosiveliwa okhalana mureerelo wo owerya okhala ole onwerya onvaha owo opuro.]

[“Nto miyo kaatthuna, olelo ohiyu, yeeyo kaarowaaka otthapela, munn'ihu, ni murumeyi a Muluku ni profeta, aatthunne wira siiso, vootthapela kaamunvaha opuro. Masi vaniirelaawe, ntoko sinoonaawe. Masi, owo oolavula, nto hiyo ninoohiya emaliheryo ya ethu yothene mmatatani mwa Muluku Oowerya sothene.”—Mol.]

<sup>304</sup> Khimwaakhanle ovekelaka ethu yoosivelaxa, mwaamuwerya, wa munna eekeekhai? Ethu miyo... Moone, apatthani, miyo—miyo koosuwela wira nyuwo munnikipenta. Munnimphenta Munna Neville. Munnaaphenta atthu othene a Muluku. Hiyo ninniphentana mmosa ni mukhw'awe. Vakhala wira waahikhala okathi waatthuneya hiyo ophentana mmosa ni mukhw'awe, olelo. Naahaana okhala oowiiraanaxa, munna, wira... Naamukhala oovikana axinna eekeekhai a ephome alopwana ni athiyana. Iwo ti ophenta waatthuneya okhala mmurimani mwahu mmosa ni mukhw'awe, nlemeliho ni nttittimiho, ole muulupalexa. Ni miyo okisivela eyo. Okisivela ethu iyo y'ekeekhai.

<sup>305</sup> Nto va, Munna Neville, ni Munna Higginbotham, Munna... Kookupali wira aari Munna Funk, khaakhala wira aari yoowo, ovahale mutthaka owo ottuli iwe. Eyo erwiiye... iyo sikhumme wa Muluku, mitthaka iye, mpatthani, vekeekhai ti sikhumme-aya. Khula mutthu orina othokorerya wa erooho onnisuwela eyo.

<sup>306</sup> Masi ela t'ile ekhanle. Kirwaaka, miyo—miyo okisivela Munna Neville vanci-ene mpakha vanuupuwelaaka ela, moone. Miyo—miyo khenkisivela ohimya ethu voohikhala wira vekeekhai kookhalana ethu enikhuma wa Muluku wira kooleleni. Munnona? Ni miyo kaarina ela—ela erwiiye vamurimani vaka, voophiyaka mahiku maili wala mararu avinre, ni nkaaphiyenrye oweha vanci-ene mpakha nsana ohiyu,


ni kiphwanya Soolempwa kamosa-kamosa. Mwaha wa yeeyo miyo kinrweelaaka wunnya. Yookhuma mmatatani mwaka vano. Munnoona? Khula etthu muniirihaanyu, eyo ti, eyo yaamukhala, ni nyuwo, moone. Masi yookhuma mmatatani mwaka.

<sup>307</sup> Masi, Munna Neville ni miyo, hiyo niri siiso. Vaakhanle wira kaarwa va, wira paahi—wira kilavule paahi okathi mmosa, n'itthu siiso, ni Munna Neville khukhalana mutthaka onkhuma wa Muluku, miyo kaamukilaathi. Ayo, vekeekhai. Miyo kaanvaha opuro mutthaka wa Muluku, okathi wothenene. Munnona? Ti siiso hiyo nniiraahu mmosa ni mukhw'awe. Ni mwaha wa yeeyo kinihimyaaka wira kino. . . Vakhala—vakhala wira Muluku khonikivaha hat'etthu, nto, khino, wira kilavule paahi, ni vakhala wira Muluku oninvaha Munna Neville etthu p'itthu, ni miyo kiri va vapulpitu, Ttiminku voosiisu, Ttiminku ohiyu, okathi p'ukathi, Munna Neville, owo aamukhala munna siiso, owo aamukirweela, aire, “Munna Branham, miyo kinnaamini wira nyuwo mwa murumeyi a Muluku, masi Apwiya aakivaha mutthaka naanaano.” Mwaamwiira yeeyo, khamwiira? [Munna Neville oniira, “Amen.”—Mol.] Ayo, mulopwana.

<sup>308</sup> Miyo kaammwiirela siiso, vaakhanle wira owo aarowa olavula. Miyo kaamwiira, “Munna Neville, khomaala? Muluku ookivaha mutthaka. Kihaana waahimeerya atthu, naanaano va.” Nto owo, Munna Neville, aamukhuma mphironi; khula mmosa a hiyo, mmosa ni mukhw'awe. Munnona? Ti siiso hiyo nniiraahu. Vano nto hiyo, miyo kaahikhalaneru etthu khata, nto miyo. . .

<sup>309</sup> Miyo okisivela omwiiwa owo olaleya tu. Miyo koomwiiwa. Akavi amwiiwale, Ettiminku evinre ohiyu? Mutthaka mmosa wooreeraxa, kinimooleelani. Owo waahilikana oratta-ene, n'ile ehimmwe voosiisu.

Ni, mwatthu, miyo kinimooleelani, nyuwo mookhalana Masu oophiyerya a Muluku vekeekhai mwaarinaanyu ottharaka makhalelo ooreera ni okhala vooreera.

Muluku ooreeriheni vano, Munna Neville. 

61-1112 Ethoonyeryo Y'ekeekhai Ehinicaliwa  
Branham Tabernacle  
Jeffersonville, Indiana wAmerika

EMAKHUWA

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Olopola mwaha wa ihaakhi sa mwaneene

Ihaakhi sothene sinnaakiheriwa. Eliivuru ila pooti otthittiwa owaani wira mutthu arumeele wala okaiwa, voohilinvwa etthu, ntoko ekaruma y'olaleerya Ehapari yooreera ya Yesu Kristu. Eliivuru ila ehitumihiweke, otthittiwa eyaattelo yuulupale, oheliwa muwepisaiti, oheliwa moothukumanyiwa wira ekuxiwe-tho, otaphuleliwa ni mattaava makina, wala orumeeliwa wira ophwanyiwe musurukhu vahikhanle n'utthuniheriwa woolempwa ni Voice Of God Recordings®. Mwaaphavelaka wiiwa-tho wala ikaruma sikina sikhhanle, xontte mulavule ni:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)